

O LE EKALESIA A IESU KERISO O LE AU PAIA O ASO E GATA AI • FEPUARI 2013

O Le Liahona


**Tatou te Mulimuli
ia lesu Keriso,
i. 16, 22, 28**

**Aisea Tatou te Manaomia
ai Lotu ua Faatulagaina,
i. 44**

**E Faapefea ona Ou
Faagaloina le Tiga? i. 46**

**Ki le Taaloga! . . . pe Tape?
i. 70**



A vertical photograph of a forest scene. On the left, a large tree trunk is visible. Sunlight filters through the dense canopy of tall evergreen trees, creating bright rays and a warm glow. The forest floor is covered with green undergrowth and smaller plants.

*"O le loto-
maualalo
o se eleele
lauusiusi lea e
ola ai le faale-
agaga ma fua
mai ai fua o
musumusuga
e iloa ai le
mea e fai."*

Elder Richard G.
Scott o le Korama
a Aposetolo e
Toasefululua, "E
Faapefea ona
Maua ia Faaliga
ma Musumusuga
mo Lou Olaga
Patino," *Liahona*,
Me 2012, 47.



O SAVALI

- 4 Savali a le Au Peresitene Sili: O Se Upu mo le Faifeautalai Faalotolotolua**
Saunia e Peresitene Dieter F. Uchtdorf
- 8 Savali a Faiaoga Asiasi: Liua i le Alii**

I LE FAAVAA

Luma: Ata o se fafine o loo fesoasoani ina ua maea le mafuie i Tahiti i le 2010, na pueina e Jeffrey D. Allred ma Mike Terry © Deseret News. Tua: Ata na pueina e Howard Collett © IRI. Totonu pito i luma: Ata na pueina e Royce Bair © Flickr/Getty Images.



TALA FAAALIA

- 16 Amiosao: O Le Faavae o se Olaga Faakeriso**
Saunia e Elder Tad R. Callister
O mataupu faavae nei e fitu o le a musuiaina ai i tatou ina ia avea le amiosao ma se uiga faavae autu faaletagata mo o tatou olaga patino.
- 22 O Le Avea ma Soo i Taimi Uma, i Mea Uma, ma i Nofoaga Uma**
Saunia e Melissa Merrill
Ua faasoa mai e sui nei e toaono ni mea sa latou aoaoina mai se "aaifiaga o le avea ma se soo".
- 28 Faapaleniiina o le Upumoni ma le Faapalepale**
Saunia e Elder Dallin H. Oaks
E ao ona tatou tutu atu mo le upumoni, e tusa lava pe o tatou faatinoina le faapalepale ma le faaaloalo i talitonuga ma manatu e ese mai o tatou lava talitonuga ma manatu.

MATAGALUEGA

- 9 Aoao Atu Mo Le Malosi o le Autalavou: Faafiafiaga ma Ala o Faasalauga**
- 10 Tusigāmanatu Konafesi Oketopa**
- 13 O Tatou Aiga, O Tatou Auaiga: O Le Faatoesega a Lo'u Tama**
Saunia e David Hixon
- 14 O Le Mea Tatou Te Talitonu I Ai: E Ao ona Toe Fanauina i Tatou i le Vai ma le Agaga**
- 36 O Leo o le Au Paia o Aso e Gata Ai**
- 76 Tala Fou o le Ekalesia**
- 79 Manatu mo Afiafi Faaleaiga**
- 80 Seia Tatou Toe Feiloai: Manatuaina o la i le Sapati**
Saunia e Michael R. Morris

AUTALAVOU MATUTUA



40 Tulaga Faatonuina mo Vaitau Uma

Saunia e Lori Fuller

*O le a le mea e te faia pe a fetaiai
ma se mea e foliga mai o se itu
nenefu i le va o le sao ma le sese?
O mataupu faavae nei e lima
mai le Tusi a Mamona e mafai
ona taialaina ai oe.*


**Vaai pe mafai
ona e mauaina
le Liahona o loo
natia i le lomiga
lenei. Faaiteite:
Vaai i le lag.**

50



AUTALAVOU

44 Tatou te Manaomia le Ekalesia a Keriso

Saunia e David A. Edwards

*O nisi e tuufesili pe aisea e
manaomia ai lotu ua faatulaga-
ina. O mafuaaga ia e lima.*

46 Fesili ma Tali

*Na matua faatiga se tasi o a'u uo
ia te a'u. Ou te iloa e tatau ona
ou lotu faamagalo, peitai e faa-
pefea ona ou faagaloina le tiga?*

48 Mo Le Malosi o le Autalavou: Moli . . . Meapueata . . . Faatino!

Saunia e Adrián Ochoa

50 Avea Taaloga Vitio ma Vaisu

Taofia le igoa

*Ina ua amata ona ou faamisia
le lotu ma suesuega o tusitusiga
paia ina ia ou taalo ai i taaloga
vitio, sa ou iloaina sa ou manao-
mia e saili le toe faapalenii.*

52 Taulai Atu i Tulaga Faatauaina

Saunia e Elder Russell M. Nelson

*O le atiina ae o tulaga faatauain-
a nei e valu i lou olaga o le
a fesoasoani i le avea ai o oe
ma tagata e finagalo le Tama
Faalelagi ia avea ai oe.*

56 O La Tatou Avanoa

58 Taliina o Fesili e uiga i le Ata o le Faaolataga

*O tali pupuu i fesili e fa atonu
o i ai a au uo.*

60 E Faapefea Ona Ou Taitaia se Fonotaga?

*Taumafai e mulimuli i fautuaga
nei e fitu pe a e taitaia se
fonotaga.*

TAMAITI



61 Molimau Faapitoa: E Mafai Faapefea ona Fesoasoani Tusitusiga Paia ia te A'u?

Saunia e Elder Richard G. Scott

62 O Mea e Sili ona Taua

Saunia e Charlotte Wood Wilson

*Ina ua taufaalilili mai au uo i le
aoga ia te au, sa aoaoina au e
Tina e na o le lua lava manatu
e taua.*

64 O La Tatou Itulau

65 Manatu Lelei

66 Aumaia o le Peraimeri i le Fale: Sa Foafoaina le Lalolagi mo Fanau a le Tama Faalelagi

68 Matagofie Mea Uma

Saunia e Marissa Widdison

*Tagai i ata ma laupapa vane
na fatuina e Peresitene Boyd K.
Packer ao laitiiti.*

70 O Le Tulafono o le Faatulagaga

Saunia e Jennifer Maddy

*O le a le mea e fai e Etana pe a
taalo Chase i se taaloga vitio e
le i ai se faatulagaga a le aiga
o Etana.*

72 Mo Tamaiti Laiti

81 Atatosi o le Perofeta: Polika laga

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Apostolo e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Craig A. Cardon

Fautua: Shayne M. Bowen, Bradley D. Foster, Christoffel Golden Jr., Anthony D. Perkins

Pule Faatonusili: David T. Warner

Faatonusili o le Lagolago mo Aiga ma Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg
Pule o Mea Tau Pisinisi: Garff Cannon

Pule Faatonutonu: R. Val Johnson

Pule Faatonutonu Lagolago: LaRene Porter Gaunt

Lagolago o Lomiga: Melissa Zenteno

Au Tusitusi ma Faatonutonu: Susan Barrett, Ryan

Carr, David Dickson, David A. Edwards, Matthew D. Flitton, Mindy Raye Friedman, Hikari Loftus, Lia McClanahan, Michael R. Morris, Richard M. Romney, Paul VanDenBerghe, Julia Woodbury

Pule Faatonusili Tusiata: J. Scott Knudsen

Faatonusili Tusiata: Todd R. Peterson

Au Mamanu: Jeanette Andrews, Fay P. Andrus, C. Kimball Bott, Thomas Child, Kerry Lynn C. Herrin, Colleen Hinckley, Eric P. Johnsen, Scott M. Mooy, Brad Teare

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Howard G. Brown, Julie Burdett, Bryan W. Gygi, Kathleen Howard, Denise Kirby, Ginny J. Nilson, Ty Pilcher, Gayle Tate Rafferty

Tailolomi: Jeff L. Martin

Faatonusili Lomoga: Craig K. Sedgwick

Faatonusili o le Tufufatuga: Evan Larsen

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le initoneti i le liahona.lds.org: pe meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po se "faatonu") e lomia i le faa-Alepania, Aminia (Sasae), Pisilama, Palekeria, Kemupotia, Sepuano, Saina, Kalaotia, Siekisolvakia, Tenimaka, Take, Igilisi, Eitonita, Fiti, Finelani, Farani, Siamani, Eleni, Hanikeri, Initu, Iselani, Initonesia, Italia, Iapani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipanio, Suetenia, Tagaloka, Tahiti, Tai, Toga, Lukureini, ma Urutu, ma Viatename. (E eseese lava gagana.)

© 2013 Puletaofia e le Intellectual Reserve, Inc. Ua taofia aia tatau uma. Lomia i le lunatei Setete o Amerika.

E mafai ona kopi tala ma ata o le Liahona mo le toe faaaogaina i lotu po o le aiga ae ia le faia ai ni pisinisi. E le tatau ona kopi ni tala po o ni ata po afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia e le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

February 2013 Vol. 37 No. 2. O LE LIAHONA (USPS 311) Samoa (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Faopoopoga o loo maua i le Initoneti Liahona.lds.org

MO TAGATA MATUTUA

O loo aoaoina mai e Mea Tatou Te Talitonu I Ai i le (itulau 14) ni aoaoga faavae autu i se gagana faigofie. E mafai ona maua le tele o isi faamalamalamaga faigofie o aoaoga faavae ma mataupu faavae eseese i le initoneti i le lds.org/topics.



MO LE AUTALAVOU

I le itulau e 48, o loo aoao mai ai Adrián Ochoa, fesoasoani lua i le au peresitene aoao o Alii Talavou, e uiga i le taua o le filifili ma le atamai o ala o faasalalauga tatou te matamata ma faalogologo i ai. E mafai ona e aoao atili e uiga i tulaga faatonuina o ala o faasalalauga ma faafiafiaga i le [Mo Le Malosi o le Autalavou](http://MoLeMalosi.lds.org) i le youth.lds.org.

I le itulau e 52, o loo tuuina mai ai ni manatu faaalia o Elder Russell M. Nelson o le Korama a Aposetolo e Toasefululuua e uiga i tulaga faatauaina uma e valu a Tamaitai Talavou. E mafai e tamaitai talavou ona aoao atili e uiga i na tulaga faatauaina ma galulue ai i le Alualu i Luma o le Tagata Lava la i luga o le initoneti i le PersonalProgress.lds.org.

I LAU GAGANA

O loo maua le Liahona ma isi tusi a le Ekalesia i le tele o gagana i le languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Aiga, 13

Ala o faasalalauga, 9, 13, 48, 50, 70

Amio Sa'o, 16, 52

Aoao atu, 9

Auauna atu, 22

Avea ma Soo, 22

Faaaloalo, 28

Faaaumea, 8

Faalagolago o le tagata ia te ia lava, 38

Faamagaloga, 46

Faamaoni, 36

Faamauga, 14

Faataitaiga, 4, 28, 36, 38, 39

Faatoagagaina, 8

Fatatumauina o tagata liliu mai, 8

Faauo, 57

Faiaoga asiasi, 8

Feagaiga, 14

Foafoaga, 66, 68, 72

Fonotaga/Sauniga, 60

Gagana, 56

Galuega faafaifeatalai, 4

Iaga, Polika, 81

Iesu Keriso, 22

Kerisiano, 38, 44

Konafesi aoao, 10

Onosai, 28

Papatisoga, 14

Sapati, 80

Seminare, 56

Sootaga a ni tagata se toalua e eseese tapuaiga, 28, 38

Suesue i tusitusiga paia, 22, 56, 61

Taua o le tagata lava ia, 52, 60

Teuina o meaai, 38

Tulaga faatauaina, 52

Tulaga faatonuina, 9, 13, 28, 39, 40, 48, 70

Upumoni, 28

Usiusitai, 40



**Saunia e Peresitene
Dieter F. Uchtdorf**

Fesoasoani Lua i le Au
Peresitene Sili

O SE UPU MO LE

Faifeautalai

Faalotolotoluā

Oloo i ai lava i taimi uma i le au sooo a Iesu Keriso le tiute o le talai atu o Lana talalelei i le lalolagi ato (tagai i le Mareko 16:15–16). Ae peitai, o nisi taimi e faigata ai le tatala o o tatou gutu ma tautatala atu e uiga i lo tatou faatuatuaga ia i latou o loo siomiaina i tatou. E ui e i ai i nisi o tagata o le Ekalesia le meaalofa masani o le talanoa atu i isi e uiga i le lotu, ao isi e faalotolotoluā pe e lagona le le mautonu, matamuli, ma e oo lava foi i le fefefe e tautatala atu.

Mo lena mafuaaga, sei ou fautuina atu ni mea se fa e mafai e sooo se tagata ona faia e mulimuli ai i le galuega a le Faaola o le talai atu o le talalelei “i tagata uma lava” (MF&F 58:64).

Ia Avea o se Malamalama

O se faaupuga ou te fiafia lava i ai e masani lava ona faia ia St. Francis o Assisi e faitauina faapea, “Talai le talalelei i taimi uma, ma a manaomia, faaaoga upu.”¹ O loo i ai i lenei faaupuga le malamalamaaga faapea o le tele lava o lauga sili ona mamana e le o faaupuina i upu.

Pe a tatou mauaina le amiosao ma ola ai i taimi uma i o tatou tulaga faatonuina, o le a iloaina e tagata. Pe a tatou faasusulu atu le olioli ma le fiafia, o le a atili ai ona latou iloaina.

E mananao tagata uma ina ia fiafia. Pe a faasusulu atu e i tatou o tagata o le Ekalesia le malamalama o le talalelei, o le a vaai tagata i lo tatou fiafia ma lagonaina le alofa o le Atua ua faatumulia ai o tatou olaga. Latou te fia iloa le mafuaaga. Latou te fia malamalama i la tatou mealilo.

Ma o le a taitaiina atu ai i latou i le faia o ni fesili e pei o le “Aisea tou te matua fiafia ai lava?” po o le “Aisea tou

te mauaina ai se lagona lelei i taimi uma?” Ioe, o tali o nei fesili o le a taitai tonu atu ai lava i se talanoaga e uiga i le talalelei toefuataiina a Iesu Keriso.

Ia Talatalanoa Faasamasamanoa

O le tauina atu o le mataupu e uiga i le lotu—aemaise lava i a tatou uo ma e pele ia i tatou—e mafai ona faafoliga taufaafefe ma luitauina. E le tatau ona faapena. O le ta'ua o aafiaga faaleagaga po o le talatalanoa e uiga i gaoioiga po o mea na tutupu a le Ekalesia i talanoaga faasamasamanoa e mafai ona faigofie ma fiafia pe afai tatou te mauaina se lototele ma ni manatu lelei.

O lo'u toalua o, Harriet, o se faataitaiga matagofie o lenei mea. Ao matou nonofo ai i Siamani, na te sailia se auala e faatino ai ni mea e faatatau i le Ekalesia i ni ana talanoaga ma ana uo ma e masani. Mo se faataitaiga, pe a fesili atu se tagata pe na a le faaiuga o lona vaiaso, na te faapea atu, “Sa matou maua se aafiaga mataina i la matou lotu i lenei Aso Sa! Sa faia e se alii talavou e 16 tausaga lona matua se lauga matagofie i luma o tagata e 200 o la matou aulotu e uiga i le ola i se olaga mama.” Po o le, “Sa ou aoao e uiga i se tamaitai e 90 tausaga lona matua na koloseina le silia ma le 500 palanikeke ma tuuina atu i le polokalama fesoasoani a la matou Ekalesia ina ia auina atu i tagata e le tagolima i le lalolagi atoa.

O le tele lava o taimi, o tagata na faalogo i lenei mea o le a mananao ina ia iloa atili. Latou te faia ni fesili. Ma o lena mea o le a taitaiina atu ai i avanoa e talanoa ai e uiga i le talalelei i se auala masani, mautinoa, ma e le faamalosia.



AOAO ATU MAI LENEI SAVALI

O se tasi o auala mataalia e aoao atu ai o le "uunaia lea o i latou o e aoaoina e faatutu . . . sini e mafai ona fesoasoani ia i latou ia ola ai i le mataupu faavae ua uma ona e aoao atu" (*O Le Aoao Atu, E Leai Se Isi Valaauga E Sili Ai* [1999], 159). Mafaufau e valaaulia i latou o e aoaoina ina ia faatuina ma le agaga tatalo se sini e faasoa atu le talalelei i se tagata e toatasi pe sili atu foi i lenei masina. E mafai ona talanoaina e matua ni auala e mafai ai e tamaiti laiti ona fesoasoani. E mafai foi ona e fesoasoani atu i tagata o le aiga e faia se gaoioiga o manatu palepalealuga pe faatino se tala e aumaia ai le talalelei i se talanoaga masani ma mafaufau i ni gaoioiga a le Ekalesia o i luma atu lea e mafai ona latou valaaulia ai se uo.

Talu mai le amatalia o le Initonetia ma ala faasalalau faaagafesootai, ua sili atu ona faigofie le talanoa e uiga i nei mea i se auala faasamasamanoa nai lo le taimi muamua. O le mea tatou te manaomia o le lototeli e faia ai.

Ia Tumu i le Alofa Tunoa

O le mea e faanoanoa ai, e matuai faigofie lava le eseese o manatu. E tupu soo lava lo tatou tauaimisa, faitio, ma tautuua'i. Afai tatou te ita, le mafaufau, pe faatiga i tagata, o le mea mulimuli lava latou te mananao e fai o le suesue atili lea e uiga ia i tatou. E faigata ona iloa pe ua toafia ni tagata, a lē o ese atu ma le Ekalesia pe e lei liliu mai ona o se faamatalaga na fai atu e se tasi na faatiga pe na faalumaina ai i latou.

E matua tele lava o le le mafaufau i le lalolagi i le aso. Ona o le mafai e isi tagata on tusitusi i luga o le Initonetia e aunoa ma le iloaia e isi tagata po o ai na tusiaina, o lea ua sili atu ai ona faigofie nai lo le taimi muamua ona faia ni faaupuga faatiga po o le le lelei. Pe le tatau ea ia i tatou, o soo faamoemoeina o lo tatou Keriso faapelepele, ona i ai se tulaga faatonuina maualuga atu pe sili atu ona alofaina. O loo aoao mai tusitusiga paia, "Ia le aunoa a outou upu ma le alofa, ia faamai i le masima, ia iloa e outou ona faifaataatau se tali i tagata taitoatasii uma" (Kolose 4:6).

Ou te fiafia i le manatu faapea o a tatou upu e manino e pei o se lagi e suluia e le la ma ua tumu i le alofa tunoa. Mata e mafai ona e vaai faalemafaufau atu i le tulaga o le a i ai o tatou aiga, uarota, itumalo, ma e oo lava i le lalolagi pe afai e mafai ona tatou faaaogaina lenei mataupu faavae faigofie.

Ia Tumu i le Faatuatua

O nisi taimi tatou te faaviivii ai pe tuuaia ai foi i tatou lava pe a oo i le tulaga o le talia e isi o le talalelei. E taua le iloaia e le o faamoe-moe mai le Alii ia i tatou e faia le tulaga o le faaliliuina.

E le tupu le liua ona o a tatou upu ae e ala mai i le fesoasoani faalelagi a le Agaga Paia.

O nisi taimi e pau lava le mea e manaomia o se fuaiupu e tasi o la tatou molimau pe o se aafiaga ina ia faatupu ai le faamaluluina o le loto po o le tatalaina o se faitotoa lea e taitai atu ai isi ina ia iloaia ia upumoni musuia e ala i uunaiga a le Agaga.

Na saunoa mai Peresitene Polika Iaga (1801-77) na ia iloa e moni le talalelei ina ua ia "vaai i se tagata e le lelei lana tautala, po o se taleni e lauga ai i nofoaga faitele, ae ua na ona faapea mai, 'Ou te iloa, i le mana o le Agaga Paia, o le Tusi a Mamona e moni, o Iosefa Samita o le Perofeta a le Alii.'" Na saunoa Peresitene Iaga ina ua ia faalogo i lena molimau agamalu, "O le galuega a le Agaga Paia mai lena tagata na faapupulaina ai lo'u iloa, ma le malamalama, mamalu, ma le tino ola pea e pei ona faaali mai ia te au."²

Uso e ma tuafafine, ia faatuatua. O le a mafai ona faalauaiteleina e le Alii ia upu tou te tautatala atu ai ma faamalolosia. E le o fetalai atu le Atua tou te faaliliuina ae na o le tatala o outou gutu po o fofoga. O le galuega o le faaliliuina e le o sau galuega—o le galuega lena a le tagata o loo faalogologo faapea ma le Agaga Paia.

O Tagata Uma Taitoatasii o le Ekalesia o se Faifeautalai

Au ue pele, ua anoanoai le mau auala i le aso nai lo le taimi muamua e tatalaina ai o tatou gutu ma faasoa atu i isi ia talafou fiafia e uiga i le talalelei a Iesu Keriso. O loo i ai se ala mo tagata uma—e oo lava i le faifeautalai faalotolotua—inia ia faatino ai i lenei galuega maoae. E mafai e i tatou taitoatasii ona saili se auala e faaaoga ai a tatou lava taleni faapitoa ma mea e fiafia i ai e lagolago ai le galuega maoae o le faatumulua o le lalolagi i le malamalama ma le upumoni. Ao tatou faia lena mea, o le a tatou maua le olioli lea e oo mai ia i latou o e o faamaoni ma lava le lototoa "ma tutu o ni molimau a le Atua i taimi uma" (Mosaea 18:9). ■

FAAMATALAGA

1. St. Francis o Assisi, i le William Fay ma Linda Evans Shepherd, *Share Jesus without Fear* (1999), 22.

2. Aodoga a Peresitene o le Ekalesia: Polika Iaga (1997), 67.

Fefaaaoai ma se Uo

Saunia e Adriana Vásquez, Colombia

N se tasi aso ao ou suesue mo lau vasega seminare, sa ou maua se uunaiga matagofie ma manino. Ao ou faitauina le lesona mo le aso e sosoo ai, sa ou vaia foliga o se uo mai le aoga ma sa maua se lagona malosi e tatau ona ou faasoa atu lau molimau ia te ia.

E ui i le manino o lenei musumusuga, sa ou fefe. Sa ou popole nei teena au e la'u uo, aemaise lava ona e le foliga mai o ia o se ituaiga tamaitai e fiafia e auai i le Ekalesia.

Sa ou toe mafaufau i le lauga a Sister Mary N. Cook o le au peresitene aoao a Tamaitai Tala-vou lea na ia luitauina i tatou ina ia galulue malolosi ma ia lotototoa.¹ Sa ou manao ina ia ou faapena, ma o lea sa ou tusi atu ai i lenei tamaitai ma molimau atu e uiga i le moni o le Ekalesia atoa ai ma lou fiafia i le Tusi a Mamona. O le aso na sosoo ai sa ou



momonoina ai se kopi o le Tusi a Mamona, faatasi ai ma la'u tusi, i totonu o lana ato.

Sa ou ofo, sa matua fiafia lava la'u uo i le talalelei. Amata mai lena aso, na te tauina mai ia te au mea sa ia aoaoina i lana suesuega o le Tusi a Mamona. O ni nai vaiaso mulimuli ane, sa ou faailoa atu ai o ia i faafeatalai. E lei

leva lava, ae ona mauaina se faamaoniga mai le Agaga Paia faapea o mea sa ia aoaoina e moni. Sa matou fetagisi ma faafeatalai ina ua ia tau maia ia i matou ona lagona. E lei leva ae papatiso la'u uo, ma sa ofo ona matua i le vaaia o ni suiga lea na oo ia te ia.

Ou te matuai fiafia lava sa mafai ona ou foia ou popolega ma fesoasoani i le auina atu o le talalelei i lona olaga.

FAAMATALAGA

1. Tagai Mary N. Cook, "Aua, Aua, Aua Lava E Te Fiu!" *Liahona*, Me 2010, 117–19.

TAMAITI

E Mafai Ona Avea Au ma Malamalama i Isi

Na saunoa mai Peresitene Uchtdorf faapea ina ia avea ma se malamalama i isi, e tatau ona "manino [a tatou upu] e pei o se lagi e suluia e le la ma ua tumu i le alofa tunoa". E tatau ona tatou faia ni upu faafafia, faamaoni ma agalelei. O le a se mea e mafai ona e faia pe tautala atu ai ina ia avea ma malamalama i isi? Ina ia maua se savali o loo nanaina i totonu o pusa nei, valivali i le lanu uliuli ia pusa o loo ta'u atu pe o faia ni mea le lelei pe faatiga.

E mafai ona e tusia i lau api talaaga ni mea lelei se lima e te fuafua e tau atu i tagata o le aiga po o ni uo.

"Faafetai lava"	la fiafia	la avea ma se e faatupuina le filemu	"O le a ou faasoaina ma oe"	la faaaloalo
"Ou te faamalie atu"	Tauaimisa	"E ese le lelei o le vaai atu ia te oe"	Misa	"Ou te fiafia e fesoasoani atu"
"Faamole-mole"	la agalelei	"Alu ese ma lou auala"	"Ou te alofa ia te oe"	"E le afaina"
Faaita	"Lelei le galuega"	Tuu atu se faamalo	"Ta uo"	Le amanaia
Fesoasoani i se tagata	Faamaasiasi	Faitatala	Faasau-noa i ai	la agamalu

Suesue ma le agaga tatalo i mea nei, ma pe a talafeagai ai, ia talanoaina faatasi ma uso e te asia. Faaoga fesili e fesoasoani ai ia te oe e faamalosia ai ou uso ma avea ai le Aualofa ma se vaega ola o lou lava olaga. Mo nisi faamatalaga, alu i le reliefsoociety.lds.org.


Liua i le Alii

O tuafafine fou o le Ekalesia—e aofia ai ma Tamaitai Talavou ua ulufale atu i le Aualofa, o tuafafine ua toe foi mai ma toaaga, atoa ai ma tuafafine fou liliu mai—e manaomia le lagolago ma le faauoga a faiaoga asiisi. O le faaauai o tagata o le ekalesia e taua tele i le faatumauina o le liua ma le toe aumaia o tagata le toaaga ia faatoaagaina atoa,” sa saunoa ai Elder M. Russell Ballard o le Korama a Apostolo e Toasefululu. “Ia maua le vaaiga mamao lea . . . e mafai ai e le Aualofa ona avea [ma se tasi o] punaoa aupito sili ona mamana o le faauo atu tatou te maua i le Ekalesia. Ia aapa vave atu ia i latou ua aoaoina ma faatoaagaina, ma alolofa ia i latou i totonu o le Ekalesia e ala i la outou faalapotopotoga.”¹

I le avea ai ma uso o le Aualofa, e mafai ona tatou fesoasoani atu i uso fou e aoao ni faiga faavae a le Ekalesia, e pei o le:

- Tuuina atu o se lauga.
- Tuuina atu o le molimau.
- Ola ai i le tulafono o le anapogi.
- Totogiina o le sefuluai ma isi taulaga.
- Auai i le faatinoina o le galuega o talafaasolopito o aiga.
- Faatinoina o papatisoga ma faamauga mo o latou tuaa ua maliliu.

“E manaomia ni uo magafagafa lelei ia lagona ai e tagata fou o le



ekalesia le toafimalie ma le taliaina lelei i le lotu,” sa saunoa ai Elder Ballard.² O i tatou uma, aemaise lava ia faiaoga asiisi, ua i ai ni tiutetauave taua e faavae ni faigauo ma tagata fou e fai ma ala e fesoasoani atu ai ia i latou ia mausali ai le “liua i le Alii” (Alema 23:6).

Mai Tusitusiga Paia

2 Nifae 31:19–20; Moronae 6:4

FAAMATALAGA

1. M. Russell Ballard, “O Tagata o le Ekalesia o le Ki Lea,” *Liahona*, Sete. 2000, 18.
2. M. Russell Ballard, *Liahona*, Sete. 2000, 17.
3. Gordon B. Hinckley, “E Taua Uma Tagata Liliu Mai,” *Liahona*, Fep. 1999, 9.
4. Iosefa Filitia Samita, i le *O Afafine i Lo'u Malo: O Le Talafaasolopito ma le Galuega a le Aualofa* (2011), 105.

Faatuatua, Aiga,
Toomaga



Mai lo Tatou Talafaasolopito

“I le faatupulaia tele ai o le aofaiga o tagata liliu mai,” sa saunoa ai Peresitene Gordon B. Hinckley (1910–2008), “e tatau ona tatou faia se taumafaiga tele faateleina e fesoasoani ai ia i latou a o latou mauaina lo latou ala. E manaomia e tagata uma o i latou [e liliu mai] ni mea se tolu: o se uo, o se tiutetauave, ma le tausia i le ‘afioga lelei a le Atua’ (Moronae 6:4).”³

O loo i ai ia faiaoga asiisi i se tulaga e fesoasoani ai ia i latou o loo latou vaavaaia. E tele lava ina muamua mai faigauo, e pei ona i ai i se uso talavou o le Aualofa sa avea ma faiaoga asiisi o se uso matua atu. Sa telegese lava lo la fausiaina o se faigauo seia oo ina la galulue faatasi i se galuega faatino o le faamamaina o se mea. Sa avea i la'ua ma uo, ma a o la talanoa e uiga i le Savali a Faiaoga Asiasi, sa tausia uma i la'ua e ala “i le afioga lelei a le Atua.”

Sa faapea mai Peresitene Iosefa Filitia Samita (1876–1972) o le Aualofa “o se vaega taua o le malo o le Atua i le fogaelele . . . ia fesoasoani ai i ona sui auai faatuatua ia maua ai le ola faavaau i le malo o lo tatou Tama.”⁴

O Le a se Mea e Mafai Ona Ou Faia?

1. Pe ou te tatalo mo la'u soa ma ole atu o le a taitai i ma'u e le Agaga a o ma auauna atu i o ma uso?

2. O a ni ala tatou te auauna atu ai i uso taitasi tatou te vaavaaia ina ia ona iloaina ai tatou te popole moni lava mo ia?

FAAFIAFIAGA MA ALA O FAASALALAUGA

Ua faatumulia o tatou malo i filifiliga o ala o faasalalauga. E tatau ona tatou faaeteete pe o a ata ma mafaufauga tatou te faatagaina i o tatou mafaufau ona “soo se mea lava [tatou te] fai tauina, faalogo i ai, pe vaai i ai e i ai se aafiafiga ia i [tatou]” (*Mo Le Malosi o le Autalavou* [tamaitusi, 2011], 11). O loo tusia e Adrián Ochoa, fesoasoani lua i le au pere-sitene aoao o Alii Talavou e uiga i faafiafiga ma ala o faasalalauga i le itulau 48 o le lomiga lenei.

“Manatua o le mea moni lava o loo e i ai iinei i lenei olaga e atiina ae lou faatuatua, ia tofotofoina, ma ia aoao ma ia fiafia,” sa ia tusia ai. “I le avea ai ma se tagata o le Ekalesia moni a Keriso, ua ia te oe le mana sili e fesoasoani ai ia te oe. Ua ia te oe le mana o le Agaga Paia e lapataia oe pe afai e le o sa’o se mea o i ai i ou luma. O loo ia te oe foi le mana o le fitalia, ina ia mafai ai ona e filifili le mea o le a e faia ma le mea o le a e le faia.”

Fautuaga mo le Aoao Atu o le Autalavou

- Talatalanoa faatasi ma lau autalavou i ni ata tifaga tou te matamata ai faatasi o se aiga. Faalogologo i musika o loo latou faaaogaina. Mafaufau faatasi pe faapefea e na ala o faasalalauga ona fuataina ia tulaga faatonuina o loo i le *Mo Le Malosi o le Autalavou*.
- Alu i le **youth.lds.org** ma kiliki i le “For the Strength of Youth” i

lalo o le Youth Menu. O iina o le a e maua ai ia vitio, mau faasin o tusitusiga paia, polokalama o le leitio o le Mormon Channel, fesili ma tali, ma tusiga (mo se faataitaiga, tagai i le “Getting Real”), e aofia ai lauga a le Au Pulega Aoao.

- Mafaufau e fai se afiafiga faaleaiga e uiga i le taua o le filifilia o ala o faasalalauga lelei (o se punaoa lelei lava o le lauga a David A. Bednar, “O Mea E Pei Ona I ai Lava,” *Liahona*, Iuni 2010, 22–31).

Fautuaga mo le Aoao Atu o Tamaiti

I le tala “O Le Tulafono o le Faatu-lagaga,” o loo maua i le itulau 70, sa iloa ai e Ethan ia ala o faasalalauga sa saogalemu mo ia e faaaoga ona sa talanoaina e lona aiga. E mafai ona e fai taua faatasi ma lau fanau i lenei tusiga ma amata sa outou lava talanoaga e faaaoga ai fesili nei:

- *O ai* e mafai ona fesoasoani ia i tatou e fai ni faaigu lelei e uiga i ala o faasalalauga ma faafiafiga?
- *O a* ala o faasalalauga e lelei mo i tatou e matamata i ai, fai taua, pe faalogologo foi i ai?
- *O a taimi* e LELEI ai le faaaogaina o ala o faasalalauga?
- *O fea* e tatau ona tatou faaaogaina ai ala o faasalalauga?
- *Aisea* e taua ai ona faaeteete i faafiafiga?



“Afai o i ai nisi mea e mama, matagofie, pe logoleleia pe tauleleia, matou te saili atu i nei mea” (*Mataupu Faavae o le Faatuatua 1:13*).

Mafaufau e fai se taiala faaleaiga o ala o faasalalauga e ala i le gauluaina o pepa ma faapipii faatasi i le gauga e fatu ai se tamaitusi. I itulau taitasi, e mafai ona e tusia ai se ituaiga o ala o faasalalauga e faaaoga i lou aiga, faatasi ai ma tulaga faatonuina faaleaiga ma fautuaga faaperofeta lea e faatatau i lena ala o faasalalauga.

E mafai foi ona e fai tauina le “Tape ma Ta’u Mai” saunia e Danielle Kennington (*Liahona*, Iuni 2011, 64) e fesoasoani ai ia te oe e amatalia se talanoaga e uiga i le faaaogaina ma le tatau o ala o faasalalauga. ■

TUSIGĀMANATU KONAFESI OKETOPA

“O le mea ua fai atu ai A'u o le Alii, ua Ou fai atu ai; . . . pe i lo'u lava leo po o i le leo o a'u auauna, ua tutusa lava” (MF&F 1:38).

A o e suesueina le konafesi aoao ia Oketopa 2012, e mafai ona e faaaogaina nei itulau (ma Tusigāmanatu o le Konafesi i lomiga i le lumanai) e fesoasoani ai ia te oe e suesue ma faaaoga aoaoga talu ai nei a perofeta soifua ma aposetolo ma isi taitai o le Ekalesia.

TALA MAI LE KONAFESI


Ua Silafia e le Atua a Tatou Meaalofa

Ina ua ou tiakono i le 12 o ou tau-saga, sa ou nofo ai i New Jersey, e 50 maila (80 km) mai le Aai o Niu Ioka. Sa ou moemiti e avea ma se tagata taalo pesipolo maoae. Sa malie

lo'u tama e ave au e matamata i se taaloga sa faia i le Malae Taalo tuai ma le logologoa a le Yankee i le Bronx. O loo mafai pea ona ou vaaia le sasau o le pate ina ua ta e Joe DiMaggio se

ta mamao na lelea atu i totonus o le falematamata ogatotonu o le malae sa nofo ai lo'u tama i ou talaane, na o le pau lea o le taimi na ma o faatasi ai i se liki pesipolo pito i luga [a le Iunaite Setete].

Ae o se isi aso faatasi ma lou tama na mamanu ai lou olaga e faavavau. Sa ia ave au mai New Jersey i le fale o se peteriaka faauuina i le Aai o Sate Leki. Ou te lei vaai muamua lava i lea alii. Sa tuu au e lou tama i le faitotoa. Sa taitai atu au e le peteriaka i se



Folafolaga Faaperofeta

“E mafai ona ou folafola atu ia te oe o le a e faamanuiaina [isi] i lou fesoasoani lea ia latou iloaina meaalofa faaleagaga ia na fananau mai ma i latou. E eseese tagata uma ma e ese foi sona sao e fai. E leai se tasi o faamoemoe ia toilalo.”

Peresitene Henry B. Eyring, Fesoasoani Muamua i le Au Paereistene Sili, “Fesoasoani ia i Latou e Faatutu ni Sini Maualuluga,” *Liahona*, Nov. 2012, 60.

nofoa, tuu ona lima i luga o lou ulu, ma folafola mai se faamanuiaga lea sa aofia ai se tautinoga o le manao aupito sili o lou loto.

Sa ia fai mai o au o se tasi o i latou ia sa fai mai ai, "Amuia e faatupuina le filemu." [Mataio 5:9.] Sa ou tei ona o loo mafai ona iloa e se tagata ese lou loto lea na pupula ai ou mata e vaai i le potu i le mea sa tupu ai se vavega. O lena faamanuiaga o mea e mafai ona ou faia na mamanuina lo'u olaga, la'u faaipoipoga, ma la'u auaunaga faaleperisitua.

Mai lena aafiaga atoa ai ma mea na mulimuli mai ai, e mafai ona ou molimau atu ai, "Aua ua le tuuina atu i tagata uma meaalofa uma; ona e tele meaalofa, ma e tuu atu e le Agaga o le Atua i tagata taitoatas se meaalofa" (MF&F 46:11).

Sa faaali mai ia te au e le Alii se meaalofa, ua mafai ai ona ou iloina ma saunia mo ni avanoa e faaaoga ai e faamanuia ai i latou ou te alofa ma auauna i ai.

Ua silafia e le Atua a tatou meaalofa. O lau lui ia te outou faapena foi ma au, o le tatalo lea ia iloa meaalofa ua tuuina mai ia i tatou, ia iloa le auala e atiae ai, ma ia iloa ia avanoa e auauna atu ai i isi ua tuuina mai e le Atua ia i tatou. Ae o le mea sili o mea uma, ou te tatalo ina ia musuia outou e fesoasoani i isi ia mauaina a latou meaalofa faapitoa mai le Atua e auauna atu ai.

Peresitene Henry B. Eyring, *Fesoasoani Muamua i le Au Peresitene Sili*, "Fesoasoani ia i Latou e Faatutu ni Sini Maualuluga," Liahona, Nov. 2012, 67.



Faaaogaina o Lenei Savali

- A o e faitauina ma mafafau loloto i le Mataupu Faavae ma Feagaiga 46:11–26, tatalo ia iloa po o a meaalofa faaleagaga atonu o loo ia te oe.
- E mafai faapefea e le auauna atu i isi ona fesoasoani ia te oe e atiae au meaalofa faaleagaga?
- Afai e te lei mauaina lava se faamanuiaga faapteriaka, mafafau nei ia maua.

Mafafau e tusi ou mafafauuga i lau api talaaga pe talanoaina foi ma isi.

Isi punaoa faaopoopo e uiga i lenei autu: *Faamaoni i le Faatuatua* (2004), "Meaalofa Faaleagaga," 109–11; "Spiritual Gifts" i le Gospel Topics i le LDS.org.

MAUAINA O LE MALOSI I TAIMI O TOFOTOFOGA

"E faapefea ona e tumau "mausali ma le le mafaagaeetia' [Alema 1:25] i se taimi o se tofotofoga o le faatuatua? E te faatofuina oe lava i mea tonu ia sa fesoasoani e fausia le fatu o lou faatuatua:

- e te faatinoina le faatuatua ia Keriso.
- e te tatalo,
- e te mafafau loloto i tusitusgia paia,
- e te salamo,
- e te tausia poloaiga,
- ma e te auauna atu i isi."

Elder Neil L. Andersen o le Korama a Apostolo e Toasefululua, "Tofotofoina O Lo Outou Faatuatua," *Liahona*, Nov. 2012, 40; faaopoopo pulu.

FAATUMU LE AVANOA

1. "O le faaiuga e auauna atu i se misiona o le a faafuaitino ai le _____ o le faifeautalai, o lona toalua, ma a la'ua fanau mo tupulaga a sau" (Russell M. Nelson, "Fesili i Faifeautalai! E Mafai ona Latou Fesoasoani Atu ia te Oe!" *Liahona*, Nov. 2012, 18).
2. "Ina ia fesoasoani i le faaleleia atili o lo tatou _____, Ou te fia fautuaina atu ni upu se fa ia manatua: 'Muamua matau, auauna ai'" (Linda K. Burton, "Matau Muamua, Ona Auauna Atu ai Lea," *Liahona*, Nov. 2012, 78).
3. "O le galuega o le malumalu ma _____ o le galuega e tasi e vaevaeina i ni vaega se lua" (Richard G. Scott, "O Le Olioli i le Faaolaina o E ua Maliliu," *Liahona*, Nov. 2012, 93).
4. "O le uiga taualuga o le alofa o le _____" (Jeffrey R. Holland, "O Le Poloaiga Muamua ma le Sili," *Liahona*, Nov. 2012, 84).
Tali: 1. tenuunga faaleagaga;
2. fealofani; 3. talafaaosolopito o aiga;
4. faamoni

Ina ia faitau, matamata, pe faalogologo foi i lauga o le konafesi aoao, asiasi ane i le conference.lds.org.



FATUINA O NI AGAIFANUA FAALEAIGA

Sa aoao mai e Elder L. Tom Perry o le Korama a Apostolo e Toasefululua ni mea se lima e mafai ona faia e matua e fatu ai ni agaifanua faaleaiga malolosi atu. Sa ia fai mai: "O nei fautuaga mo le fatuina o ni agaifanua faaleaiga malolosi atu e galulue soosootauau ma le agaifanua a le Eklesia. O a tatou agaifanua malolosi faaleaiga o le a avea ma se puipuiga mo a tatou fanau."

1. "E mafai e matua ona tatalo faatauanau, ole atu i lo tatou Tama Faalelagi e fesoasoani ia i latou."

2. "E mafai ona fai a latou tatalo faaleaiga, suesueina o tusitusiga paia, ma afiafi faaleaiga, ma talisua faatasi ma faifaisoo pe a mafai."
3. "E mafai ona faamanuiaina tele matua mai upegafesootai lagolago a le Eklesia."
4. "E mafai ona faasoa atu e le aunoa e matua a latou molimau ia latou fanau."
5. "E mafai ona tatou faatulagaina o tatou aiga e faavae i luga o ni tulafono faaleaiga ma ni faamoemoega e manino ma faigofie, tu ma masani lelei faaleaiga, ma "alamanuia o le aiga."

Mai le: "Avea ma ni Matua Lelei," *Liahona*, Nov. 2012, 28.

O LE FAATOESEGA A LO'U TAMA

*Sa sili atu ona mamana
nai lo ni lauga se afe.*

Saunia e David Hixon

Sa 16 o'u tausaga ma sa tata la'u CD fou rock-and-roll mo le taimi muamua lava. Ae paga lea, a o ou faalogo-logo, sa ou le fiafia lava ina ua faalogo atu i se upu masoa i le pese mulimuli. Sa ou maasiasi. Sa ou iloaina e le faatagaina e o'u matua—e lei ausia e le CD lea ia tulaga faatonuina a lo matou aiga. Ae sa ou fiafia i le tele o isi pese, o lea o soo se taimi lava sa ou taina ai le CD, ou te kiina ai i lalo le leo a o lei oo i le vaega o i ai le upu masoa lea.

Sa tau e lou tuafafine e lelei, i lo'u tama la'u CD lea. Mulimuli ane, ina ua ma i ai i le potu ai, sa ia faasoa mai lona popolega e uiga i le upu le talafeagai. E ui sa faaali mai lona manatu i se tulaga agalelei, ae sa ou puipuia ma le lotomaaa la'u filifiliga.

Sa ou faaaogaina ia finauga uma na mafai ona ou mafaufau i ai e faatalitonu ai lo'u tama e tatau ona ou taofia pea la'u CD. "Ou te lei iloaina sa i ai lena upu i le CD i le taimi sa ou faatauina ai," sa ou fai atu ai, "ma pe a ta le pese lena, ou te kiina i lalo."

Ina ua ia fai mai e tatau ona ou tiaia le CD, sa ou fai atu, "Afa! e te manatu i lena mea, e tatau foi la ona ou le toe alu i le aoga! Ou te faalogo i lena upu—ma upu *leaga atu* i—aso uma i le aoga!"



Sa amata ona ia le fiafia. Sa ia toe faamamafa mai e le tatau lava ona i ai se musika masoa i totonu o lo matou aiga. Sa faateteleina le finauga ina ua ou fai atu e leaga atu nisi agasala e mafai ona ou faia ae ou te lei faaaogaina lava lena upu.

Na ou taumafai e osofai o ia: "Ou te taumafai malosi ia ou lelei, ae o lea ua e taulai i lenei mea faatauvaa e tasi ma ua e manatu o au o se tagata agasala leaga!"

E ui lava i lea, ae sa le faavaivai ai lo'u tama. Sa faapena foi ia te au. Sa ou savali atu i luga i lou potu, ato le faitotoa, ma taoto i lou moega, ma le ita tele. Sa ou mafaufau pea lava pea i le ma finauga, ma faatalitonuina atili ai pea au i au mafuaaga sese ma faatalitonuina au lava ia ou te sa'o.

Sefulu minute mulimuli ane, sa tuitui lemu mai le faitotoa. O lou Tama. Sa suia ona foliga. Sa lei alu atu o ia e finau. "Ou te faamalie atu i lo'u ita," sa ia fai mai ai. "E mafai ona e faamagaloina au?" Na ia tau mai ia te au le tele o lona alofa ia te au ma lona manatu maualuga ia te au. Na te lei lauga mai. Na te lei tuuina mai ia

te au se fautuaga. Ona ia faliu lea ma tuua lemu le potu.

O ni lauga se afe e uiga i le lotomaulalo e le mafai lava ona sili atu se mamana ia te au. Sa ou le toe ita ia te ia, ae sa na o au sa ou ita i ai ona o le lotomaaa ma le faigata. Sa ou tago atu i le CD, gaulua, ma tiai ese. Ou te le iloa pe sa ou tau atua ia Tama le mea sa ou faia, ae e le afaina. O le mea sa taua na ou aoaoina, sa faatauaina e lou tama le ma mafutaga e sili atu nai lo lona faamaualuga, e ui lava sa sao o ia. ■

O David Hixon e nofo i Texas, ISA.

O SE TALI FILEMU

"O le tali filemu e liliueseina ai le ita: a o le upu faatiga e tupu ai le ita."

Faataoto 15:1.

E AO ONA TOE FANAUINA I TATOU I LE VAI MA LE AGAGA

Tatou te talitonu e tatau ona papatisoina i tatou ma maua le meaalofa o le Agaga Paia (e ala i le sauniga ua ta'ua o le faamauga) ina ia faaolaina ai i le malo o le lagi. Sa aoao mai le Faaola, “Afaei le fanau se tasi i le vai ma le Agaga, e le mafai ona sao o ia i le malo o le Atua” (Ioane 3:5).

Sa aoao mai foi le Alii e faapea o le sauniga o le papatisoga—e pei foi o isi sauniga uma o le talalelei—e tatau ona faatinoina e se tasi o umiaina ma le agavaa le perisitua: “O le tagata ua valaaulia e le Atua ma ua i ai le pule mai ia Iesu Keriso e papatiso atu ai, ia o ifo i lalo i le vai faatasi ma le tagata. . . . Ona ia faatofu ai lea o ia i le vai, ma toe sau i fafo o le vai” (MF&F 20:73–74).

O le papatisoga e ala i le faatofuina o se faatusa lea o le tanumia o le tagata agasala ma le toefanauina

faaleagaga o le tagata e ola ai i le “ola toefuataiina” (Roma 6:4). E ala i le papatisoga tatou te tuua ai i tua o tatou olaga tuai ma amata se olaga fou o ni soo o Iesu Keriso. A faamauina i tatou ua avea


i tatou ma tagata o Lana Ekalesia.

E aofia ai foi i le papatisoga se feagaiga paia, se folafolaga, i le va o le Tama Faalelagi ma le tagata ua papatisoina. Tatou te osifeagaiga e tausi Ana poloaiga, auauna atu ia te Ia ma Ana fanau, ma tauave i o tatou luga le suafa o Iesu Keriso. Ua Ia folafola mai e faamagalao a tatou agasala, “liligi atili tele mai e ia lona Agaga i luga o [tatou]” (Mosaea 18:10), ma ofo mai ia i tatou le ola e faavavau.

Sa tausia e le Faaola Lava Ia le poloaiga ina ia papatisoina, e ui lava sa leai Sana agasala (tagai i le Mataio

3:13–17). Sa papatisoina o Ia ina ia usiusitai, ia fai se faataitaiga mo i tatou, ma ia “faataunu mea tonu uma” (tagai i le 2 Nifae 31:5–9). O lea, o i latou o e filifili ina ia papatisoina o loo mulimuli i le faataitaiga a le Faaola. ■

Mo nisi faamatalaga, tagai i le mataupu 2 i le Aoaoga a Peresitene o le Ekalesia: Lorenzo Snow (2012).



O SE FEAGAIGA PAIA


“O le papatisoga . . . o se sauniga, o lona uiga o le faitotoa lea i se feagaiga paia ua fusia i le va o le Atua ma le tagata. E folafola atu tagata e lafoai le lalolagi, alolofa ma auauna atu i o latou uso a tagata, asiasi i e ua matuaoti ma tina ua oti a latou tane i o latou mafatiaga, folafola atu le filemu, talai atu le talalelei, auauna atu i le Alii, ma tausi Ana poloaiga. Ua folafola mai e le Alii e ‘liligi atili tele mai e ia lona Agaga i luga o [tatou]’ (Mosaea 18:10), togiola Lana Au Paia i le faaletino ma le faaleagaga, fiaaulia faatasi i latou ma ē o le Uluai Toetutu, ma ofo mai le ola e faavavau.”

Elder L. Tom Perry o le Korama a Apostolo e Toasefululu, “O Le Talalelei a Iesu Keriso,” *Liahona*, Me 2008, 46.


O i latou e mananao ina ia papatisoina e tatau ona "faalotomaualaloina i latou lava i luma o le Atua, . . . molimau atu i luma o le ekalesia ua latou salamo moni ia latou agasala uma, ma [ia] loto e ave i o latou luga le suafa o lesu Keriso" (MF&F 20:37).



"Matou te talitonu [i le] . . . papatisoga e ala i le faatofuina" (Mataupu Faavae o le Faatuatua 1:4).



E sosoo ma le paptisoga, e faamauina i tatou o ni tagata o Le Ekalesia a lesu Keriso o le Au Paia o Aso e Gata Ai ma maua le meaalofa o le Agaga Paia. O le papatisoga ma le faamauga e mafai ai e le Togiola a lesu Keriso ona aumai se faamamaina faaleagaga i o tatou olaga, e aofia ai le "faamagaloga o . . . agasala" (MF&F 33:11).



E ala i le papatisoga ma le faamauga e avea ai i tatou ma "nuu faatasi ma le au paia" i le "aiga o le Atua" (Efeso 2:19).



Saunia e Elder
Tad R. Callister

O Le Au Peresitene
o Fitugafulu

O le tala masani a Robert Bolt, *A Man for All Seasons* o se tala e uiga ia Sir Thomas More. Sa faaaloalogia o ia o se sikola, loia, amepasa, ma i le iuga, o se Lord Chancellor o Egelani. O ia o se tagata o le amiosao atoatoa. E tatalaina le tala faatino i upu nei a Sir Richard Rich: “E tofu tagata uma ma lona tau! . . . E oo foi i tupe. . . . Po o mea faafafia. Tofiga, tamaitai, o meatotino, e i ai lava se mea i taimi uma.”¹


O le autu lena o le tala faatino. O le autu foi lena o le olaga. Pe i ai se alii po o se tamaitai i lenei lalolagi e le mafai ona faatauina, o lana amiosao e le mafaatauina?

Amiosao

*O le amiosao o le
lototoa lea e fai
le mea sao e tusa
lava po o a ni
taunuuga ma
ni faigata.*

A o faagasolo le tala faatino, sa manao le Tupu o Henry VIII e tatala le la faaipoipoga ma Masiofo Catherine ae faaipoipo atu ia Anne Boleyn. Ae o loo i ai se faafitauli: o le tatalaina o faaipoipoga e faasa e le Ekalesia Katoliko. Ma o lea sa le liliuese ai le Tupu o Henry VIII, mai ona manao, ma poloaiina ana faufautua e faia se tautoga o le a lagolagoina ai o ia i le tatalaga o lana faaipoipoga. Ae sa i ai foi le isi faafitauli.

O Sir Thomas More, o le sa alofa ma faame-melo i ai ia tagata lautele, sa le lagolagoina lea tautoga—sa le faatagaina e lona mafaufau o ia e saini le tautoga. E le o naunau o ia e gauai atu i ai, e ui lava o le talosaga patino a le tupu. Ona oo mai lea o tofotofoga. Ua faaaoga e ana uo o latou uiga faagauloto ma le faifaamalosi, ae na te lei gauai lava. Ua aveesea mai ia te ia lona tamaoaiga, lona tofiga, ma lona aiga, ae



OLE FAAVAE
OSE OLAGA
FAAKERISO

na te le sainia lava. Na iu lava ina molia sese o ia mo lona ola, ae na te lei gauai atu lava.

Sa latou aveesea mai ia te ia ana tupe, lona malosiaga faaupufai, ana uo, ma lona aiga—ma o le a aveesea foi ma lona ola—ae e le mafai ona latou aveesea mai ia te ia lana amiosao. E le faatauina atua i soo se tau.

I le taunuuga o le tala faatino, sa molia sese ai Sir Thomas More mo le taufaalata. Ua solia e Sir Richard Rich le tulafono o le molimau pepelo ina ia mafai ai ona molia [Sir Thomas More]. A o savali atu i fafo ia Sir Richard mai le potu faamasino, sa fesili atu i ai Sir Thomas More, “O se filifili lena o se tofiga o loo e asoaina. . . . O le a [lena tofiga]?”

Na tali mai ia Faamasino Thomas Cromwell, “O Sir Richard ua tofia e avea ma Loia Sili mo Uelese.”

Ona tepe atu lea o More i foliga o Rich i le le fiafia ma fai atu ma le ita tele, “Mo Uelese? Aisea Richard, e le faamanuiaina ea se tagata e tuu atu lona agaga mo le lalolagi atoa. . . . Ae mo Uelese!”²

I le olaga a sau, e le masalomia lava e toatele o le a toe tepe i tua i le lotolotoi o uega le mataofiofa ma toe fai foi pea lava pea, “Aisea na ou faatau atu ai lo’u agaga mo Uelese po o ni mea faafafiafa faaletino le tumau po o le lauiloa po o se tulaga maualuga po o le faamaoniga a a’u uo? Aisea na ou faatau atu ai la’u amiosao mo se tau?”

O Mataupu Faavae o le Amiosao

Oute fia talanoa atu i mataupu faavae e fitu o le amiosao lea ou te faamoemoe o le a musuia ai i tatou ina ia faia lenei uiga paia faa-Keriso e avea o se faavae o uiga faaletagata i o tatou lava olaga patino.

1. *O le amiosao o le faavae o o tatou uiga faaletagata ma isi uma uiga mama.* I le 1853 sa amata ai ona fausia e le Au Paia le Malumalu o Sate Leki. Mo le vaega tele o le lua tausaga uumi ma le faigata sa eliina ai e le Au Paia ni lua e faataatia ai le faavae: e silia ma le valu futu (2.4 m) le loloto, sa faia i maa sima. O se tasi aso sa sau ai le taitai kamuta ia Peresitene Polika Iaga ma le tala faanoanoa tele lenei: o loo i ai ni ta’eta’ei i poloka o maa sima. Sa feagai Polika Iaga ma lenei faafitauli. (1) fai le mea sili latou te mafai e fonofono ai mea ua ta’eta’ei ma fausia se malumalu e matua itiiti ifo lona mamafa ma le ofoofogia nai lo le malumalu sa muai fuafuaina po o le (2) toe sua ese uma mea sa galulue ai mo le lua tausaga ma suia i se faavae maamora e mafai ona lagolagoina le malumalu matagofie



o le Atua sa muai faaalia mo i latou. O le mea e lelei ai, sa filifili e Peresitene Iaga le fuafuaga mulimuli.³

O le amiosao o le faavae lea o loo fausia ai i luga ia uiga faaletagata ma se olaga faa-Keriso. Afai o loo i ai ni mea o ta’eta’ei i lena faavae, o lona uiga o le a le mafai ona lagolagoina le mamafa o isi uiga faa-Keriso ia e tatau ona fausia ai i luga. E mafai faapefea ona tatou lotomaualalo pe afai e leai so tatou amiosao e faailoa ai o tatou lava vaivaiga? E mafai faapefea ona tatou atiina ae le alofa mama mo isi pe afai tatou te le faamaoni atoatoa i a tatou fegalegaleaiga ma i latou? E mafai faapefea ona tatou salamo ma faamamaina pe afai e na o ni nai vaega o le mea moni tatou te ta’u atu i o tatou epikopo? I le faavae o amioga mama uma, o loo i ai le amiosao.

Sa matauina e le tusitala Kerisiano o C. S. Lewis e faapea o le taimi lava tatou te faia ai se mea sese i se fesili faamatemika, e le mafai ona tatou faaauau pea: “Pe a ou amata faaopoopo i se ala sese, o le vave lava ona iloaina ma toe foi i tua ma toe amata atoa, o le vave foi lena ona ou toe faaauau.”⁴

E faapena foi, e le mafai ona faaauau ona tatou mauaina atoa isi amio mama faa-Keriso seiloga tatou te aveina faamuamua le amiosao e fai ma faavae maamora o o tatou olaga. I nisi tulaga e ono manaomia ai lo tatou asa atu i le



faagasologa tiga o le aveesea o se faavae o loo i ai o loo fausia i luga o le taufaa'ole'ole ma suia lea maa ma lea maa i se faavae o le amiosao. Ae e mafai ona fai.

2. *O le amiosao e le na o le faia o le mea ua faatulafonoina ae faapena foi ma mea e mama pe faa-Keriso.* Atonu e faatagaina faale-tulafono le mulilua, atonu e faatagaina faale-tulafono le fai o ni mafutaga faaleulugalii e le faaipoipoina, atonu e faatagaina faaletulafono le faitatala, ae e leai ma se tasi o na amioga e mama pe faa-Keriso. O le amiosao e le na o le tausisia o le tulafono; ae o le tausisia foi o le tulaga maualuga atu o le amio mama. O le tulaga lava lea e pei ona fautua mai le peresitene o le Iunaite Setete o Aperaamo Linikone: ola faatasi ma “agelu sili atu o o tatou natura.”⁵

Ua tofu alii talavou uma ma se tiute o le amio mama e puipui ma faasaoina le mama o lana uo o loo la tafafao faamasani, ma o loo i ai foi i tamaitai talavou uma lena lava tiute e tasi o le amio mama mo lana uo o loo la tafafao faamasani. O se tofotofoga o le amiosao a le alii po o le tamaitai. O le alii po o le tamaitai o loo tauivi mo le amiosao o le a atiina ae se naunautaiga ma se amiopulea lea e malosi atu e oo lava i manaoga malolosi o lagona faaletino. O lena lava amiosao i le Atua ma i le tagata lava ia ma i isi lea e lagolagoina i latou ma faamalolosia i latou e tusa lava pe tatala mai e Satani ana auupega o faaososoga o le amio mama i o latou luga. Sa fetalai mai le Alii i lenei tupulaga, “O le a Ou faatu mai mo au se nuu mama” (MF&F 100:16). Ua faatuatuaina i tatou e le Alii e avea ma lena tupulaga.

I ni nai tausaga ua tuanai sa ma manaomia ai ma la'u paaga faapisinisi e faate'a se tagata faigaluega. Ina ua maea ni nai talanoaga sa maua ai se faaiuga ina ia tauia o ia mo ana auauanga. Sa ou lagonaina o le faaiuga sa sili atu ma le tulaga talafeagai, ae peitai o lea faaiuga sa faaleagaina ai le ma mafutaga. O lena po sa ou lagonaina le uftia ai o au i le faanoanoa. Sa ou taumafai e aveesea e ala i

lou mafaufau o au lava ia faapea sa talafeagai lava le mea sa ou faia, ae sa lei aluese ai le lagona. Ona oo mai lea o le uunaiga lenei: “E le lava le tau ina talafeagai; e tatau foi ona e taumafai ia avea e faapei o Keriso.” O le tausisi i le tulaga aupito sili ona maualuga o le amio mama o se uiga tulaga ese lea o se alii po o se tamaitai o le amiosao.

3. *O le amiosao o le faia lea o faaiuga e faavae i faatinoga e faavavau.* O se tasi o tamaitai talavou o le matou uarota sa sue i se suega i le aoga maualuga i le lotoifale. A o ia tepea ae i luga, sa ia vaaiia se tasi o ana uo o loo kopi. Sa faataupupula atu le tasi i le isi. I le maasiasi, sa faamimigi mai tauau o lana uo ma memu mai upu “Ou te manaomia ia togi.” Mo se mafuaaga e le mailoa ua le iloa ai e lenei tamaitai talavou lana vaai mamao e faavavau—e le o togi ae o le faaleatua o lo tatou taunuuga lena. O le a se lelei na te faia ina ia taliaina i le iunivesite aupito sili ona lauiloa ae le maua ai lo tatou faaeaga i le faagasologa? Soo se taimi lava e faa'ole'ole ai se tasi, ua ia faatau atu lona tofi faaleagaga mo se meaai (tagai i le Kenese 25:29–34). I lana vaai latalata sa ia filifili ai le tālā i le asō nai lo le tamaoaiga le gata i le olaga a sau.

Sa tau mai e se tama le fiafia ia te au e faapea sa manao lona afafine talavou e “ola le mama e tusa ma lona manao” ma a oo loa pe toe tolu masina fai lana faaipoipoga ua faa-moemoeina, ona salamo lea ma faamama ina ia mafai ai ona maua sana pepa faataga o le malumalu. Ou te le iloa lava pe i ai se pere-sitene o se siteki o le a ia tuu atua se pepa faataga i lalo o na tulaga faapena. Ae e tusa lava foi pe tuu atu, o le a avea ma malaia, ae le o se faamanuiaga. O le amiosao e le vaai latalata—e le na o se suiga o le amio mo na o sina taimi; o se suiga tumau o le natura.

Sa tau mai e le Tupu o Peniamina ia i tatou le auala e mafai ai ona suia o tatou natura mai se tagata natura i se tagata faaleagaga: “Ona o le tagata natura o se fili i le Atua, ma

*E le mafai ona
faaauau ona tatou
mauaina atoa isi
amio mama faa-
Keriso seilogia tatou
te avea muamua le
amiosao e fai ma
faavae maamora o
o tatou olaga. I nisi
tulaga e ono manao-
mia ai lo tatou asa
atu i le faagasologa
tiga o le aveesea o se
faavae o loo i ai o loo
fausia i luga o le tau-
faa'ole'ole ae suia lea
maa ma lea maa i se
faavae o le amiosao.*



O le suia o o tatou natura, e le na o a tatou amioga, e faafaigofieina e se vaaiga e faavavau e faapea o i tatou o fanau a le Atua, lea ua tatou maua Lona aloiafi o le paia i totonu o i tatou, ma e ala i le Togiola o le a mafai ai ona avea i tatou e faapei o Ia—le faataitaiga atoatoa o le amiosao.

sa faapea lava mai le pa'u o Atamu, ma o le a faapea lava, e faavavau faavavau lava, *vagana ai* ua gauai atu o ia i uunaiga a le Agaga Paia, ma tuu ese le tagata natura ma avea ma tagata paia e ala i le togiola a Keriso le Alii, ma avea e pei o se tamaitiiti, e usiusitai, agamalu, lotomaualalo, onosai, ma tumu i le alofa, loto ina usitai uma ua silafia e le Alii e tatau ona faaoo mai i ona luga, e pei ona usitai atu se tamaitiiti i lona tama" (Mosaea 3:19; faaopoopo le faamamafa).

O le suia o o tatou natura, e le na o a tatou amioga, e faafaigofieina e se vaaiga e faavavau e faapea o i tatou o fanau a le Atua, lea ua tatou maua Lona aloiafi o le paia i totonu o i tatou, ma e ala i le Togiola o le a mafai ai ona avea i tatou e faapei o Ia—le faataitaiga atoatoa o le amiosao.

4. *O le amiosao o le ta'uta'u atu lea o le mea moni atoao ma e leai lava se isi mea na o le mea moni lava.* Ou te talitonu e mafai ona taliaina e le Alii o tatou vaivaiga ma mea sese, pe afai lena tatou te faailoa atu se manao ma se taumafaiga ia salamo. O le uiga atoao lava lena o le Togiola. Ae ou te le talitonu e faigofie ona Ia onosaia se loto faa'ole'ole po o se laulaufaiva pepelo.

I ni nai tausaga ua tuanai sa ou faatautaia ai se malaga taamilo a le misiona. O nisi o faifeautalai sa tauivi ma le usiusitai. I lena afiafi sa ma faatautaia ai ma le peresitene o le misiona ni faatalanoaga ma nisi o faifeautalai. O le taeao na sosoo ai na amata ai e le peresitene o le misiona la matou konafesi faalesone e ala i le tuuina atu o se lauga o i ai tomai faaletaitai e uiga i le amiosao. Sa ou lagona le uunaiga e talanoa atili i lena mataupu. Sa ma matauina i ni nai minute e sosoo ai o le a ma faatautaia ai nisi faatalanoaga. Sa ma talosagaina ina ia aua nei manatu mama ia faifeautalai ma faatoa ta'u mai e se tasi le mea moni pe afai e fai atu i ai le fesili tuusao atoatoa.

Sa i ai le Agaga iina, ma o faifeautalai e toafa mai le po ua mavae na laa i luma ma faapea

mai ma le le faalauaiteleina, "E i ai nisi mea matou te fia tau atu." Sa faapea mai se tasi o i latou, "Ou te fia manao e avea ma se tagata faamaoni." O lena aso sa ia suia ai lona faavae o le oneone i se faavae maamora o le amiosao.

5. *E le iloa e le amiosao ni sisi'o po o ni 'alofaga.* E i ai lava se uiga tamalii e uiga i alii ma tamaitai e tautino mai ona vaivaiga ma tuuaia atoa o ia lava e aunoa ma se 'alofaga po o se sisi'o. I le tele o taimi sa faamaumau ai e Iosefa Samita ona vaivaiga i le Mataupu Faavae ma Feagaiga mo tagata uma ina ia faitau i ai. Ua tau mai ia i tatou e lenei mea e le o ia o se tagata atoatoa, ae ua tau mai ai foi ia i tatou e leai se mea na ia nanaina—o ia o se tagata o le amiosao. O le a le mea o fai e lenei mea mo lona faamaoni ina ua ia faamatala mai le tala o le Uluai Faaaliga po o le tala i asiasiga a Moronae? O loo tau mai ia i tatou e mafai lava ona tatou faatuatuaina o ia, ma e mafai ona tatou talitonuina ana upu uma ona o ia moni lava o se tamalii e amiosao.

6. *O le amiosao o le tausia lea o a tatou feaiga ma a tatou tautinoga, e oo lava i taimi o faigata.* O le amiosao o le lototoa lea e fai le mea sao e tusa lava po o a ni taunuuga ma ni faigata. Sa faamatala e Peresitene N. Eldon Tanner (1898–1982), le sa avea muamua ma Fesoasoani Muamua i le Au Peresitene Sili, le aafiaga lenei:

"Sa sau se alii talavou ia te au i se taimi e lei mamao atu ma faapea mai, 'Ua ou faia se maliega ma se alii lea e manaomia ai ona ou totogi atua ni tupe patino i tausaga taitasi. Ua ou nofo aitalafu nei, ma e le mafai ona ou totogiina na tupe, aua a ou totogia, o le a oo ai ina maimau atu ai lo'u fale. O le a se mea e tatau ona ou faia?'

"Na ou tilotilo atu ia te ia ma fai atu, 'Tausi le lua maliega.'

"E tusa lava pe aveesea ai lo'u fale?"

"Sa ou fai atu, 'Ou te le o talanoa atu e uiga i lou fale. O loo ou talanoa atu i le lua maliega; ma ou te manatu e sili atu i lou



toalua le i ai o sana tane e tausi i lana upu, faafetaiaia ana matafaioi, e tausi i ana tautoga po o ana feagaiga, ma nofo mautotogi i se fale nai lo le nofo i se fale e i ai se tane o le a le tausia ana feagaiga ma ana tautoga.⁶

Sa faigata lana filifiliga: lona fale po o lana amiosao. O se alii po o se tamaitai o le amiosao e le tau ina na ona gauai atu pe lolo atu ona ua faigata pe taugata pe ua le talafeagai foi. I lenei tulaga ua i ai i le Alii se lagona atoatoa o le amiosao. Sa ia fetalai mai, “O ai A’u . . . ua Ou folafola atu ae Ou te le faataunuina?” (MF&F 58:31).

O se tasi o tofotofoga aupito sili ona faigata o lo tatou amiosao, o le filifili lea pe tatou te tausia tautinoga ma folafolaga na tatou osia po o le tausisi i a tatou upu i nisi taimi pe leai.

7. *O le amiosao e le puleaina pe a i ai isi tagata. O se mea e uunaia mai totonu o le loto, e le mai se vaaiga i fafo.* Sa faamatala e Elder Marion D. Hanks (1921–2011) o le Fitugafulu se tama ma sona atalii laititi sa “tutu i se faatoaga sana i se auala i se nuu maotua lava” ma vaavaai atu i le matagofie mai o sana i totonu o le pa. Ina ua uma ona tepa le tama lea i ona luma, i ona tua, i lona itu agavale, ma i lona itu tau-matau, sa “amata loa ona ae i luga o le pa” e aumai ni sana. Sa tilotilo atu lona atalii ia te ia ma fai atu ma lona le malie, “Tama, ua galo ona e tepa i luga.”⁷

I le tala a Shakespeare o le *Hamlet*, na fai atu ai Polonius i lona atalii o Laertes:

*Ia e faamaoni ia te oe lava ia,
Ma e ao lava ona mulimulitaia, e pei o le po [ona mulimuli] i le ao,
E le mafai ona e pepelo i soo se tagata.⁸*

E maeu lea fautuaga! E i ai sa tatou filifiliga. E mafai ona tatou uumauina le taimi ma pulea o tatou olaga, ia po o le avea o i tatou na o ni meataalo e faatonutonuina e o tatou siosiomaga ma a tatou uo.

Pe e te matamata i ponokalafi i luma o lou tina, lau uo o lua tafafao faamasani, lou toalua, po o lou epikopo? Afai e sese pe a i ai isi, e sese foi pe a latou le o i ai. O le tagata o le amiosao e faamaoni ia te ia lava ma le Atua o le a filifili le mea sao e tusa lava pe o tilotilo mai se tasi ona o loo uunaia o ia e ia lava, e le o puleaina e se vaaiga mai fafo.

Tau ina ia avea le amiosao o o tatou loto ma se faa-iloga e faitauina i mataitusi matamataola lanu uliuli “E LE FAATAUINA ATU I SOO SE TAU” ina ia mafai ona faamatatalaina ai i tatou, e pei o Ailama Samita, “Amuia lava la’u auauna o Ailama Samita; aua o A’u, o le Alii, ua alofa ia te ia ona o le faamaoni o lona loto” (MF&F 124:15).

Tau ina ia avea i tatou uma ma alii ma tamaitai o le amiosao—e le faapea ona e tatau ai ae ona ua tatou mananao i ai. Na faailoa mai e le Alii le taui mo i latou e faia lea mea: “E moni Ou te fai atu ia te outou, o i latou uma o i totonu o i latou o e ua latou iloa ua faamaoni o latou loto . . . ma ua loto e tausi a latou feagaiga e ala i le taulaga . . . e *taliaina i latou e a’u*” (MF&F 97:8; faaopoopo le faamamafa).

Tau ina ia taliaina i tatou uma e le Atua ona o loo tatou taumafai ina ia avea i tatou o ni alii ma ni tamaitai o le amiosao. ■

Mai se lauga i le sauniga lotu na tuuina atu i le aso 6 o Tesema, 2011, i le lunesive o Polika Iaga. Mo le tusiga atoa i le gagana Peretania, alu i le speeches.byu.edu.

FAAMATALAGA

1. Robert Bolt, *A Man for All Seasons: O Se Tala Faatino e uiga ia Sir Thomas More* (1960), 2.
2. Bolt, *A Man for All Seasons*, 95.
3. Tagai Richard Neitzel Holzapfel, “O Faamalamo Uma, O Tumutumu Uma ‘Ua Tautala i Mea Tau le Atua,” *Liahona*, Nov. 1993, 9.
4. C. S. Lewis, *Mere Christianity* (1980), 124.
5. Abraham Lincoln, first inaugural address, Mar. 4, 1861.
6. N. Eldon Tanner, i le Conference Report, Oke. 1966, 99.
7. Marion D. Hanks, i le Conference Report, Oke. 1968, 116.
8. William Shakespeare, *Hamlet*, ed. W. J. Craig (1914), act 1, scene 3, lines 85–87.

*O le saili e auauna
atu i isi e pei ona sa
faia e le Faaola, sa
iloa ai e se tasi tina
pisi e tele avanoa sa
ia maua e auauna
atu ai—e le o fafo o
le aiga ae o totonu
lava [o le aiga].*



O LE Avea ma Soo

I TAIMI UMA,
I MEA UMA, MA
I NOFOAGA UMA

Saunia e Melissa Merrill

Tna ua faamalamalama atu e Alema le feagaiga o le papatisoga i le Vai o Mamona, sa ia aoao atu e aofia ai le tutu o ni molimau a le Atua “i taimi uma ma i mea uma, ma i nofoaga uma” (Mosaea 18:9). O se tulaga faatonuina o loo taumafai pea soo o le Faaola ia ola ai i aso nei ma o se feagaiga e faafouina i vaiaso taitasi i le taimi o le faamanatuga, pe a folafola atu tagata o le Ekalesia ia “manatua pea” le Faaola (MF&F 20:77).

E faape’ī tonu lava foliga o lena tulaga o le avea ma soo? Ua valaaulaina e Mekasini a le Ekalesia le Au Paia o Aso e Gata Ai i le lalolagi atoa ina ia faatinoina le mea ua tatou ta’ua o se “aafiga o le avea ma se soo.” O le aano, tatou te valaaulia nei au paia ina ia taulai atu i se aoaoga faapitoa e uiga, po o se tala e uiga ia Iesu Keriso, ia suesueina e le aunoa ma mafau-fau loloto i lena mau filifilia mo se vaiaso, ona lipoti mai lea pe na faapefea ona aafia le ala na latou mulimuli ai ia Iesu Keriso “i taimi uma” o o latou olaga ona o se suesuega tuuto i le soifuga ma aoaoga a le Faaola.

Avea ma Soo i Taimi Uma

Ua leva ona vaavaai atu Kara Laszczyk o Iuta, ISA i le avea ma soo o se manao e faataitai ma avea atili e faapei o Iesu Keriso ma o se naunautaiga ia ositaulaga ma auauna atu i le

faasoaina atu o Lana talalelei. Ae sa ia lagonaina sina faatautau ona o ona uiga matamuli.

“E matele ina ou mafaufau lava na o totonu o lo’u lava lotofale aua ou te le to’ā lelei i lo’u aapa atu mo isi,” o lana tala lea. “Ou te popole tele lava i manatu o isi tagata e uiga ia te a’u nai lo o o’u lava manatu e uiga ia te a’u ma le finagalo o lo’u Faaola ia te a’u.”

Ae fai mai Sister Laszczyk o lona aafiaga i le vaiaso atoa i le suesueina o le Luka 7, lea e talanoaina ai galuega auauna atu a le Faaola i nisi o tagata, sa mafua ai ona ia toe iloiolina ona faamoemoega. Sa ia fesili ifo ia te ia lava: “Pe o faaosofaina ea a’u amioga e se manao faamaoni ia avea e faapei o le Faaola ma le tau-sia o isi, pe o na o lo’u kolosi eseina o aitema mai la’u lisi ina ia ou maua ni lagona lelei i le iloaina ua ou faamaeaina le galuega? Pe o sili ea ona o’u popole i le manuia o isi po o manatu o isi tagata e uiga i a’u amioga?”

Fai mai o ia sa oo ina ia iloaina lena vaega o le mulimuli i le Faaola—o le faia o le mea Na te faia i se tulaga e tulai mai—o lona uiga o le alofa atu ma le auauna atu *pe a manaomia o ia*, ae e le seiloga e talafeagai.

“O le avea ma soo e le tupufua e aunoa ma se taumafaiga,” o lana tala lea. “E le o taimi uma e faigofie ai. O le taimi, malosi ma mea tatou te ositaulagaina i auaunaga alofa faamaoni i isi o





O LIUTAU O LE AVEA MA SOO

"A tatou folafola atu e mulimuli i le Faaola, tatou te savavali i Ona tulagaao, ma avea ma Ona soo, ua tatou folafola atu e o atu i le mea e taitai atu ai i tatou e lena auala faalelagi. Ma o le ala o le faaolataga e i ai lava le ala e taitai atu ai i taimi uma i Ketesemane. O lea la afai sa feagai le Faaola ma faiga le amiontonu ma faalotovaivai, e pei o sauaga, le amiontonu, ma pua-puaga, e le mafai ona tatou faapea o le a tatou le feagai foi ma nisi o na tulaga pe afai tatou te mananao pea e ta'u i tatou lava o Ona soo moni ma ni tagata faamaoni e mulimuli ia te la."

Elder Jeffrey R. Holland o le Korama a Apostolo e Toasefululu, "Lessons from Liberty Jail," *Ensign*, Sete. 2009, 31.

le a fesoasoani tatou te latalata atili atu ai i le Faaola." Ma, sa ia faaopoopo mai, na te lagona le mafanafana i le iloaina ua fetalai mai foi le Alii ia aua nei o tatou tamomoe e televave atu nai lo lo tatou malosi (tagai i le Mosaea 4:27) pe fai mea e le mafai ona tatou faia e aunoa ma Lana fesoasoani.

O le iloaina o na mataupu faavae sa fesoasoani ai ia Sister Laszczyk e auai i se anapogi mo tagata o le aiga, e ui o le anapogi sa o se tulaga sa vaivai ai o ia i taimi ua tuanai. O lena foi malamalama ua faaosofia ai o ia e sui i se tulaga e sili atu ona lautele.

"Ou te manao ia ou malolosi atili i le tuuina atu o auaunaga nai lo le na o le faatalitali seiiloga e faasolo mai se pepa e saini ai [mo le faiga o ni auaunaga]," o lana tala lea. "Ou te manao ia avea a'u ma faiaoga asiasi e lelei atu. Ou te fia sailia nisi auala e mafai ona ou auauna atu ai i fafo atu o le Ekalesia i lo matou pitonuu. O le manatu ou te manao ia muamua lava oo mai o le 'O le a se mea e mafai ona ou faia mo i latou?' po o le 'O le a se mea latou te manaomia?' ae le o le 'E i ai so'u taimi?' po o le 'E faapefea ona aafia au i lenei mea?'

Sa ia faai ai e faapea, "Tatou te manaomia lo tatou Faaola, ae e manaomia foi i tatou e lo tatou Faaola. Na te manaomia i tatou e fesoasoani e sii a'e le tasi ma le isi."

Fai mai Francisco Samuel Cabrera Perez o Chihuahua, o Mekisiko, na te le manatu o ia o se tagata leaga; ua taumafai o ia e usitai i poloaiga ma faataunu ona tiute i lona aiga ma i ona uso a tagata talu ona papatisoina o ia i le 16 o ona tausaga. Peitai o lena aafia na aofia ai le suesue i le soifuaga o le Faaola sa fesoasoani ia te ia e sui ai lona malamalamaaga e uiga i le avea ma soo mai se tulaga faalemafaufau i se tulaga moni.

I le suesueina o le Ioane 6:27–63, le lauga lea sa ta'u ai e le Faaola o ia lava o le Areto o le Ola, sa oo ina vaaia ai e Brother Cabrera o ia lava i se faiga ua matele ai le toatele: o le vaaai muamua lea o lona lava manuia patino.

"Ou te sueina i taimi uma lava se 'mafuaaga'—'alofaga—se tasi pe sili atu e tolopo ai le faiga o o'u tiute," o lana tala mai lea. O manatu e pei o le "Sei toeitiiti" po o le "O taeao" po o le "E leai se mea e topetope ai fua" e oo mai i lona mafaufau, na ia fai mai ai, "e faamalumalu mai e pei o ni manualii e punitia ai lo'u alualu i luma faaleaiga, faalealamana-nua, faaagafesootai, ma, le mea aupito taua, o le alualu i luma e faavavau."

O le mulimuli i le Faaola ina ua uma uma mea tatou te mananao i ai e avea ai i tatou o ni [tagata] "ua toeitiiti lava avea ma soo," e le o ni soo moi, o lana tala lea. O le faitau e uiga i le tautino atu o le Faaola e usiusitai i le finagalo o le Tama ua faateleina ai le agaga tautino o Brother Cabrera lava ia, ma oo ai ina ia malamalama lelei atu i le ala e fesoasoani ai le 'ai ma inu i le faamanatuaga i vaiaso taitasi e "tuu ese le tagata natura" (Mosaea 3:19).

"Ou te usitai i le uunaiga a le Agaga Paia ma faatagaina le mana o le Togiola e fai ai au ma au paia," o le tala lea a Brother Cabrera. "Ina ia tupu lenei mea, e tatau ona ou atinaeina ia uiga o Keriso: avea e faapei o se tamaitiiti, e usiusitai, agamalu, lotomaualalo, onosai, alofa, loto ina usitai i le finagalo o le Alii" (tagai i le Mosaea 3:19).

A o taumafai Brother Cabrera e fai se tau-mafaiga malosi e tuu ese le tagata natura, sa ia maua se alofa faateleina mo le Tama Faalelagi ma Iesu Keriso, lona aiga, ona taitai, ma isi tagata. Sa ia iloa ua faateleina le faatinoga o lana galuega. Ae o le mea sili lava, sa ia iloa sa fiafia o ia—ae le'i mafatia i le—faia o mea e atiina ae ai le malo o le Atua.

"E ui sa masani ona ou vaai i le tulaga o le avea ma se soo o le Faaola o se avega, ae o le taimi lenei ua ou iloa o Lana amo e faigofie ma o Lana avega e mama ia" (tagai i le Mataio 11:30), Fai mai Brother Cabrera. "O le fuafuaga sili lena o le fiafia: ia mulimuli ia Iesu Keriso ma olioli faatasi ma ia ma i le faavavau."

Avea ma Soo i Mea Uma

Sa suesue e Chioma N., 15 tausaga, o Nigeria, le Ioane 7 ma le 3 Nifae 14 o se vaega o se manao ia usiusitai atili. Ua ia ioeina e faigata ona “fai ni isi o mea ou te le fiafia e fai—ae maise lava o le tapenaina o le umukuka ae o loo ou lē lava.” Peitai o loo i ai foi sona manao ia “alofa i tagata e siomia o ia,” ma sa ia iloaina, o le usiusitai o se tasi lea o auala e faaali atu ai lena alofa (tagai i le Ioane 14:15).

A o suesue Chioma i aoaoga a le Faaola e uiga i le usiusitai ma faitau e uiga i Lona gauai atu i le finagalo o le Tama Faalelagi, sa ia iloa ai, ona sa silafia e le Tama Faalelagi ma Iesu Keriso o le a tatou agasala ma se ese, ua La tuuina mai ai poloaiga e fesoasoani ia i tatou e tumau ai i le ala sa'o ma le vaapiapi. Sa ia aoaoina foi a aunoa ma le usiusitai, e le mafai ona tatou ulu atu i le malo o le Atua.

“Ua ou aoaoina e leai se tasi e atoatoa, ae o le usiusitai, e mafai ai ona tatou taumafai uma agai atu i le atoatoa,” o lana tala lea.

“Ma ua ou aoaoina e tatau ona tatou usiusitai ina ia mafai ona faamanuia i tatou e le Tama Faalelagi.”

Sa ia maua se avanoa e faaali ai le usiusitai i le aoga ina ua faatonuina o ia e salu le potu aoga ae e le o lona taimi lea [e salu potu ai].

“Sa ou usiusitai ma le lotomaualalo a o ou faalogo i le Agaga Paia o ta'u mai ia te a'u ia ou usitai ma salu le potuaoga. Sa tete'i tamaiti o lau vasega, faapena foi ma le matou faiaoga. Ona o lenei mea, o lea ua iloa ai e tagata o au o se teine usiusitai ma lotomaualalo. Sa ou lagonaina le fiafia i le vaiso atoa ona sa ou usiusitai.”

Sa ola ae Michelle Kielmann Hansen i Greenland ma o loo nofo nei i Tenimaka, o ia nofoaga uma e i ai se aganuu o le “faaali atu o le agalelei ma le loto fesoasoani,” o lana tala lea. I le tele o itu, sa ia fai mai ai, o nofoaga sa ia nofo ai sa fesoasoani i le

O le avea ma soo o Iesu Keriso e le na o se gaoioiga faavaitaimi ae o se ituaiga o olaga.



faafaigofieina o le oo atu i se olaga faa-Keriso.

Ae peitai, i isi itu, fai mai o ia e faigata ona fesoasoani atu i tagata ia malamalama o le avea ma se soo o Iesu Keriso e le na o se gaoioiga faavaitaimi ae o se ituaiga o olaga. Fai mai o ia, o lana tupulaga, e aofia ai ni tamaitai se toalua e le lolotu latou te potu, e masani ona faigata ia i laua ona malamalama i se ituaiga olaga e aafia ai "na itula uma i le lotu," auai i le malumalu, suesueina o tusitusiga paia, ma anapogi faalemasina. O le ola ai i se olaga o se soo [o Keriso] e sili atu le faigata pe a fetaiai o ia ma ala o faasalalauga leaga, gagana mataga, po o isi aafiaga le lelei i fafo. Fai mai a ia, "Faatasi ai ma na uunaiga, e mafai ona matuai luitauina le man tua o a'u moni o se soo o Iesu Keriso."

E ioe Sister Hansen e faigata le avea ma se talavou matua i se lalolagi o ona amioga lelei ua foliga mai e feosofai solo i taimi uma. I nisi o tulaga, o le filifiliga i le va o le lelei ma le leaga ua manino lelei lava. I nisi o tulaga, e leai. Ae, fai mai a ia, e ui o tulaga e feagai ma ia o nisi taimi e faigata ai, ae o tusitusiga paia e faigofie lava.

"E sili atu ona faigata le avea ma soo o Iesu Keriso pe afai e te le iloa o Ia," o le tala lea a Sister Hansen. "O tusitusiga paia o mea faigaluega ia mo i tatou e iloa ai o Ia. O taimi uma lava ou te le'i iloa pe faapefea ona faatino, sa otometi lava lo'u liliu atu i mea sa ou suesueina i taeao ma aifi," o lana tala lea. "O le suesueina o le soifuaga ma aoaoga [a le Faaola] sa fesoasoani ou te malamalama lelei ai sa Ia faia le mea na Ia faia ona e alofa o Ia ia i tatou uma lava.

Sa fai mai se tasi o le au paia, "E mafai ona tatou maua ni auala fou e avea ai e faapei o le Faaola i taimi uma tatou te suesue ai i Lona soi-fuaga. Ona faaaauau lea ona tatou aoao i ai e ala i le mulimuli i Ana faataitaiga."



"A o ou aoao atili e uiga ia te Ia, sa ou malamalama ai o le avea ma se soo o Iesu Keriso, o lona uiga o le iloaina o ai o Ia. Ma o lena mea sa fesoasoani ia te a'u ou te galue ai i auala sa Ia aoaoina mai. O le avea ma soo o le iloa lea [ma filifili] le mea e ono fai e Iesu Keriso i soo se tulaga lava—o lea, e taua ai le suesue e le auauna i Ana aoaoga."

Avea ma Soo i Nofoaga Uma

O Stacey White, o se tina e toafa lana fanau mai i Initiana, ISA, sa momoo lava mo se avanoa e fesoasoani ai i se tuaoi, uo, ia po o se tagata ese foi i le vайасо sa ia suesueina ai le Mataio 25:35–40, lea o loo aoao mai ai le Faaola e faapea, o le auauna atu "i le tasi o e aupito itiiti o o'u uso nei" o le mea moni, o le auauna atu lea ia te Ia (fuaiupu e 40).

"Ona o a'u o se tina pisi e nofo i le fale ma se fanau laiti e toafa, o nisi taimi ou te lagona ai le le fiafia ona o le le mafai ona ou auauna atu i ni taimi se tele e pei ona ou manao i ai," o le tala lea a Sister White. "Ou te pisi tele i le vaaiga o mea e mananao ai lo'u lava aiga o lea e tau leai ai se taimi mo se isi lava mea faaopoopo."

Sa ta'ua e Sister White a o faaauau ona ia suesue, ma fefaaasinoo'i i mau, ma mafaufau loloto i nei mau, tatalo mo ni avanoa e auauna atu ai, "e foliga mai e oo atu le vайасо i se tulaga maualuga atu o le popolevale nai lo le mea e masani ona oo mai faatasi ma le tulaga faaletina"—o le mea mautinoa lava e le o le mea lea sa ia faamoemoe i ai.

"Sa i ai ni galuega faatino a le aoga e fesoasoani i ai, faateleina nai lo le

tulaga masani ia gasu e tapena, vao-vaoina o misa a tamaiti ma o latou tei, ma se mauga o tagamea lea e foliga mai e toe faaputuina lava e ia ia. O le lisi o mea e fai e foliga mai e le tai-tai lava ona uma. Sa foliga mai na le taliina la'u tatalo, a o ou moomoo mo le taimi avanoa ma le malosi e auauna atu ai i se tasi e ese mai nai lo la'u tane ma la'u fanau."

Peitai, e oo ane i le afa o le vайасо, sa faapea ona iloa ai e Sister White: e le faapea o lona le mauaina o le avanoa e auauna atu ai i fafo atu o lona aiga, ona faapea ai lea ua le taliina mai e le Alii ia lana tatalo, ma e le faapea foi e le'i auauna atu o ia i ni auala anoa.

"Sa tali mai le Alii i la'u tatalo e ala i le tuuina mai ia te au o na avanoa i totolu o lo'u lava aiga," o lana tala lea. "E i ai taimi ou te lagona ai o le auauna atu i totolu o lo'u lava aiga atonu e le taulia, ma ina ia mafai ona fiaaulia o se auaunaga, e tatau ona faia i fafo atu o le aiga, e tuuina atu i se tagata e ese mai nai lo se tagata o le aiga. Ae o lo'u malamalamaaga fou, a o ou teuina moega, fai tagamea, vaaia o tamaiti, ma le faia o o'u tiute uma i aso taitasi o se tina, sa ou faia ai loa ma se agaga fiafia atu. O a'u galuega sa le'i foliga mai o ni mea masani tele, ma sa ou iloaina sa ou faia se eseesege mo lo'u aiga."

Mo Dima Ivanov o Vladivostok, Rusia, o le valaaulia e faatino le "aa-fiafia o le avea ma soo" sa oo mai i se taimi pisi ma le le malolo. Sa le'i leva atu ona tuua e Brother Ivanov lana galuega e amata lana lava pisinisi, talu ai e anoanoai ona tiutetauave e mafaufau i ai e faatatau i le galuega, sa ia mafaufau ai pe o le a faigata ia

te ia ona faatumauina le avea ma soo i le pito i luma o ona mafaufauga.

Ae, sa malie lava o ia e faatino, ma ona o le avea ma soo o lona uiga ia te ia o le "usitai ma mulimuli i faato-nuga po o fautuaga a se faiaoga," o lea sa ia vailiilia ai le Lauga i luga o le Mauga, o loo maua i le Mataio 5 ma le 3 Nifae 12.

O le mea na iloa e Brother Ivanov a o ia suesueina uiga iloga o lena lauga, na fai mai a ia, o ona lava vaivaiga. Ae o le iloaina na folafola mai le Faaola o i latou o e faamaualaloina i latou lava o le a faapea ona avea mea vaivai ma mea malolosi (tagai i le Eteru 12:27), Sa liliu atu Brother Ivanov ia te Ia, i le sailia o avanoa e tuputupu ae ai.

"Sa ou lagonaina le latalata mai o le Faaola ia te a'u," o le faamatalaga lea a Brother Ivanov. "Ua ou aoaoina o Ia o le Faiaoga silii, ma ua ou aoaoina auala e mafai ona ou avea atili ai e faapei o Ia. A o ou suesue e uiga i le natura o le avea ma soo, ua ou aoaoina ai e mafai ona tatou maua ni auala fou e avea ai faapei o le Faaola i taimi uma tatou te suesue ai i Lona soifu-aga. Ona faaauau lea ona tatou aoao i ai e ala i le mulimuli i Lona faataitaiga. E tatau ona tatou faataitaia mea tatou te aoaoina."

Fai mai o ia o lona malamalama-aga e uiga i le avea ma soo sa sua i le aluga o le vайасо. "O le mulimuli i le Faaola e le na o le suesueina o mataupu faavae o le talalelei po o le usitaia o Ana poloaiga," o lana tala lea. Po o fea lava tatou te i ai po o le a foi le mea o tatou faia, e mafai ona i ai so tatou "manao moni e mulimuli i Lona faataitaiga ma ia i ai le naunau e avea faapei o Ia." ■

O Melissa Merrill e nofo i Idaho, ISA.



Saunia e Elder
Dallin H. Oaks
O Le Korama a Apostetolo
e Toasefululuā



Faapaleniina OLE UPUMONI & FAAPALEPALE

O le i ai ma le natura o le upu moni o se tasi o fesili taua o le olaga faitino. Sa ta'u atu e Iesu i le kovana Roma o Pilato na sau o Ia i le lalolagi e “molimau i le upu moni.” Sa tali lena tagata le talitonu, “Po o le a le upu moni?” (Ioane 18:38). Sa tautino muamua atu e le Faaola, “O a'u nei le ala, ma le upu moni, ma le ola” (Ioane 14:6). I faaliga i ona po nei, sa Ia fetalai mai ai, “O le upu moni o le iloa lea o mea e pei ona i ai, ma e pei ona sa i ai, ma e pei ona o le a oo mai” (MF&F 93:24).

Tatou te talitonu i le *upumoni aiai* e aofia ai le i ai o le Atua ma le sa'o ma le sese ua faavaeina e Ana poloaga. Ua tatou iloa o le i ai o le Atua ma le i ai o le upu moni a'ia'i e taua i le olaga i lenei lalolagi, e tusa lava pe talitonuina pe leai. Ua tatou iloa foi o loo i ai le tiapolo ma o nisi mea e matuai faavavau lava ona leaga.

O le faapalepale mo amioga e pei lava o se tupe siliva e itu-lua. O le faapalepale po o le faaaloalo o loo i le tasi itu o le tupe, ae o le upumoni e i ai pea i le isi itu.

O lipoti le manuia o le taatele o le gaoi ma le pepelo i tagata aoaoina ua faailoa mai ai se tulaga lautte o le leai o ni amioga lelei ma e le o lava le malamalamā i ai o le toatele o tagata i le lelei ma le leaga. O le taatele o le faatautee, ave faagaoi, ma le le faamoni ua mafua ai ona manatu le toatele pe ua leiloa atu le faavae o amioga lelei i atunuū i le itulagi i Sisifo lea na maua mai i o latou tofi faa-Kerisiano-Iutaia.¹

E lelei le popole i lo tatou faavae o amioga lelei. Ua tatou ola i se lalolagi ua anoanoai tagata maualuluga ua aoaoina ma faia se talitonuga e faapea e leai se sa'o po o se sese a'ia'i—e faapea o le pule uma ma tulafono uma o amioga o filifiliga ia e fai e tagata e mafai ona sili atu i poloaga a le Atua. E toatele lava foi ua latou fesili pe e i ai se Atua.

O le filosofia e uiga i le le tumau o amioga lelei ae e eseese mo tagata eseese, lea e faapea mai e saoloto tagata taitoatasi e filifili mo ia lava le mea e sa'o ma le mea e sese, ua avea ma se talitonuga le aloaia mo le toatele o tagata i le Iunaite Setete ma isi malo i Sisifō. I le tulaga e sili ona lamatia ai, o amioga faatiapolo ia sa masani ona

nānā ma ufiufi e pei o se fula, o le taimi nei ua faaaliali ma faalealea e pei o se fu'a. O le uunaia e lenei filosofia, ua toatele ai le tupulaga faia'e ua auai i le faia o tuinanau e faamalieina ai i latou lava, ponokalafi, tala pepelo, gagana masoa, lavalava le talafeagai e faaaliali ai itutino, vali i le taina o pe'a ma le tattuiina o vaega o le tino, ma le auai i uiga feusuai faatufanua.

E toatele taitai o ekalesia ua aoaoina le i ai o le Atua o le faitulafono silisili, o lana poloaiga ua matuai sa'o ma tonu ai nisi o amioga faapitoa ae matuai sese ma lē tonu ai nisi o amioga.² Sa muai silafia e perofeta o le Tusi Paia ma le Tusi a Mamona lenei vaitaimi, lea o le a faapea ona avea ai tagata ma "e ua tele le manao i mea faafafia ae leai se manao i le Atua" (2 Timoteo 3:4) ma, e sa'o a, i le vaitaimi o le a teena ai e tagata le Atua (tagai i le Iuta 1:4; 2 Nifae 28:5; Moronae 7:17; MF&F 29:22).

Eao ona tatou tutu atu mo le upumoni, e tusa lava pe o tatou faatinoina le faapale-pale ma le faaaloalo i talitonuga ma manatu e ese mai o tatou lava talitonuga ma manatu.

I lenei tulaga faaletonu, o i tatou o e talitonu i le Atua ma le upu moni e faatatau i ai o le sa'o a'ia'i ma le sese e i ai le luitau o le ola ai i se lalolagi e leai se atua ma ua faateteleina ai le toilalo. I le tulaga lenei, o i tatou uma lava—ae maise lava i le tupulaga faia'e—ua i ai so tatou tiute o le tutu atu ma tautatala atu e faamautu o loo i ai se Atua ma o loo i ai upu moni a'ia'i ua faavaeina e Ana poloaiga.

E toatele faiaoga i aoga, kolisi, ma iunivesite o loo aoaoina ma faatinoina amioga lelei e fesuisuiai e tusa ai ma tulaga. O lenei tulaga ua suia ai uiga faaalia o le toatele o tagata talavou o e o loo suia o latou tulaga o ni faiaoga o a tatou fanau ma le au sui uiga faaalia o tagata lautele e

ala i ala o fesootaiga ma faafafiaaga taatele. O lenei filosofia o amioga lelei e le tumau ae eseese mo tagata eseese ua teenaina ai le mea ua manatu le faitau miliona o tagata Kerisiano, Iutaia, ma Musalemi talitonu o le ute lea, ma o lenei teenaina ua afua ae ai faafitauli ogaoga mo i tatou uma. O le mea e tatau ona fai e tagata talitonu e uiga i lenei mea, ua faailoa atu ai le vaega lona lua o a'u autu e lua, o le faapalepale.

O le *faapalepale* ua faauigaina o se uiga faaalia lelei ma amiotonu agai i ni manatu faaalia ma aga e le masani ai pe ese foi agai i tagata o e latou te umia pe faia. Ona o auala faaonaponei o feoaiga ma fesootaiga ua aumaia latalata uma ai i tatou i tagata eseese ma manatu eseese, o lea ua faateleina atu ai lo tatou manaomia o le faapalepale.

O lenei faateleina atu o le aafia i tulaga eseesege e faata-maoaiga ai o tatou olaga ma faafaigata ai foi [o tatou olaga]. E faatamaoaigaina i tatou i fegalegaleaiga ma tagata eseese, lea e faamanatu mai ai ia i tatou le matagofie o le eseese o fanau a le Atua. Peitai o le eseese i aga masani ma tulaga faatonuina ua luitauina ai foi i tatou e faailoa mea e mafai ona taliaina e ogatasi ma la tatou aganuu ma tulaga faatonuina o le talalelei ma mea e le ogatasi ai. I le auala lenei, o le eseese e faateleina ai le avanoa mo feteenaiga ma e manaomia ai ona tatou magafagafa atili e uiga i le natura o le faapalepale. O le a le faapalepale, o le a le taimi e faa-aoga ai, ae o le a foi le taimi e le faaaogaina ai?

O ni fesili faigata nei mo i latou o e faamautuina le i ai o le Atua ma le upu moni a'ia'i, nai lo i latou o e talitonu i le le tumau o amioga lelei ae e eseese mo tagata eseese. O se tagata e vaivai lona talitonuga i le Atua ma e leai sona talitonuga maumautu tele i lelei ma leaga, e le masani ona oo o ia i le faigata o le taumafai ia faapalepale i manatu po o aga a isi tagata. Mo se faataitaiga, e le manaomia e se tagata e le talitonu i le Atua ona filifili po o a ituaiga ae po o a foi taimi e mafai ai ona [faaali atu le] faapalepale i le laulauvavale po o le upuvale ae o a foi ituaiga e tatau ona faafetoaia. O tagata e le talitonu i le Atua po o le upu moni a'ia'i i tulaga o amioga lelei e mafai ona latou vaaia i latou lava o ni tagata e aupito sili ona faapalepale. O i latou ia, e toetoe o mea uma lava e taliaina. O lenei ituaiga talitonuga e mafai ona papale ai e toetoe lava o soo se amioga ma soo se tagata. O le mea e leaga ai, o nisi o e e talitonu i le le tumau o amioga lelei ae e eseese mo tagata eseese, e foliga mai e faafaigata ona latou faapalepale ia i latou o e taofimamau e i ai se Atua o le e tatau ona faaaloalogia ma o loo i ai ni amioga lelei a'ia'i faapitoa e tatau ona tausisia.



Ona e tatau i e mulimuli ia Iesu Keriso ona i ai i le lalolagi ae le o ni o o le lalolagi, o lea e ao ai ona tatou saili ia maua mai le faapalepale o i latou o e feita ia i tatou ona o le le avea o i tatou ma ni õ o le lalolagi.

O Upu Moni Aia'i e Tolu

O le a la le uiga o le faapalepale ia i tatou ma isi tagata talitonu, ma o a o tatou luitau faapitoa i lona faaaogaina? Ou te amata i upumoni aiai e tolu. Ou te faailoa atu na mea o se Apostolo a le Alii o Iesu Keriso, ae ou te talitonu o le tele lava o nei manatu ua i ai i tagata talitonu.

Muamua, o tagata uma o uso ma tuafafine i le Atua, ua aoaoina i totonus o o latou ekalesia eseese ia alolofa ma fai mea lelei i le tasi ma le isi. Sa fofoga mai e Peresitene Gordon B. Hinckley (1910–2008) lenei manatu mo le Au Paia o Aso e Gata Ai: “O i tatou taitoatasi [mai aulotu o ekalesia eseese] e talitonu i le tulaga faaletama o le Atua, e ui atonu tatou te eseese i lo tatou faamatalaina o Ia. O i tatou taitoatasi o se vasega o se aiga toatele, o le aiga o tagata soifua, o atalii ma afafine o le Atua, o lea la o ni uso ma ni tuafafine. E ao ona tatou galulue malosi atu e atiae le avafatafata, o se uiga faaalia o le onosai, ma le faapalepale o le tasi i le isi e ui lava i mea uma e faatatau i aoaoga faavae ma filosofia ia atonu tatou te talitonu i ai.”³

Ia matau sa saunoa Peresitene Hinckley i le avafatafata *faapea foi ma le faapalepale*. O le ola faatasi ai ma le fefaaaloalo'i mo eseesege o le tasi ma le isi o se luitau i le lalolagi i aso nei. Peitai—ma o i ou te faailoa atu ai se upumoni aiai *lona lua*—o lenei ola faatasi ai ma eseesege o le mea lea o loo aoao ai i tatou e le talalelei a Iesu Keriso e tatau ona tatou faia.

E tusa le malo o le Atua ma le mea faafefete, na aoao mai Iesu (tagai i le Mataio 13:33). O le mea faafefete—fefete—ma tuu i totonus o falaoa e tolu tumu ua oo ina faafefeteina

uma ai, o lona uiga na faafefeteina e ala i ona aafiaga. Sa aoao mai foi lo tatou Faaola, o le a oo i Ona soo faigata i le lalolagi (tagai i le Ioane 16:33), o le a toaitiiti o latou aofai ma o le a itiiti a latou puleaga (tagai i le 1 Nifae 14:12), ma o le a inosia i latou aua e le o ni õ le lalolagi i latou (tagai i le Ioane 17:14). Ae peitai o lo tatou tiute lena. Ua valaauiina i tatou ina ia tatou nonofa faatasi ma isi fanau a le Atua o e e le tutusa a tatou tapuaiga po o o tatou tulaga faatonuina ma o e e le'i maua ia matafaioi o feagaiga ua tatou tauaveina. E tatau ona tatou *i ai* i le lalolagi a le *ni o* o le lalolagi.

Ona ua poloaiina e mulimuli ia Iesu Keriso ia avea ma mea faafefete, o lea e ao ai ona tatou saili ia maua mai le faapalepale o i latou o e ita mai ia i tatou ona o le le avea o i tatou ma ni õ o le lalolagi. O se vaega o lenei mea, o le a tatau ai i nisi o taimi ona tatou luiina tulafono o le a faapea ona faaleaga ai lo tatou saolotoga e faatino ai la tatou tapuaiga, o le faia e faalagolago i a tatou aia tatau faavae o le saoloto e faatino tapuaiga. O le atugaluga tele lava “o le mafai e tagata o tapuaiga uma ona faaleleia a latou sootaga ma le Atua ma le tasi ma le isi e aunoa ma le faasalavei mai o le malo.”⁴ O le mea lena tatou te manaomia ai le loto malamalamama ma le lagolagosua pe a afai e ao ona tatou finau atu e puipui le saolotoga o tapuaiga.

E tatau foi ona tatou faatinoina le lavapapale ma le faaaloalo i isi. E pei ona aoao mai le Apostolo o Paulo, e tatau i le Au Kerisiano ona “tausisi i mea e tupu ai le filemu” (Roma 14:19) ma, i le tele e mafai ai ia “nofo lelei ma tagata uma lava” (Roma 12:18). O lea, e tatau ai ona tatou nofouta ia faamamalu i le lelei tatou te vaaia i tagata

uma faapea ma le tele o manatu ma faatinoga e ese mai i o tatou manatu. E pei ona aoao mai le Tusi a Mamona:

“O mea uma ua lelei e mai le Atua; . . .

“. . . o le mea lea, o mea uma e valaau mai ma faatosina mai ia faia mea lelei, ma alofa i le Atua, ma auaua atu ia te ia, ua musuia e le Atua.

“O le mea lea, ia outou faaeteete . . . ia outou le faamasingo . . . le mea ua lelei ma mai le Atua o se mea mai le tiapolo” (Moronae 7:12–14).

O lena taulimaina o eseesega o le a faatupuina ai le faapalepale faapea foi ma le faaaloalo mo i tatou.

O lo tatou faapalepale ma le faaaloalo mo isi ma o latou talitonuga e le faapea o le a tatou lafoai ai lo tatou tautino i upumoni ua tatou malamalama i ai ma feagaiga ua tatou faia. O le upu moni a’ia’i *lona tolu* lena. O lo tatou tiute o le avea ma fitafita i le taua i le va o le upu moni ma le mea sese. E leai se savea tuvaelua. E ao ona tatou tutu atu mo le upumoni, e tusa lava pe o tatou faatinoina le faapalepale ma le faaaloalo i talitonuga ma manatu e ese mai o tatou lava talitonuga ma manatu ma faapea mo tagata o taofia.

Faapalepale mo Amioga

E ui e ao ona tatou faatinoina le faapalepale ma le faaaloalo mo isi ma o latou talitonuga, e aofia ai o latou aia tatau e faamalamalama ma lagolago ai o latou tulaga, ae ua le tatau ona tatou faaaloalogia ma faapalepale i *amioga* sese. O lo tatou tiute i le upumoni e manaomia ai ona tatou saili e taofi amioga e sese. E faigofie lenei mea i amioga lamatia lea e toatele tagata talitonu ma tagata e le talitonu latou te iloa o ni amioga sese pe le taliaina.

Ae o amioga e itiiti le tulaga e lamatia ai, lea e oo foi i tagata talitonu latou te le ioenia pe sese, o le natura ma le ogaoga o mea e tatau ona tatou faapalepale ai e sili atu le faigata o le faauigaina. O le mea lena, sa tusi mai ai ia te a’u se tamaitai magafagafa o le Au Paia o Aso e Gata Ai e uiga i lona atugaluga e faapea “o le faauigaga o le ‘faapalepale’ e le lalolagi e foliga mai ua matele ina faaaogaina e faatatau i le taliaina o sitali amioleaga o le olaga.” Sa ia fesili mai pe o le a le faauigaga a le Alii o le *faapalepale*.⁵

Ua saunoa mai Peresitene Boyd K. Packer, Peresitene o le Korama a Apostolo e Toasefululua: “O le upu *faapalepale* e le tu na o ia. E manaomia ai se mea faitino ma se tali e agavaa ai e avea ma se uiga lelei. . . . O le faapalepale e masani lava ona poloaiina mai ae e seasea ona toe faafoiina mai. Ia faaeteete i le upu *faapalepale*. O se uiga lelei e ese le femoumouai.”⁶



E pei ona aoao mai le Apostolo o Paulo, e tatau i le Au Kerisiano ona “tausisi i mea e tupu ai le filemu, “ma, i le tele e mafai ai ia “nofo lelei ma tagata uma lava.”

O lenei lapataiga musuia ua faamanatu mai ai ia i tatou o tagata e talitonu i le upumoni aiai, o le faapalepale mo amioga e pei lava o se tupe siliva e itu-lua. O le faapalepale po o le faaaloalo o loo i le tasi itu o le tupe, ae o le upumoni e i ai pea i le isi itu. E le mafai ona e mauaina pe faaaoga le tupe o le faapalepale e aunoa ma le mafaufau i itu uma e lua.

Na faaaoga e lo tatou Faaola lenei mataupu faavae. Ina ua Ia faafesagai ma le fafine na molia i le mulilua, na fetalai Iesu i upu faamafanafana o le faapalepale: “Ou te le faasala foi ia te oe.” Ma, a o Ia auina ese atu o ia, na Ia fetalai i upu faapoloaiga o upumoni: “Alu ia oe, aua e te toe agasala” (Ioane 8:11). E tatau ona aoaoina ma faamalolosia i tatou e ala i lenei faataitaiga o le saunoa atu i le faapalepale ma le upumoni: o le agalelei i fesootaiga, ae ia mausali i le upumoni.

Sa tusi mai se tasi tagata magafagafa o le Au Paia o Aso e Gata Ai e faapea: “E masani ona ou faalogo o ta’u fua le suafa o le Alii, ma e i ai foi a’u uo o e na latou tauina mai ia te a’u o loo latou nonofo faatasi ma a latou uo tama. Ua ou iloaina o le tausia o le Aso Sapati ua toetoe lava ina a le usitaia. E mafai faapefea ona ou tausia la’u feagaiga o le tu atu o se molimau ae aua ai ne’i [o’u] faatiga ai i nei tagata?”⁷

Ou te amata atu i a tatou amioga patino. I le faatatauina o le manaomia tele lea o nisi taimi e faatautava ai o le upumoni ma le faapalepale i nei amioga e tolu—fai upu masoamataga, nonofo faapouliuli, ma le solia o le Sapati—ma isi

amioga e tele, e le tatau ai ona tatou taliaina ni manatu e ese mai ia i tatou lava. E tatau ona pulea i tatou e manoga o le upumoni. E tatau ona tatou malolosi i le tausiga o poloiga ma a tatou feagaiga, ma e tatau ona tatou salamo ma faaleleia atili pe a tatou sese.

Ua aoao mai Peresitene Thomas S. Monson: “O le foliga o le agasala i aso nei e masani ona faia ai se matapulepule o le mafai ona onosaia mea faigata. Aua nei faaseseina; o tua atu o lena faafoliga o loo i ai le lototiga, le fiafia, ma le tiga. . . . Afai e uunaia oe e na tagata e ta’ua o au uo e fai sooo se mea e te iloa e sese, ia fai *oe* ma tagata e tu atu mo le mea tonu, e tusa lava pe e te tu ai na o oe.”⁸

E faapena foi la, i a tatou fanau ma isi o e ua i ai sa tatau tiutetauave e aoaoina, o lo tatou tiute i le upumoni e matuai taura tele. E moni, o taumafaiga e aoao atu e pau le ala e fua mai ai, e ala lea i le faitalia o isi, o lea o a tatou aoaoga e ao lava ona faia i taimi uma ma le alofa, onosai, ma le faatauanau.

Ou te liliu atu nei i tiute o le upumoni ma le faapalepale i a tatou fegalegaileiga patino ma uo o e faaaogaina gagana masoa a o tatou i ai, nonofo faapouliuli ma se paaga, pe o le le tausia lelei o le Sapati.

O lo tatou tiute o le onosaia o mea faigata o lona uiga, ia leai se tasi o nei amioga—po o isi tatou te manatu ua ui ese mai le upumoni—ona faaosofia i tatou e tali atu i ai i ni faamatalaga inoino po o ni amioga faalealofa. Ae peitai, o lo tatou tiute i le upumoni e i ai ona lava vaega o tulaga manaomia ma ona vaega o faamanuiaga. A tatou “tautatala faamaoni taitasi ma le la te tuaoi” ma a tatou “[tautatala] faamaoni i le alofa” (Efeso 4:15, 25), ua tatou galulue o ni auauna a le Alii o Iesu Keriso, i le faia o Lana galuega. O le a tatou tutu faatasi ma agelu, ma o le a Ia auina mai Lona Agaga Paia e taiala i tatou.

I lenei mataupu maaleale e tatau ona tatou mafaufau muamua pe—po o le a le tele e faapea—ona tatou ta’u atu ai i a tatou uo mea ua tatou iloa ua moni e uiga i o latou amioga. I le tele o tulaga o lenei filifiliga e mafai ona faalagolago po o le a le tuusa’o o lo tatou aafia patino ai.

O le faaaogaina pea lava pea o upusa a o tatou i ai, o se mafuaaga talafeagai lea mo i tatou e ta’u atu ai le mea moni e faatupu masei lena mea ia i tatou. O upusa e faaaoga e i latou e le talitonu ae tatou te le o i ai, atonu e le o se mea lena tatou te faafeto’iai ai i latou e faatupu masei.

O le nonofo faapouliuli ua tatou iloa o se agasala matuia, lea e le tatau ona faia e le Au Paia o Aso e Gata Ai. Pe a faia e i latou e siomia i tatou, o se amioga patino po o

se mea ua faatonuina i tatou e aua le ano i ai, lagolagoina, pe fesoasoani ai. I le fua faatatau i le va o le upumoni ma le faapalepale, o le faapalepale e mafai ona taatele i tulaga o ni amioga ia tatou te le aafia tonu ai. Ae afai tatou te aafia tonu i le nonofo faapouliuli, e tatau ona taitaia i tatou e lo tatou tiute i le upumoni. Mo se faataitaiga, o se isi itu le le amanaia o agasala matuia pe afai e patino; ae o se isi foi itu le talosagaina [o i tatou] e lagolago pe matuai faamaonia lena agasala matuia, e pei o le faanonofoina o i latou i totonu o o tatou lava fale.

I le faamamaluina o le Sapati, atonu e tatau ona tatou faamalamalama atu lo tatou talitonuga e faapea o lo tatou faamamaluina o le Sapati, e aofia ai lo tatou aai ma feinu i le faamanatuga, e toe faafouina ai lo tatou faaleagaga ma fai ai i tatou o ni tagata lelei atu i aso o totoe o le vaiaso. Ma, i isi tagata talitonu, atonu tatou te ono faailoa atu le talisapaia o le mea moni e faapea e i ai ni itu tatou te

Fui e ao ona tatou faatinoina le faapalepale ma le faaaloalo mo isi ma o latou talitonuga, e aofia ai o latou aia tatau e faamalamalama ma lagolago ai o latou tulaga, ae ua le tatau ona tatou faaaloalogia ma faapalepale i amioga sese.

talitonu tutusa ai i mea e sili ona taua: o i tatou uma e talitonu i le Atua ma le i ai o le upumoni a’ia’i, e ui ina tatou eseese i a tatou faauigaga o na mea taua. Ae o tua atu o lena mea, e tatau ona tatou manatua le aoaoga a le Faaola e tatau ona tatou aloese mai le faia o ni finaugia (tagai i le 3 Nifae 11:29–30) ma o a tatou faataitaiga ma a tatou talaga e tatau ona avea ma “leo o le lapataiga, o tagata taitoatas i lona tuaoi, i le malu ma i le agamalu” (MF&F 38:41).



E tatau ona aoaoina ma faamalosia i tatou e ala i le faataitaiga a le Faaola o le saunoa atu i le faapalepale ma le upumoni: o le agalelei i fesootaiga, ae ia mausali i le upumoni.

I nei mea uma e le tatau ona tatou taumafai e faamasino i o tatou tuaoi ma i latou tatou te fegalegaleai i aafiaga faaiu o o latou amioga. O le faamasino o le mea lena a le Alii, ae le o i tatou.

Mataupu Faavae o Tulaga Faaupufai

A ulufale atu tagata lotu i tulaga faaupufai e taumafai e faatosina le faiga po o le faatinoina o tulafono e uunaia e o latou talitonuga, e tatau ona latou faaaogaina ni mataupu faavae e ese mai.

Muamua, e ao ona latou sailia le musumusuga a le Alii ina ia iloa leleai ai ma atamai i le filifiliga o mataupu faavae moni ua latou taumafai e faalauiloa atu e ala i le tulafono po o le faatinoga o faiga filifiliga. O le mea masani lava, e tatau ona latou aloese mai le sailia o tulafono po o faatinoga

faaletaitai e fesoasoani ai i talitonuga ia e iloga i tagata lotu, e pei o le faamalosia o le faatinoga o tapuaiga, e tusa lava pe o le fautuaina atu. E mafai e tagata lotu ona faaeteete teisi i le sailia o faatinoga faalemalo o le a faapea ona faatino ai mataupu faavae e maotua atu nai lo na o le fesoasoani i le faatinoina o o latou talitonuga, e pei o tulafono e faatatau i le soifua maloloina o tagata lautele, saogalemu, ma amioga lelei.

E mafai ma e ao i tagata lotu ona sailia tulafono o le a faapea ona faasaoina ai saolotoga faaletapuaiga. Faatasi ai ma le malosi o le fesuisuiai o talitonuga i amioga lelei, ua oo ai i le Iunaite Setete ma isi atunu se faaititia leagafaia o le tuufaatsiga o faaaloalo lautele e uiga i tapuaiga. O tapuaiga sa avea ma se vaega taliaina o le olaga faa-Amerika, ae o lea ua avea nei ma se mea ua fesiligia i mafaufau o le toatele. O nisi tagata taua ua oo lava ina latou fesiligia le mamao e tatau ona oo i ai le puipuiga e le faavae o le saolotoga e faatino ai tapuaiga, e aofia ai le aia tatau e faataunuu ma talai atu ai mataupu faavae faalelotu.

O se mataupu taua lenei e ao ai ia i tatou o e e talitonu i se Tagata Silisili o le ua ia faatuina le sa'o atoatoa ma le sese i amioga faaletagata, e ao ona tatou autasi i a tatou aia tatau ua leva ona tausisia e faatino

ai a tatou tapuaiga, e palota e tusa ai ma o tatou mafaufau e uiga i mataupu lautele, ma ia auai i faiga palota ma faaaliga manatu i le tulaga faaupufai ma i tulaga faaletulafono. E ao ona tatou tutu faatasi ma isi tagata lotu e faasaoina ma faamalosia le saolotoga e lagolagoina ma faatino o tatou talitonuga faalelotu, po o a lava. Mo lenei faamoemoega e ao ai ona tatou savavali faatasi i le auala e tasi ina ia mafai ona faatumauina lo tatou saolotoga e tulitulimatagau o tatou lava ala taitoatasi pe a oo i le taimi e alagatatau ai lena mea e tusa ai ma o tatou talitonuga taitoatasi.

Lona lua, a faalauiloa atu e tagata lotu o latou tulaga i tulaga faaupufai, e tatau ona latou onosai i taimi uma e uiga i manatu ma tulaga o i latou o e e le tutusa o tatou talitonuga. E tatau i tagata lotu ona tautatala ma le alofa ma faaali atu le onosai, agaga malamalama, ma le agalelei

agai i o latou fili. Ua poloaiina tagata lotu Kerisiano ina ia alolofa atu i o latou tuaoi (tagai i le Luka 10:27) ma faamagalo atu (tagai i le Mataio 18:21–35). E tatau foi ona latou manatua aoaoga a le Faaola e “faamanuia atu i e ua fetuu mai ia te [outou], ia outou agalelei atu i e ua inoino mai ia te [outou], ia outou tatalo foi mo e ua tuuaifua mai ma faasaua mai ia te [outou]” (Mataio 5:44).

Eao ona tatou tutu fatasti ma isi tagata lotu e faasaoina ma faamalosia le saolotoga e lagolagoina ma faatino o tatou talitonuga faalelotu.

Lona tolu, e le tatau i tagata lotu ona lotovaivai i le tuuiga masani e faapea o loo latou taumafai e fai tulafono e faavae i tulaga o amioga lelei. O le tele o vaega o le tulafono o loo faavae lea i amioga lelei faa-Iutaia-Kerisiano ma ua leva ona faia ai faapea. O le lalolagi i Sisifo ua faavaeina i amioga lelei ma e le mafai ona tupu e aunoa ma lena. E pei ona folafola mai e le peresitene lona lua o le I.S. o John Adams: “O la tatou faavae sa faia mo na o se atunu lelei ma faalelotu. E matuai le talafeagai lava se isi mea i le malo.”⁹

Lona fa, e le tatau ona solomuli tagata talitonu mai le sailia o tulafono e faatumauina ai tulaga lautele po o aiaiga faavae lea e fesoasoani ia i latou i le faatinoina o tulaga manaomia o lo latou faatuatua i nofoaga e aoga ai na tulaga po o aiaiga faavae i le soifua maloloina o le lautele, saogalemu ma amioga mama. Mo se faataitaiga, e ui lava ina lagolagoina e talitonuga faalelotu le tele o tulafono tau solitulafono, ma nisi o tulafono faaleaiga, o na tulafono e umi so latou talafasolopito tumau o lona talafeagai i sosaiete faatemokarasi. Peitai, o nofoaga e toatele atu ai tagata talitonu e tatau ona latou nofounta i taimi uma i manatu o vaega toalaiti.

Ma le mulimuli, o le agaga o lo tatou faapalenii o le upumoni ma le faapalepale e faatatauina i saunoaga nei a Peresitene Hinckley: “Ia tatou aapa atu ia i latou i o tatou alalafaga e le auai i la tatou tapuaiga. Ia avea i tatou ma ni tuaoi lelei, agalelei ma agaalofa ma amiosolia. Ia tatou aafia i faamoemoega lelei o afioaga. Atonu e i ai tulaga e aafia ai tulaga ogaoga o amioga lelei, ae e le tatau ona tatou faatafatafa i mataupu o le amioga lelei. Ae o ni tulaga faapena e mafai ona tatou faatuiese ma le faaaloalo ae aua le faia ma le inoino. E mafai ona tatou faailoa atu le faamaoni o i latou o o latou tulaga e le mafai ona tatou taliaina. E mafai ona tatou talanoa atu e uiga i mataupu faavae ae le o uiga o tagata.”¹⁰

Tagatavaai i le Olo

O loo aoao mai le Tusi Paia e faapea o se tasi o matafai o se perofeta o le avea ma se “tagatavaai i le olo” e lapataia Isaraelu (tagai i le Esekielu 3:17; 33:7). I faaaliga na faaopo o mai ai e le Alii le fautuaga lenei mo Siona o aso nei: “Faatutu . . . se leoleo i luga o le olo,” o lē o le a “[vaai] atu i le fili a o mamao atu o ia” ma tuu atu le lapataiga e laveai ai le tovine “mai lima o le faaleaga mea” (MF&F 101:45, 54).

Ua ou tautala atu o se tasi o na leoleo i luga o le olo. Ou te faamautinoa atu ia te outou o la’u savali ua moni. Ou te tautino atu ua ou iloa o loo soifua le Atua! Ou te molimau atu o Iesu Keriso o le Alo o le Atua, sa faasatauroina mo agasala a le lalolagi, ma e aapa mai o Ia ia i tatou uma taitoatasi ma le valaaulia e le mavae ia maua Lona filemu e ala i le aoao ia te Ia ma savavali i Ona ala (tagai i le MF&F 19:23). ■

Mai se lauga o le faeasaite a le Ofisa o Aoga a le Ekalesia sa sofogaina i le aso 11 o Setema, 2011. Mo le anotusi atoa i le FaaPeterania, alu i le mormonnewsroom.org/article/-truth-and-tolerance-elder-dallin-h-oaks.

FAAMATALAGA

1. “Is US a Nation of Liars? Casey Anthony Isn’t the Only One,” *The Christian Science Monitor*, July 19, 2011, 20; “Anarchy in the UK,” *The Economist*, Aug. 13, 2011, 144.
2. Tagai, mo se faataitaiga, Joseph G. Donders, ed., *John Paul II: The Encyclicals in Everyday Language* (2005), 212–13; tagai foi Rabbi Harold Kushner, *Who Needs God* (2002), 78.
3. *Teachings of Gordon B. Hinckley* (1997), 665.
4. Eric Rassbach, i le William McGurn, “Religion and the Cult of Tolerance,” *The Wall Street Journal*, Aug. 16, 2011, A11.
5. Tusi ia Dallin H. Oaks, Me 14, 1998.
6. Boyd K. Packer, “Be Not Afraid” (address at the Ogden Institute of Religion, Nov. 16, 2008), 5; tagai foi Bruce D. Porter, “Defending the Family in a Troubled World,” *Ensign*, June 2011, 12–18.
7. Tusi ia Dallin H. Oaks, Tes. 22, 1987.
8. Thomas S. Monson, “Faataitaiga o le Amiotonu,” *Liahona*, Me 2008, 66.
9. I le Charles Francis Adams, ed., *The Works of John Adams, Second President of the United States*, 10 vols. (1850–56), 9:229.
10. *Teachings of Gordon B. Hinckley* (1997), 131.

FAAOSOOSOINA E PEPELO

Ole falesa ou te lotu ai i Nigeria e latalata i se aoga o lona puleaoga sa le manao lava i se mea e aafai ai le Ekalesia. I se tasi o mea na tupu sa ta'u atu ai e le puleaoga i se faiaoga e aua ne'i toe foi atu i le aoga ina ua ia iloaina o le faiaoga o se Au Paia o Aso e Gata Ai. O se tagata o le Ekalesia o le sa ofo atu e asiiasi atu ma faamalamalama le misiona a le Ekalesia sa teenaina foi.

I le avea ai ma se tagata faatauoloa mo masini e faaaoga e falemaiai sa masani ai ona ou asiiasi

atu i aoga ma falemai e faatau atu ai nei oloa. Ina ua uma se masina e tasi sa le'i faamanuiaina, sa leai sa'u filifiliga e faia ae ia ou asiiasi atu i le aoga lenei. O la'u fuafuaga o le faatau atu lea o la'u oloa ma toe aluese mai, ma le faamoemoe ia le iloa e le puleaoga o a'u o se tagata o le Ekalesia. Ae peitai, sa ta'u mai e le Agaga ia te a'u o le a manao o ia iloa la'u tapuaiga.

Sa sologa lelei lava la'u mataupu ma le ulu o le vaega faasaienisi a le aoga, ma sa ia aveina atu a'u i le

puleaoga mo le totogi [o oloa]. Ina ua uma ona faatumu le siaki, sa amata ona ia fesilisili mai i lona fia faamasani lelei ia te a'u. Ina ua amata ona patino ana fesili, sa amata ona ou le to'a. Ona ia fesili mai lea i le fesili lea sa ou tatalo ia aua ne'i ona fesili mai ai: "O le a le ekalesia e te auai ai?"

Sa faaosoosoina au ina ia ou pepelo, aumai la'u siaki, ma aluese loa aua sa matuai ou manaomia lava lena faatau. Ae sa ou lagolina e tatau ona ou ta'u atu ia te ia le mea moni. Aua foi, sa oo le uluau Au Paia i tulaga na sili atu ona leaga nai lo lenei tamai tofotofoina o lo'u faatuatua.

Faatusi ai ma le lototele faafouina, sa ou tilotilo sa'o atu ai i ona mata ma faapea atu, "O a'u o se tasi o Le Ekalesia a Iesu Keriso o le Au Paia o Aso e Gata Ai." Ona ou tuuina atu lea o la'u molimau. O le mea na ou te'i ai, sa ataata o ia ma fai mai, tatou te tapuai uma lava i le Atua e tasi, ma tuu mai ia te a'u le siaki.

A o ou aluese mai, sa oo mai i lo'u mafaufau se mau: "O lenei mea sa avea ma tofotofoga tele ia te i latou o e sa tutu mausali i le faatuatua; e ui i lea sa latou mausali ma le le mafaa-gaeetia i le tausiga o poloaiga a le Atua, ma sa latou talia ma le onosai sauaga sa faafaulai i o latou luga" (Alema 1:25).

Sa ou fiafia i lo'u le faalefiafiaina o le Tama Faalelagi po o a'u lava. Ona o lenei aafiaga, ua ou faia ai se tautinoga ia avea au i taimi uma ma tagata faatau oloa lelei. Ae o le mea e sili ona taua, sa ou tautino ia avea au i taimi uma ma se tagata lelei o le talalelei a Iesu Keriso. ■

Aderogba Aderemi, Nigeria



O LE FAAMANUIAGA O A MAUA MEAAI TEU

Sa ma amata faatauina mai ma lo'u toalua o Brittney ni meaai e teu i le popofou o le ma faaipoipoga. I masina muamua ina ua uma le ma faaipoipoga, sa ma faatauina mai ai ni nai aitema e mafai ona teu i taimi uma ma te o ai e fai le faatauga o meaai. O le faaopoipoina i lea taimi ma lea taimi o nai mea laiti, sa ma faaputuina ai se faaleoloa aoga o meaai. Ma te le'i iloaina po o afea o le a manaomia ai ona ma faaaogaina, ae sa ma iloaina sa taua.

Ina ua savali le tasi tausaga o le ma faaipoipoga, sa ma siitia atu ai i le isi itu o le atunu mo aoga maualuga atu, ma sa ma o mai ma aumai le ma teuga meaai. Sa faigata le olaga, i mea tautupe. Sa ma faaaogaina uma le ma teugatupe e faatau ai se fale, ma sa le maua se tupe a Brittney i le avea ai o se tagata aoga faafafiaoga. Sa ma faalagolago i la'u tupe na fesoasoani i la'u aoga e totogi ai pili, ae sa le'i lava foi.

Sa oo foi o ma tulaga tautupe i se isi faaletonu sili atu i le po lona lua talu ona ma nonofo i le ma fale fou. Sa ala a'e Brittney ma le matuai tiga o lona manava, ma ina ua le te'a i le mavae ai o nai itula, sa ma o loa i le falemai. Sa fai lona taotoga i se taimi mulimuli ane o lena aso e aveese ai lona pitogaau.

Ina ua toe malosi o ia, sa ma saofafai loa i le faapaketiina o a ma tupe. A o ma faaopoipoina ia pili o le fa masina na sosoo ai—lea na aofia ai le taotoga faatopetope—sa ma iloaina ai e mafai lava ona ma ola e aunoa ma le faia o se aitalafu. Ae peitai, ina ia faia lena mea, e le mafai ona ma faaluina le sili atu ma le \$25 i masina taitasi i meaai ma mea e faaaoga i le vaiaso. Ia pe o le tasi vaefa lena o tupe sa masani ona ma faaluina.

O meaai na teuina sa ma faaputuina i le tausaga na mavae sa oo ina matua aoga lava. Sa lava ma totoe e aofia ai mea masani sa ma manaomia mo le fa masina, ae sa ma faaaogaina le \$25 na paketiina e faatau ai susu ma isi meaai e le mafai ona tuu umia. Ma te le'i aai i ni meaai taugata, ae ma te le'i matelaina foi.

A o ma ola fuafua lelei ma auauna atu i isi ma le loto i ai, sa ma maua faamanuiaga faaopoopo. O se tasi o a'u uo i le aoga sa faamaeaina lona faailoga, sa talosaga mai ma te fesoasoani atu i le siitia o lona aiga. A o ma fesoasoani atu i ai, sa fesili mai pe ma te mananao e ave ma maua ni meaai sa totoe i le

latou fulisa. Ona o lona agalelei, o lea na ma maua ai ni aano o manufasi e faaopoopo atu i le ma teuga meaai.

Na faamanuiaina i maua e le Alii a o ma saunia ni meaai e teu, totogi a ma sefuluai, ma faaali atu le naunau e auauna atu. Sa ma ola i na masina e aunoa ma le nonoina mai o se tupe. Ina ua uma le semesa lena, sa faapea ona maua se galuega tumau a lo'u toalua, ma sa mafai ona ma gafatia le faaluina o se seleni e sili atu i meaai ma mea e faaaoga soo. Sa ma toe faaputuina le ma teuga meaai, ma o loo faaauau pea ona faamanuiaina i maua a o ma usiusitai i poloaiga a le Alii. ■

Bruce Richards, Illinois, ISA

N a faamanuiaina i maua ne le Alii a o ma saunia ni meaai e teu, totogi a ma sefuluai, ma faaali atu le naunau e auauna atu.



SA MATOU AUAI FAATASI I AI

Sa matou siitia mai se aai tele sa i Sai se aofaiga toatele o le Au Paia o Aso e Gata Ai i se nuu e toa 5,000 i se nuu maotua i le eria o Deep South i le Iunaite Setete, lea sa matou nonofo ai i le silia ma le fitu tausaga. A o ou aluese mai le faleoloa o le lotoifale mo meafaigaluega ma mea faapena i le matou aso muamua iina, sa fai mai se faatauoloa talavou, "Ia manuia le aso, Mrs. Grant."

Sa ou fesili atu, "E faapefear ona e iloa lo'u igoa?"

Sa ia tali mai, "Na o outou lava tagata fou i le taulaga."

Sa maua so matou fale e faasaga atu i le isi itu auala mai se lotu Porotesano e tasi ma se isi i le isi magaala, ae e 45 minute le mamao o le mea na matou nonofo ai mai le falelotu aupito lata mai a le AAG. O Aso Sa uma lava, faapena foi i ni taimi se lua i le aluga o le vайасо, matou te savavali atu ai i le tatou falelotu. I na tausaga e fitu, sa auauna atu ai lo'u toalua i le au epikopo, ae sa ou galue o se peresitene o le Peraimeri ona sosoo ai lea ma le peresitene i Tamaitai Talavou.

Sa matou iloaina o le olaga faafagafesootai ma le fatu o nuu laiti sa i ai lea i ekalesia i le lotoifale. Ina ia taliaina, sa matou iloaina e tatau ona matou aafia ai. Sa le'i umi ae masani lelei le ma fanau laiti e toatolu ma isi tamaiti o le uarota, ae sa ma mananao foi ia latou lagonaina se lagona o le i ai i lo matou pitonuu. Sa ma uunaia i latou ina ia aafia i le aluga o le vайасо i gaoioiga a ekalesia a le pitonuu, e aofia ai taumafataga a aiga i po o Aso Lulu i se tasi o ekalesia.

Sa ma tuuina le ma atalii ma le ma fanau teine i polokalama a le nuu mo

le autalavou. Sa auai foi le ma fanau i Aoga Tusi Paia i Tuuaga o Aoga i lotu uma ia e lua sa lata [mai i le matou fale]. Sa pepese le ma fanau teine i le afaipese a le autalavou a se ekalesia i le nuu; sa iu foi ina pese toatasi se tasi o ma tama teine i le afaipese. Sa auai le ma atalii i se vaega mo tagata talavou a se ekalesia i le nuu.

Sa masani ona talai atu se faifeau e asiasti mai i le nuu e tetee i "Mamona," ae sa iloa e o matou tuaoi matou te le

faapena e pei o tagata sa lapataia ai i latou e failotu.

O taumafanafana uma lava e lago-lagoina ai e aulotu a le itu a se tasi o aulotu Porotesano se tolauapiga a le autalavou i le Motu o St. Simons, Georgia. Ina ua maea se tasi o na tolauapiga, sa fai mai se aoaoga a se tasi o faifeau mai le pulelaa, "Na pau lava le talavou e alu i le tolauapiga i le taumafanafana lenei o le tatou teine Mamona lelei o, Kelly Grant."

Sa matou iloaina o le olaga faafagafesootai ma le fatu o nuu laiti sa i ai lea i ekalesia i le lotoifale. Ina ia taliaina, sa matou iloaina e tatau ona matou aafia ai.



PE SA FAATATAU TAIALA IA TE A'U?

Sa talia i matou e o matou tuaoi Porotesano auia sa matou taliaina i latou. Matou te le'i fetuunaia lava o matou tulaga faatonuina po o mataupu faavae.

A o tuputupu ae le ma fanau, sa faapena foi i a latou molimau i le Ekalesia toefuataiina. O mea sa latou aoaoina mai tala o le Tusi Paia a isi ekalesia sa mafai ai ona latou faia se faafesootaiga i le va o le Tusi Paia ma le Tusi a Mamona. Ma le isi, sa latou vaaia le tiute taua o le perisitua i la tatou Ekalesia, ma na mafai ona latou lagonaina le eseeseaga.

Ina ua oo atu le matutua o le ma fanau i tausaga e tafafao faamasani ai, sa faapea ona siitia atu e le kamupani faigaluega a lo'u toalua o ia i Atlanta, Georgia. Sa ou tagi a o ou sainia le maliega o le matou fale i tagata fou o le a anaina. Sa fusi a'u e le matou loia ma fai mai ma le alofa, "E leai se tasi e mafai ona fai mai e le'i iinei ni Mamona."

O le aafiaga a le ma fanau ma Porotesano i se nuu laitiiti, sa aoaoina ai i latou i le faapalepale, onosai, ma le agaga malamalam. Sa latou maua ni talitonuga na laugatasia ai ma i latou mai isi tapuaiga, lea sa fesoasoani ia i latou e auauna atu ai o ni amepasa mo le Ekalesia. Ma sa oo ina latou iloa le taua o le Agaga Paia, le perisitua, ma le alofa tele o le Faaola mo i tatou uma.

E leai se tasi sa matou faaliliuina mai i na tausaga e fitu, ae sa matou totoina ni fatu. Ua faamanuiaina i matou i le taimi lenei ona sa oo mai tagata o lena nuu laitiiti i o matou olaga. Ou te faamoeue ua faamanuiaina i latou ona sa matou o atu i o latou olaga. ■

Nancy Grant, Georgia, ISA

Ole filifili ia ou tauagafau sa fai-gofie lava ia te a'u. Sa ou ola ae i se aiga sa maualuluga lava ia tulaga faatonuina, ma ina ua ou faaipoipo i le malumalu, o'o ofusa sa faamanatu mai ai ia te a'u ia ou faia ni lavalava tauagafau.

Ae peitai, o le faatauga o se ofutaele, sa iu ina avea ma se mea sa faigata ia te a'u. E aunoa ma le taiala a ofusa, sa iu ina ou manao ai e ofu ni ofutaele ou te matamuli ai pe afai e vaai i ai se tagata ou te iloaina o o'u ofuina.

Sa ma fuafua ma lo'u toalua ma te o i se tietiega vaa e tafafao ai mo na o maua lava e toalua. Sa ou faapea o le tietiega vaa e tafafao ai o le taimi lelei lava lea e ofu ai sea ituaiga ofutaele. O le a ou le vaai ai i se tagata ou te masani ai, ma o lea o le a ou le lagonaina ai le tausalaina. O le a leai se isi e iloaina o a'u o se Au Paia o Aso e Gata Ai, ma atonu foi o le a faapea uma lava ofutaele o isi tamaitai i luga o le vaa.

Ona ua ou faaipoipo, sa leai ai se mafuaaga moni mo a'u e fai ai se ofutaele tauagafau, ia po o lo'u manatu lena. O taiala o le tauagafau sa mo na o le tupulaga, a ea? Ae sa i ai se lagona

sa faalavelave mai i tua o lo'u mafau-fau. Sa ou faaipoipo i le malumalu. Na ou ausia la'u sini ia tumau lo'u agavaa ma ia maua se toalua agavaa. Ma sa ou manao ia faaauau pea ona ou filifilia le mea sa'o.

Sa tonu ia te a'u e vaai i le "Ofu ma Foliga Vaaia" i le *Mo le Malosi o le Autalavou*. Na fai si leva ou te le'i toe iloiolina le tamaitusi, o lea sa matuai aafia lava au i nei upu: "O ou ofu ma foliga vaaia, e mafai ona e faaali ai le taua o lou tino. E mafai ona e faaali atu o oe o se soo o Iesu Keriso ma e te alofa ia te Ia" ([2011], 6).

Sa tatagi pea lava pea na upu i lo'u mafaufau. Pe o a'u ea o se soo o Iesu Keriso? Pe sa ou naunau ia ou faamoni i taimi *uma* ma i nofoaga *uma* (tagai i le Mosaea 18:9)?

Talu mai lena taimi ua ou filifili ai e tusa lava pe ua 20 ma ona tupu o'u tausaga, e ao lava ona ou faatumauina ia mataupu faavae sa ou aoaoina i lo'u talavou. O na mataupu faavae o loo faatatau pea lava ia te a'u. Ou te manao e avea ma se faataitaiga lelei i la'u fanau. Ou te manao ia latou iloa o a'u o se soo o Iesu Keriso. ■

Julie Letner, Arisona, ISA

Ona ua ou faaipoipo, sa leai ai se mafuaaga moni mo a'u e fai ai se ofutaele tauagafau, ia po o lo'u manatu lena.



Tulaga Faatonuina MO VAITAU UMA

Saunia e Lori Fuller

Ua faasoa mai e talavou matutua e toalima le ala na taialaina ai i latou i faataitaiga o le usiusitai mai le Tusi a Mamona a o latou faia filifiliga i le va o le sao ma le sese.

Ile amataga o le matou aoaoga faaletalelei, sa aoaoina ai i matou ia iloa le sa'o mai le sese. Sa matou aoaoina o filifiliga e i ai taunuuga, o le usiusitai e aumai ai faamanuiaga, ma o filifiliga amiontonu e avatu ai tatou e latalata atili atu i le Atua. A o matou talavou sa matou maua ai le tamaitusi *Mo le Malosi o le Autalavou*, lea e ta'u manino mai ai tulaga faatonuina e ola ai i le talalelei.

Ae o nisi taimi mo le autalavou matutua o e o loo tauivi e ola i le lalolagi ae le o le lalolagi (tagai i le Ioane 17:14), atonu o filifiliga ma tulaga faatonuina ua le o toe tutusa le manino. Atonu e foliga mai o loo i ai se tulaga lautele i le ogatotonu e filifili mai ai, o se eria nenefu tele i le va o le sa'o ma le sese.

E ui o filifiliga e foliga mai e sili atu le faigata pe a faasolo ina tatou matutua, e tumau lava le faatatauga o na tulaga faatonuina e pei ona sa i ai a o tatou laiti. O le mataupu faavae o le usiusitai e tumau lava. O le filifili ia usiusitai i le taimi nei e tutusa lava le taua e pei ona sa i ai lava. A o tatou feagai ma faiga faaiuga, o mataupu faavae mai le Tusi a Mamona—lea sa tusia mo o tatou aso—e mafai ona taialaina i tatou e fai ia filifiliga e sili

ona lelei ma faamanatu mai ia i tatou o faamanuiaga silisili e oo mai mai le usiusitai atoatoa. I le tusiga lenei, ua faaali mai ai e ni talavou matutua se toalima ni manatu i auala o loo latou faaaogaina ai nei mataupu faavae.

O Le Usiusitai Tatou Te Latalata Atili Ai i le Atua

"O le a se mea ou te faia ina ia mafai ai ona fanauina au i la le Atua, . . . ina ia mafai ona faatumuina a'u i le olioli, ina ia le mafai ona lafoaia ese o a'u i le aso gataaga? . . . o le a ou lafoai ese au agasala uma ina ia ou iloa [le Atua]" (Alema 22:15, 18).

Ina ua faalogo le tama o le Tupu o Lamonae i le afioga a le Atua, sa naunau loa o ia e lafoai ese uma ana agasala ina ia iloa o Ia. A o ia aoao e uiga i tulaga faatonuina a le Alii, sa naunau loa o ia e tausia ina ia mafai ona ola latalata atu i le Atua. Faatasi ai ma isi tagata Aneti-Nifae-Liae, sa ia osia ma tausia ana feagaiga ma le Tama Faalelagi ma sa "le'i pauu ese lava" (Alema 23:6).

O le mataupu faavae o le usiusitai o loo faapena foi ona tumau moni lava i olaga o le autalavou matutua i aso nei. E pei ona faamalamalama mai e Vijay Patha o Initia, "O le



usiusitai tatou te latalata atili atu ai i le Atua. E aumai ai le filemu o le mafaufau, faatuatua, fiafia, alofa, ma le manatu o le a lelei mea uma. E leai lava se isi auala e maua ai nei mea ae e ala mai i le talalelei.

Sa faaauau lana faamatalaga, "A tulai mai filifiliga faigata, e mafai e le Agaga Paia ona taitaia i tatou. Pe afai e le i ai ni tuaoi, ua tatou i ai i le tulaga matautia faateleina o le pauu ese. O le tausia o a'u feagaiga e tuuina mai ai ia te au ni tuaoi. O nei tuaoi e puipuia ai a'u mai le pau ese atu i auala e le mailoa ma ua fesoasoani ia te au i le tele o taimi e fai ai ma sui o Keriso ae aloese mai le faia o mea e pei o le faaaogaina o gagana mataga. O le faataatitiaina o tuaoi e aumai ai le mafaufau manino."

O Le A Fesoasoani le Atua ia i Tatou ia Usiusitai

"O le a ou alu ma fai mea ua poloaiina e le Atua, aua ua ou iloa e le tuuina mai e le Alii ni poloaiga i le fanauga a tagata, vagana o le a saunia e ia se ala mo i latou ina ia mafai ai ona latou faataunuina o le mea ua ia poloaiina ai i latou" (1 Nisae 3: 7).

O nisi taimi e foliga ai e faigata ona mulimuli i poloaiga, ae ua folafola mai

e le Tama Faalelagi o le a Ia saunia se ala mo i tatou e usitai ai. E pei o Nifae, o le au talavou matutua o e naunau ia faamaoni e mafai ona liliu atu i le Tama Faalelagi e maua mai ai le malosiaga ma le gafatia e usiusitai ai. Ua faamatala mai e Duncan Purser o Egelani le auala na tupu ai lenei mea ia te ia:

“O le sefuluai o se poloaiga faatasi ma ni tuaoi ua faataatitaina: tatou te totogia le 10 pasene o mea tatou te maua. Ae o le taulaga anapogi ua tuuina mai ia i tatou se tulaga sili atu o le fetuutuunai i lo tatou usiusitai.

“A o ou faaputuina se tupe mo lo’u pili i le iunivesite, sa avea le manatu o le totogina o le taulaga anapogi o se luitau ia te a’u. Sa matuai faigata lava ia te a’u i Aso Sa anapogi le taumafai e filifili pe tatau ona totogi [la’u taulaga anapogi] ae pe fia foi se aofaiga e maua ai se taulaga ‘limafoai’. Ou te liliu atu i le tatalo, ma e le gata ina sa musuia au i taimi uma e totogi taulaga anapogi, ae sa ou lagonaina foi se manao faateleina e fai o lea.

“Ua ou iloa e faamanuia e le Alii i latou o e tausia lenei poloaiga, ma a o ou usiusitai, e le faapea lava ua aunoa au ma ni mea e manaomia o le olaga. A o tatou ola i le talalelei, tausi poloaiga, ma iloa o i tatou o ni faataitaiga i tagata e siomia i tatou, o le a faapea ona faateleina lo tatou mananao e avea ma se tagata e sili atu ona lelei, ma o le a faaali mai e le Alii ia i tatou mea e ao ona tatou faia.

“Ua tuuina mai e le Alii ia i tatou ia tulaga faatonuina mo lo tatou manuia. E mafai ona tatou filifili po o le a le maualuga tatou te ola ai i nei tulaga faatonuina ma pe o le a suia foi i tatou e lo tatou usiusitai pe leai. I lo’u aafiaga, ua ou vaaia le oo mai o faamanuia a o ou mulimuli i uunaiga a le Agaga.”

E Finagalo le Alii ina la Tatou Usitai ma le Sa’o Atoatoa

“Sa latou usiusitai ma tausisi e fai upu uma o poloaiga ma le sao atoatoa; ioe, ma sa faia ia te i latou e tusa ma lo latou faatuatua” (Alema 57:21).

O le taumafai e usiusitai a’ia’i, e pei ona sa faia e le autau o fitafita talavou, o le a fesoasoani ai i soo o Iesu Keriso ia latou faapei o Ia. Peitai ua silafia lelei e lo tatou Faaola ma le Tama Faalelagi e leai se tasi e atoatoa. Mo taimi tatou te le atoatoa ai, ua Laua saunia se ala mo i tatou e salamo ai ma taumafai ia sili atu le lelei.

“Sa mamulu atu ma a’u le tamaitai sa ou faamemelo i ai ona sa ma solia le tulafono o le le gaoia—sa na o sina faatinoga laitiiti,” o le tala lea a Taila (ua suia le igoa). “Peitai o le solia o le tulafono o le le gaoia i ‘sina faatinoga laitiiti’ o le solia lava lea o le tulafono o le le gaoia. Sa fai lava ma ou misia ia faamanuia ttau a o le usiusitai; sa ou manao e i ai le Agaga i lo’u olaga.

“Ou te le’i manao e fai soo se mea laitiiti lea e manatu tagata e le afaina ‘pe afai tatou te le tau vaaia ai le epikopo.’ Sa ou manao e 100 pasene i le tausiga o le tulafono. Peitai o la’u filifiliga ina ia ou usiusitai sa fai lava si tuai mo le sefeina o le ma mafutaga; sa faaleagaina e le solia o le tulafono o le le gaoia.

“O le tulafono o le le gaoia ua i ai iina mo lo tatou puipuiga. E le o se tapulaa i lo tatou alofa. Ae, o le auala mulimuli lava lea o le faaali atu o lo tatou alofa. O le tausia o le le gaoia, tatou te fai atu ai, ‘Ou te alofa tele ia te oe e faaaloalo ai ia te oe ma tausai ai poloaiga a le Atua. Ou te alofa tele ia te oe e faatumauina ai le faatotonugalemu o Keriso i o ttau olaga.’

“I le avea ai ma ni talavou nofofua matutua, tatou te taofimau foi i tulaga



*O loo aoao mai i le
Tusi a Mamona ia
mataupu faavae o le
usiusitai e mafai ona
fesoasoani ia i tatou
e pipii mau ai i le ai
uamea a o tatou fea-
gai ma faiga filifiliga.*

faatonuina o loo i le *Mo le Malosi o le Autalavou*. O le tulafono o le le gaoia e faatatau i tagata uma lava, e le afaina po o le a lou matua po o lou tulaga. Ou te faafetai mo lenei molimau fou ua ou mauaina aua o le a fesoasoani ia te au e faalatalata atili atu ai i le Faaola ma i la'u soa e faavavau pe a ou maua o ia.”

O Le Usiusitai A'ia'i e Taofia Ai i Tatou mai Tulaga Lamatia

“*Ma sa oo ina ua maua e Leoneti le sivali, sa fefe o ia e alu ifo i lalo i vae o le mauga. . . Ma sa oo ina ua iloa e Amalekia ua le mafai ona ia faia ia sau Leoneti i lalo mai le mauga, sa ia alu ae i luga o le mauga*” (*Alema 47:11-12*).

Sa naunau lava Leoneti e taofi mau i ona tulaga. Ae sa ia filifili o le alu ifo laitiiti i lalo, e faafetaui lona fili, o le a le afaina lea. E ui lava ina sa mautinoa e Leoneti o ia sa faaforea [le feiloaigal], ae sa amata ona “avatu [e Amalekia] fuafua vai ona” (*Alema 47:18*) seia oo ina oti ai Leoneti, atonu sa le'i iloaina le tulaga lamatia seja oo lava ina ua tuai tele.

Ua faamatala mai e Claudia R. o Colorado, ISA, le ala sa ia tausisia ai ona tulaga faatonuina:

“Ou te lagona e pei ua see atu le lalolagi i se itu puaoa. Mo se faataitaiga, o le a fai mai tagata e uiga i le ava malosi, ‘E te le oti i se miti se tasi.’ O lena ituaiga alofaga o le mea moni o lou taalo o oe lava faalemafaufau. Ma o tulaga faapena—o tulaga e foliga mai e leai se leaga—e sue moni ai lava le faitalia.

“O lea e tatau ai ona e iloa ona taofi, ia e ta mau. O nisi tagata e avea le mea sa amata atu o se tulaga puaoa, ma iu ai ina avea lena tulaga puaoa ma se tulaga pogisa. Ia ona e mau ai lea.

“Sa ma o ma se tasi o tagata i ni tafoaga faamasani malie, ae i se tasi taimi sa ma nofonofo ai na o maua i totolu o le taavale i le pogisa, ma sa ia taumafai ai e fai se gaoioiga ia te a'u. Sa ou iloaina o le mea sa ia manao e fai o le a oo atu ai i isi tulaga. Sa ou le faatagaina lena mea e tupu, o lea sa ou oso ai i fafo mai le taavale.

“I le avea ai ma talavou nofoua matutua, a i ai se mea e le ogatasi ma o tatou tulaga faatonuina, e tatau ona tatou tumau mausali [i le tulaga faatonuina]. I tafaoga faamasani, ioe, e te manao e uu lima, feopoai, ma feasogi. Peitai e manao Satani e faasese i tatou i le mafaufau faapea o le tulafono o le le gaoia o se tulaga puaoa lea e leai se afaina o i ai i le usitaia o se vasega.

“Ua tatau ona sili atu le mausali o o tatou tulaga faatonuina mai lo se isi lava taimi. E tatau ona tatou faia ia faaiuga a o le'i tulai mai ni filifiliga fai-gata. E tatau ona tatou tetee malosi atu pe vaaia ni mea sese. Ua ou iloa e le faigofie lo tatou lalolagi; ua tele naua mea o loo tutupu. Ae ua tuuina mai ia i tatou e perofeta ma aposetolo ia tulaga faatonuina ma taiala. O loo ou tauaveina se lomiga e ofi i le atotupe o le *Mo le Malosi o le Autalavou*, ma e fesoasoani ia te a'u i taimi faigata.”

E Mafai Ona Tatou Usiusitai Pe Afai E Le O Usiusitai Isi Tagata o Siomiaina i Tatou

“*Afai e le i ai ia i latou le alofa mama e le afaina i lea mea ia te oe, sa e faamaoni; o le mea lea, o le a faamamaina ou ofu*” (*Eteru 12:37*).

Ina ua tatalo Moronae ina ia faamanuia i tagata Nuuese o le lumana, sa ta'u atu e le Alii ia te ia lea mea sa sili ona ttau o le, sa tumau faamaoni o ia. E le fafaigofieina e le lalolagi le ola ai

o talavou nofoua matutua faamaoni i o latou tulaga faatonuina. Ae e tusa lava pe filifili e isi se isi ala, e mafai lava ona [tatou] filifilia se auala e maualuga atu.

E pei foi o le toatele o isi talavou matutua, na oo Victor Kim o Korea i Saute i ni tulaga lea sa le tutusa ai ona tulaga faatonuina ma tulaga o isi tagata:

“O nisi taimi i le galuega, matou te o ai o se vaega ma le matou aufagalugea e aai, ma o taimi uma lava e inu pia ai. Sa tele le tauanauina o a'u ia ou auai i le inuga, sa le faigofie le fai atu i tagata uma e leai. O taimi uma sa ou faamautinoa ai lava ia latou iloa muamua ou te le inupia. Ae e tusa lava, sa tatau ona ou malosi ma faaali atu lo'u to'a i totolu o o'u siosiomaga.

“I lo'u aafiaga, o i latou o e e le manino lo latou iloaina o tuaoi, e mafai ona faamalieina, ma e mafai ona iu ai ina faatalitonuina i latou lava e faapea o sina agasala ititi ua le afaina lea. E oo ina mafai ona latou le lagonaina le Agaga ma le toe mafai ai ona iloa le mea e sese ma le mafuaaga e sese ai.

“O faatosinaga a lau tupulaga e mafai foi ona malosi tele. O i latou e le o malolosi e ono iu ai ina auai i totolu aua e foliga mai o faamatalaga e fai mai e a latou uo e foliga talafeagai, e ui lava e le fetaui ma o tatou tulaga faatonuina. Ae e leai se mea faaafaafa. O le faaiuga, e tatau lava ona e filifili.

“Ina ia tumau le malosi, e fesoasoani le i ai o se uo lelei e mafai ona talanoa atu le tasi i le isi ma faalagolago atu le tasi i le isi. O lena faiga e mafai ai ona oulua tutumau malosi. A ou tausia o'u tulaga faatonuina, ou te lagona le saogalemu. Ou te agavaa e ole atu i le Atua e puipui mai a'u. Ou te faatuatua afai ou te usiusitai, o le a ia fesoasoani mai ia te a'u.” ■

O Lori Fuller e nofo i Iuta, ISA.

TATOU TE MANAOMIA LE EKALESIA A KERISO

O le vaaiga faamaualuga o se pepelo faatiapolo.

Saunia e David A. Edwards

Mekasini a le Ekalesia

Afai e mafai ona e vaai i le pusa o meafaigaluega a le tiapolo, o le a e vaaia ai ni meafaigaluega tonu mo le taitaiseina o tagata, faapea ai ma ni nai meafaigaluega ua fai si leva ona faaaoga o loo mautinoa lava le i ai faatasi ma ana meafaigaluega e faaaoga soo.

O se tasi o ili faapitoa e matele ina ona faaaogaina i aso nei e oo mai i le ituaiga o pepelo iloga lenei: “E te le manaomia se ekalesia faatulagaina ina ia avea ai ma se tagata lelei, ina ia e faaleagaga ai, po o le ina ia e alofa ai ia Iesu. O ekalesia uma e i ai lava se mea e le atoatoa ma piopio ai.”

O lenei taufaasese e atamai aua e faalagolago i ni manatu moni se lua ina ia e foloina ai le pepelo lapoia. E moni e tatau ona tatou faamalosia a

tatou sootaga ma le Atua ma o tagata foi e le atoatoa, ae o nei mea moni e le faapea ai o le manatu moni e uiga i se ekalesia e sese.

O lenei ituaiga o manatu e sese, ma o ni mafuaaga nei e lima e mafua ai:

1. Sa faavaeina e Keriso ia Lana Ekalesia. I Tusi a Mataio, Mareko, Luka, ma Ioane, o le a e vaai ai o se vaega tele o le galuega a le Faaola sa aofia ai le valauina o tagata, tuuina atu ia i latou le pule, aoao i latou mo tulaga faaleautaitai, ma aoao i latou i le ala e galulue ai o se vaega. Ua aoao mai Elder Dallin H. Oaks o le Korama a Apostolo e Toasefululu, “O i latou e teenaina le manaomia o le lotu faatulagaina, ua teena foi le galuega a le Matai, o le na faavaeina Lana Ekalesia ma ona taitai i le vae-luaga o aso ma le na toe faavaeina le Ekalesia ma taitai i ona po nei.”¹

2. O le Ekalesia e faatinoina le talalelei ma ona sauniga. Na ona aoao mai le Faaola e faapea, o le papatisoga ma le meaalofa o le Agaga Paia e manaomia mo le faaolataga (tagai i le Ioane 3:5), ma o le pule e talai atu ai le talalelei ma faatino ai nei sauniga sa faapea ona puleaina. E pei ona sa saunoa Elder Oaks, “Ua faamanino mai i le Tusi Paia le tatau ona i ai o le pule o le perisitua ma o lenei pule e tatau ona faaee atu e ala i le tuuina atu o lima o i latou o e umiaina. O le

pule o le perisitua e le’i oo mai ona o se manaoga e auaua atu po o le fatauina o tusitusiga paia.”²

3. O le Ekalesia e fesoasoani ia i tatou e avea ai ma tagata lelei atu. Na aoao lata mai nei ia Elder Donald L. Hallstrom o le Au Peresitene o Fitugafulu: “Tatou te manaomia le talalelei *ma le* Ekalesia. O le mea moni, o le faamoemoega o le Ekalesia o le fesoasoani lea ia i tatou ia ola ai i le talalelei.³ E ui o le Ekalesia e faia mai i tagata le atoatoa, ae e fesoasoani ia i tatou ia tatou avea atili e faapei o Iesu Keriso e ala i le aoaoina o i tatou i Ana aoaoga faavae, tuuina mai ia i tatou o avanoa mo auauanaga ma le tuputupu ae faaletagata lava ia, ma le faatagaina o i tatou e ulu atu ma faafou feagaiga ma le Atua.

4. E taua le lotogatasi. Ua poloaina i tatou e le Alii ia tatou “tasi; ma afai tou te le tasi e le a a’u outou” (MF&F 38:27). O lenei tasi o se vaega taua lea o le fuafuaga a lo tatou Tama Faalelagi mo i tatou. Sa aoao mai Peresitene Henry B. Eyring, Fesoasoani Muamua i le Au Peresitene Sili:

“Tatou te moomoo, o ni fanau agaga a lo tatou Tama Faalelagi, mo lena olioli sa tatou mauaina faatasi ai ma ia i le olaga na muamua atu i lo lenei. O Lona finagalo ia tuuina mai ia i tatou lena moomooga paia mo le lotogatasi ona o le alofa ia i tatou.





TUJAGAVEA: ATA NA SAUNIA E CRISTINA SMITH; TAUMATAU FAAMATALAGA MALE KERISO: MALE TAUEAEA MAUOA; NA SAUNIA E HEINRICH HOFMANN; FAALOALOGA A IIE C. HARRISON CONROY CO.; TOEFUATAIGA O LE FERISTUA MERISATEKO; NA SAUNIA E WALTER RANE; © IRI; ATA NA TUSIA E WEDEN C. ANDERSEN © IRI

“E le mafai ona ia tuuina mai ia i tatou o ni tagata taitoatasi. O le olioli o le lotogatasi ua ia matuai finagalo e tuuina mai ia i tatou e le aunoa ma isi. E ao ina tatou sailia ma agavaa ia i ai faatasi ma isi. E le o se tulaga la e faateia ai le uunaia o tatou e le Atua e faapotopoto ina ia Ona faamanuiaina i tatou.”⁴

5. O le “faatulagaina” e le o se upu e uiga tutusa ma le upu “leaga” po o le “piopio.” E masani lava a tau e tagata se tasi po o se mea “faatulagaina,” o se faamalo lea. Ae mo se mafuaaga e le mailoa, i tulaga faalelotu o se faitioga. Fai mai Elder Neal A. Maxwell (1926–2004) o le Korama a Apostolo e Toasefululu, o se tasi o mafuaaga na faatulagaina ai e Keriso ia Lana Eklesia ona “aua

o tagata lelei taitoatasi ua le lava lea e tetee atu ai i le tiapolo.”⁵ Ua fofola manino mai e le Alii le faafitaauli ina ua ia fetalai, “Faauta, o lo’u fale o se fale o le maopoopo, ua fetalai mai ai le Alii le Atua, ae le o se fale o le fenumia’i” (MF&F 132:8). O le faatulagaina o le mea tonu lea e manaomia ona i ai se ekalesia.

A o e tau atu i pepelo o loo avea ma meafaigaluega o le matata a le tiapolo, ia manatua ua i ai foi la oe lava seti o meafaigaluega e fesoasoani ia te oe e te ola ai i le talalelei—o meafaigaluega ua tatou maua e ala mai i le Eklesia a Iesu Keriso: o tusitusiga paia, o le meaalofa o le Agaga Paia, ma upumoni faaalia e ala mai i perofeta o aso nei. ■

FAAMATALAGA

- Dallin H. Oaks, “O Laina e Lua o Fesootaiga,” *Liahona*, Nov. 2010, 85.
- Dallin H. Oaks, “O Le Eklesia Moni ma le Ola e Tasi,” *Liahona*, Aok. 2011, 50.
- Donald L. Hallstrom, “Liua i Lana Talalelei e ala i Lana Eklesia,” *Liahona*, Me 2012, 14.
- Henry B. Eyring, “E Fusia o Tatou Loto ia Tasi,” *Liahona*, Nov. 2008, 69.
- Neal A. Maxwell, “Aisea e Le Faia ai Nei Loa?” *Liahona*, Apri. 1975, 33.

“Na matua faatiga se tasi o a’u uo ia te a’u. Ou te iloa e tatau ona ou loto faamagalo, peitai e faapefea ona ou faagaloina le tiga?”

Ole faamagaloina o lau uo ma le faamatuu ese o lagona tiga e mafai ona faigata. Ina ia faamagalo *ma* ia faatea ese lagona tiga o le a manao-mia ai le alofa mutimutivale—o oe ma le Alii. O lau galuega e le o le taumafai e faatea ese le tiga ae ia faamagalo: ia faaali atu le alofa mutimutivale i lau uo (tagai i le MF&F 64:8–10). A o e faia, o le Alii, a o e sailia Lana fesoasoani, o le a faaali mai le alofa mutimutivale ia te oe. O lona uiga, e mafai ona Ia suia ou lagona tiga i le alofa ma le toofilemu.

Talanoa i lau uo. Taumafai ia e malamalama i le mea na tupu. Atonu e te iloa ai e le’i mafaufau lau uo e faatiga ia te oe, ma atonu e faigofie atu ai ona faamagalo ma faatea le tiga.

E tusa lava pe faigata le faamagalo atu pe umi foi se taimi e alu ai, ae ia taumafai pea. Mulimuli ane, o le a e manao e ta’u atu i lau uo ua e faamagalo ia te ia ma e manao e te lua uo pea. O le taofiofia o se lagona le fiafia i le tau o se faauoga e le mafai ona oo atu ai i se filemu lea e oo mai i le faamagaloga moni.

Ia manatua tatou te faalagolago uma i le Togiola a le Faaola e faamagalo ai a tatou agasala. Tatalo ina ia mafai ona e faamagalo atu, ma ia e faatuatua o le a fesoasoani le Alii ia te oe. O loo ia te Ia le mana e faamalolo ai le tiga o lou loto.

Tuu Atu i le Alii e Faamasino

Tuu atu i le Alii e faamasino i amioga leaga na faia e isi. Ia manatua ua fetalai mai le Alii: “O A’u o le Alii, ou te faamagalo i lē o le a Ou faamagaloina, ae o outou ua poloaiina ia faamagalo atu i tagata uma” (MF&F 64:10). E faigata ona faagalo lagona tiga, ae afai e te tatalo mo se fesoasoani, o le a e iloa ai o le faamagalo atu e mafai ona faamalolo ai manua tuga ae suia ai le ita i le toofilemu ma le alofa lea e na o le Atua lava e mafai ona aumaia.

Genesis H., 16 tausaga, Antofagasta, Chile

Faamagalo i Tagata Uma



O puapuaga o le Alii o Iesu Keriso na faapea ona afu toto ai pu ninii uma o Lona tino, ae sa Ia manumalo i le tiga ma maua le malosi e faamagalo atu ai a o i ai i luga o le satauro. E le faapea ona sa Ia le lagonaina le tiga ae ona mo Ia, sa na ona pau lava le mea sa taua o le finagalo o le Tama. E faapena foi ia i tatou, na pau lava le mea e tatau ona taua o le finagalo o le Atua, ma ua finagalo mai o Ia ina ia tatou faamagalo atu i tagata uma. E tusa lava pe e tuai ona malolo o tatou manuaga, e mafai ona tatou manumalo i o tatou tiga e ala i le tatalo ma le faamagalo atu moni o i latou o sese ia i tatou.

Ahou O., 17 tausaga, Ivory Coast

Alofa la i Latou



Ua ou iloaina o le auala sili e taulima ai le tiga o le alofa atu lea i le tagata na faatiga ia te oe. A uma ona faatiga mai se tagata ia te au, ou te taumafai e faamālo atu ia i latou ma faaali atu le agalelei sili atu ia i latou i le mea ou te mafaia. O le faia o lenei mea, e le nofo ai le ita i totonus ia te oe. Nai lo lena e alu ese atoa lava. O le a e maua ai se mafutaga malosi ma po o ai lava sa faatiga ia te oe.

Katie A., 18 tausaga, Iuta, ISA

Vaai Atu la i Latou e ala i Fofoga o le Alii

Na lagona e Iesu Keriso ou tiga ina ia mafai ona faamagaloina oe i au agasala ma ina ia mafai foi ona e faamagalo atu i isi. A e tatalo mo le malosi e te vaai atu ai i se isi tagata e ala i Ona fofoga, o le a e iloa ai ua sili atu

lou malamalama e uiga ia i latou. A o mavae atu vайасо, o le a e matauina o le a aluese atu ou lagona faalealofa.

Kimberly B., 18 tausaga, Nebraska, ISA

Tatalo ia [E] Lagona le Faamagalo Atu



Tatalo i lo tatou Tama Faalelagi agaalofa ina ia mafai e oe ma lau uo ona maua le lototeli e faamagalo ai le tasi ma le isi. O le faamagaloina o se tasi sa faatiga ia te oe o se amioga faaKeriso. O le faamagalo atu e fofo ai e oo lava i lagona e sili ona tiga.

Lehi E., 16 tausaga, Abu Dhabi, United Arab Emirates

Manatua le Alofa Mama

Na aoao mai Nifae, "Ua tuu mai ai e le Alii le Atua se poloaiga ia i ai i tagata uma le alofa mama, o lea alofa mama o le alofa lea" (2 Nifae 26:30). Mo a'u, o le alofa mama o le auala sili lea ona lelei e faatea ai le tiga pe afai ua faatiga mai se tasi o a'u uo ia te a'u. O le alofa mama o lona uiga o le taliaina o vaivaiga o se tasi; o le onosai i se tasi ua tuuina i tatou i lalo; ma le teteeina o le manao ia lagona le tiga pe a le taulimaina e se tagata se mea i le ala sa o tatou faamoemoe i ai. Afai tatou te maua le alofa mama i a tatou uo, o le a faamanuiaina i tatou.

Liezcel V., 21 tausaga, Negros Occidental, Filipina

Tatalo ia [e] Iloa ona Faamagalo Atu

E tatau ona e tatalo ina ia e iloa ona alofa ma faamagalo atu i isi. E ui o le faamagalo atu e mafai ona matua faigata lava i nisi o taimi, ae e finalo lava i taimi uma lo tatou Tama

Faalelagi e fesoasoani mai ia i tatou. Manatua le faataitaiga sa fai e le Faaola e ala i le faamagaloina o tagata uma. Kolose 3:13 e faapea, "Ia fefapalelei ma ia fefamagaloai outou, pe afai ua agaleagaina se tasi e se tasi: faapei ona faamagalo mai Keriso ia te outou, ia faapea foi outou." O le faamagaloina moni o se faagasologa, o nisi taimi o se faagasologa umi lava. Ae a tatou faamagalo moni atu, tatou te lagona le toomaga sili ma le olioli. Ou te iloa e faatasi ai ma taumafaiga o le a mafai ai ona e aveesea oe lava mai le tiga ae maua le fiafia moni.

Leonardo L., 20 tausaga, Buenos Aires, Atenitina

Faatuatua i le Togiola

E tumu lo'u loto i le olioli pe a ou manatua o le mana faaola a Iesu Keriso e mafai ona aveesea ai o tatou tiga. Ua tofu i tatou ma aafiaga tiga mai lea taimi i lea taimi, ae o le taofi mau i le afioga a le Tama Faalelagi, e mafai ai ona tatou maua le malosi tatou te manaomia e tumau ai. E ui lava ina sa tutui o Ia e fitafita i le satauro, ae sa ole atu Iesu Keriso i le

FESILI O LE A SOSOO MAI

"E matuai mamao lava le malumalu ma e seasea ou alu i ai. E mafai faapefea ona avea le malumalu ma se vaega tele o lo'u olaga i le taimi nei?"

Tama e faamagalo i latou. Sa tumu Ona totoga i le alofa ma le alofa mutimutivale i tagata uma. Ua ou iloa afai tatou te o mai ia te Ia ma ole atu mo Lana fesoasoani, o le a siomia i tatou i Lona alofa e le iu.

Virginia M., 20 tausaga, Peru



MULIMULI I LE FAATAITAIGA A LE FAAOLA

"I itula na sili ona tiga o le Faasatauroga sa mafai e le Faaola ona faapea atu, 'Lo'u Tama e, ia e faamagaloina atu ia te i latou; aua ua latou le iloa le mea ua latou faia' (Luka 23:34). O se mea faigata lena ona talosagaina a o tatou mafatia pe sa faatiga mai foi [se tasi ia i tatou], pe vaivai po o le attuvale pe o le mafatia e aunoa ma se sala. Petai o le taimi lena atonu e auptio sili ai ona taulia amioga faaKerisiano."

Elder Jeffrey R. Holland o le Korama a Apostolo e Toasefululu, "Lesona mai le Falepuipui o Liperate," Ensign, Sete. 2009, 32.

I-meli mai lau tali a o le'i oo i le aso 15 o Mati i le liahona@ldschurch.org pe lafo mai i le:

*Liahona, Questions & Answers 3/2013
50 E. North Temple St., Rm. 2420
Salt Lake City, UT 84150-0024, USA*

E ono faapupuuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.

MOLI... MEAPUEATA...

Atonu ua e faalogo i le faaupuga “O le lalolagi atoa o se tulaga [o faafiafiaga]” mai i le tala faatino laulioa a Viliamu Siekisipia *As You Like It*. O le manatu sa faaali mai e tagata a Siekisipia o le, o i tatou uma o tagata faafiafa o loo faatinoina o tatou matafaioi i le tala faatino iloga o le olaga. O la’u fesili ia te oe i le taimi nei o le, “O le a lou matafaioi i le olaga?” ia pe sili atu foi, “O le a se mea e te manao ia e avea ai lou matafaioi o le olaga?”

Na saunoa Peresitene Tavita O. MaKei (1873–1970), “O mafaufauga o fatu ia o amioga, ma e muamua mai [i amioga].”¹ Ae o le a le mea e avea ai ou mafaufau ma tusiga i lou faiai? Atonu ua e iloa o o tatou faiai e pei o se komepiuta: e na o mea lava sa e

O oe e te filifilia le faiga
e tusi ai le tusiga mo lou
olaga.

teuina i totonu e mafai ona e aumaia i fafo. Afai sa e tuuina ai i totonu na o otaota lava, ia na pau lava lena o mea o le a e maua mai ai. E tatau ona e iloaina o mea uma e te matamata, fai-tau, pe faalogologo i ai, o le a fesoasoani e tusi ai lena tusiga i lou olaga.

Ata ma Mafaufauga Malolosi

Talu ai o se vaega tele o la’u matata faapolofesa sa i ai i faasalalauga, ua tele ai ou aafiaga i le vaaia o auala e mafai ai e ala o faasalalauga ona fatuina ni ata ma ni mafaufauga malolosi i mafaufau o tagata. O le faia o se faasalalauga faapisinisi maoae i le televisie e mafai ona pei moni lava o se ata tifaga i Hollywood, vagana ai le “faamaumauina” po o le pueina o le ata e masani lava ona faia i ni nai aso nai lo o ni masina.

Ina ua uma le faaaluina o se taimi umi e suesueina ai ma fuafuaina ai se faatosinaga i ala o faasalalauga, ou te ono faafaigalueina mo sina taimi ni tagata pueata mai Hollywood, tagata e laeiina ma faalauiloa atu ia lavalava mai Italia, ma le au fai musika mai le Aai o Niu Ioka. Ona amatalia loa lea o le galuega. O le mulimuli ai i se faatulagaga faanatinati o le gaosiga [o le atal], o le a matou faalauiloa le faasalalauga faatosina i ituaiga uma lava o ala o faasalalauga. Sa matuai mataina, matagofie, ma o se galuega manaia.

O lenei aafiaga, e mafai ona ou fai atu ia te oe i se mea moni lava

FAATINO!

Saunia e
Adrián Ochoa
Fesoasoani Lua i le
Au Peresitene Aoao
o Alii Talavou



o faasilasilaga o loo e vaia i luga o le initonet, i luga o le tevise, po o totonu o mekasini, e le o ni mea moni. O ata o loo e vaia ua na o ni fatuga faatusiata, na faia lava ma le faamoe-moe e faatosina ai tagata ia faatau le oloa o loo faasalalauina. O le mea lena ou te le'i ioe ai lava e fai ni faasalalauga faatosina mo oloa ou te le'i talitonu i ai. O le tele lava o tagata ua malamalama i nei faamatalaga e uiga i faasalalauga faapisinisi, ae e faapena foi le matapu lautele e uiga i tifaga, siou a le TV, anotusi i le uepi ma telefoni feaveai, ma taaloga faaeletonika: na fausiaina uma ma savali fuafuaina ma faamoemoega i tua atu o ia mea.

Puipuiga Mamana

Ona e faaaoga e Satani ia ala o faasalalauga e taumafai ai e faasese i tatou i le solia o poloaiga a le Atua, o lea e tatau ai ona e mulimuli ma le naunautai e le maluelue i le fautuaga o loo tuuina mai i le *Mo le Malosi o le Autalavou*: "Ia filifili ma le atamai pe a faaaogaina ala o faasalalauga, aua soo se mea lava e te faituina, faalogo i ai, pe vaai i ai e i ai sona aafiaga mo oe. Ia filifili na o ala o faasalalauga e siitia ai oe."²

Ia manatua o le mea moni ua e i ai iinei i lenei olaga e atiina ae lou faatuata, ina ia tofotofoina, ma ia fafia. I le avea ai ma se tasi o le Ekalesia moni a Keriso, ua ia te oe se mana malosi e fesoasoani ia te oe. Ua ia te oe le mana o le Agaga Paia e lapatai ia te oe pe a


faaali mai i ou luma se mea e le sa'o. Ua ia te oe foi le mana o le faitalia, ina ia mafai ona e filifilia le mea o le a e faia ma le mea o le a e le faia.

Afai e te le'i poto i nisi o taimi ma filifili ai i nisi taimi e matamata pe faalogologo i anotusi sese, ia e filifili nei e fai se suiga. Afai ua faaitiitia e na filifili a le Agaga, ia e alu ifo i ou tulivae ma ole atu i le Tama Faalelagi mo le malosi ma le faamagaloga. Ma afai o loo i ai lava se faafitauli, ia fesili atu mo se fesoasoani mai ou matua po o le epikopo. E te ono lagona le ma po o le fefe foi e talanoa atu ia i latou, ae o le uiga o lena mea, e tatau ona e fai sootu ia i latou. Faatasi ai ma le lototele ma le faamaualalo e mafai ona e manumalo ai i ou luitau, ma a e manumalo ai, o le a e lagonaina le matagofie o le filemu ma le olioli o le faamagaloga.

Ua le na o oe o se tagata e faatinia ata tifaga i luga o se tulaga; o oe o se atalii/afafine o le Atua i se lalolagi faataitai ua tumu i ala o faasalalauga lelei ma leaga. Afai e te fafagaina lou agaga i anotusi sa'o, o lau matafaioi i le olaga o le a fafia, ma o le a e faapei o se malamalama e susulu atu e fesoasoani ma taiala ai isi. E i ai lava i taimi uma le pouliuli e siomia ai i tatou, ae o loo i ai foi i taimi uma se ala e faavavau ma malamalama e taitai atu ai i tatou i le punavai o le amiolelei ma le malamalama. ■

FAAMATALAGA

1. David O. McKay, *Stepping Stones to an Abundant Life*, tuufaatasia e Llewelyn R. McKay (1971), 206.
2. *Mo Le Malosi o le Autalavou* (2011), 11.



PE O AOGA AI EA O TATOU TAIMI?

"Mafaufau i le ala tatou te faaaogaina ai o tatou taimi i filifiliga tatou te faia i le matamataina o le televise, taa-aloi i taaloga vitio, faasee i le Iintoneti, po o le faitauina o tusi po o mekasini. . . . E moni e lelei le matamata i faafiafiaga e lelei po o le mauaina o faamatalaga e fafia i ai. Ae e le o mea uma o lena ituaiga e aoga i le vaega o lo tatou olaga tatou te faaaluiina ina ia maua ai. O nisi mea e lelei tele, ae o isi e silisili ona lelei."

Elder Dallin H. Oaks o le Korama a Aposetolo e Toasefululua, "Lelei, Lelei Tele, Lelei Silisili," *Liahona*, Nov. 2007, 105.

AVEA

TAALOGA VITIO MA VAISU

Taofia le igoa

na ua 13 o'u tausaga, sa aumai ai e lo'u tina ia te a'u se taaloga vitio mo lo'u aso fanau. O taaloga vitio sa fai lava si fou ia te a'u, ma o le taaloga vitio lenei sa i ai ni ata mananaia ma sa matuai malie lava. Sa malolo aoga, ma o lea sa tonu ai o le a ou vave faumaina le taaloga i le vave e mafai ai ina ia lava ai se taimi matou te taaalo ai ma a'u uo i fafo.

I se tasi aoauli o le Aso Lua sa amata ai ona ou taalo i la'u taaloga vitio fou. Na ou faatoa iloa ane, ua te'a le vaeluaga o le po, ma e le'i faia sa'u tatalo o le afiafi. Ae sa faaauau lava ona ou taalo.

Na atili faaletonu ia mea. Ina ua ou ala ae i le aso na sosoo ai, o le mea muamua lava sa ou faia o le ki o le taaloga ma amata ona ou toe taalo ai. Sa ou tau le malolo e ai pe moe, ma

na pau lava le mea sa ou mafaufau i ai o le pe faapefeca ona ou oo i le isi vaega o la'u taaloga.

I le afiafi o le Aso Toonai sa lapa-taia ai a'u e lo'u tina afai ou te le vave moe, o le a faigata ona ou nofo i luga i le taeao e sosoo ai ou te alu i le lotu. Ae sa faaauau lava ona ou taalo ma ou te le'i moe seia oo i le 3:00 i le vaveao. Ina ua ou taunuutu atu i le lotu, sa ou lagonaina le matuai vaivai lava ma sa faigata ona taulai atu lo'u mafaufau i le [sauniga]. Sa le mafai ona ou tufaina le faamanatuga, o lea sa ou toe foi ai i le fale ou te moe, sa matuai ou vaivai lava.

Sa ou moe i le Aso Sa atoa ma ana le oo lava i le taeao o le Aso Gafua ou te le ala i luga, sa na ona ou ala ae ina ia ou toe taalo foi. O lena vaiaso sa ou iloaina na tatau ona ou maua se moe lelei i le po ma taumafai ia ou vave moe, ae na oo lava foi i lena taimi sa faaauau pea ona ou faamaumauina lo'u taimi i taaloga vitio. Sa amata ona ou faaaluina se taimi tele e taalo ai i taaloga vitio nai lo le faitauina o tusitusiga paia. O le mea moni, sa oo lava ina ou le toe faitau mo le tele o aso. Ina ua toe a'e le aoga, sa faasa a'u e lo'u tina ona ou taalo i aso o le vaiaso, o lea sa ou faaaogaina ai le avanoa i faaiuga o le vaiaso e taalo ai, e aofia ai ma Aso Sa.

O lo'u le toe auai i sauniga o le Aso Sa, sa taofia ai lo'u faia o mea sa

sili atu ona taua mo se mea sa leai se taua e pei o se taaloga vitio. Sa ou le mulimuli i le fautuaga a lo'u tamamataua, o le sa fai mai i se tasi aso, "Ia au lava nei e lafoaia mea e sili atu ona taua mo se mea e masani ona tupu." O lenei fautuaga sa ta mau ia te a'u i taimi uma.

Sa ou iloaina sa ou manaomia ona faapalenlo'u olaga. O le mea e tasi sa fesoasoani ia te a'u o la'u vasega seminare. I la'u aoga tulagalua, o le seminare sa faia o se vaega o mataupu aoaoina i aso uma, ma sa fesoasoani tele ia te a'u. Sa ou maua ai le avanoa e aoao ai e faatulaga tatau mea e tatau ona ave i ai la'u faamuamua ma faamuamua le Alii i lo isi mea uma. Afai tatou te faalagolago ia te Ia ma afai tatou te ole atu ia te Ia mai le taele o o tatou loto e fesoasoani ia i tatou i nisi o tulaga o o tatou olaga, o le a faafogaga mai le Alii ia i tatou. Afai tatou te manao moni lava e sui, e mafai ona tatou faia.

O le mea e laki ai, ou te le'i oo i se faafitauli ogaoga ina ia ou lafoaia ai ia taaloga. O le faatulagaina sa'o o mea e ave i ai la'u faamuamua ma le faatapulaaina o le taimi ou te faaluina i taaloga sa lava lava lena. Ae peitai, sa le'i tupu lena mea seia oo ina ou ole atu i le Alii i le tatalo mo se fesoasoani, ma sa fesoasoani mai o Ia ia te a'u. ■



TAULAI Atu i TULAGA FAATAUAINA

O le atinaeina o tulaga faatauaina e faavavau o le a fesoasoani ia i tatou e avea atoa ai ma tagata e finagalo lo tatou Tama Faalelagi e avea ai i tatou.



Saunia e Elder
Russell M. Nelson

O Le Korama a Apostolo
e Toasefululuā

O u te fia talanoa e uiga i nisi o tulaga faatauaina e tatau ona outou taulai i ai i o outou olaga i aso taitasi. O le a iloa e tamaitai ia nei tulaga faatauaina. Ma o outou alii talavou, e le faapena ua mo na o tamaitai talavou. O nei tulaga faatauaina e tutusa lava le aoga mo lo outou faalogo mai i ai e pei foi ona aoga mo tamaitai talavou.

Faatuatua

O le tulaga faatauaina muamua a Tamaitai Talavou o le faatuatua. O le mea moni, o le faatuatua o le uluai mataupu faavae lea o le talalelei. Ia taulai atu o outou faatuatua i lo tatou Tama Faalelagi agalelei ma Lona Alo Pele, o le Alii o Iesu Keriso. E tatau foi ona faaauau pea ona faamalolosia o outou faatuatua i le ata o le faaolataga a le Atua.

E taua le atiina ae o le faatuatua e tausia ai poloaiga uma a le Atua, ma le iloina ua tuuina mai e faamanuia ai oe ma aumai ai ia te oe le fiafia. O le a e feiloai i tagata e ilo po o le fea poloaiga latou te tausia ae o le fea poloaiga e le amanaiaina. O lenei faiga o le ilo ma filifili o le a le manuia. O le a oo atu ai i le faanoanoa. Ina ia saunia e feiloi ma le Atua, e tatau ona outou tausia uma ia Ana poloaiga. E manaomia ai le faatuatua e usitaia ai, ma o le tausia o Ana poloaiga o le a faamalosia ai lena faatuatua.

Amio Atua

O le tulaga faatauaina lona lua a Tamaitai Talavou o le amio atua. O le auala faatagata matua lena o le faapea mai, "O a'u o se atalii/afafine o le Atua." Ua i totonu o outou le faaleatua. Na foafaina outou e lo tatou Tama Faalelagi.

Pe sa e mafaufau ea e faafetai mo lou fatu? Tagai i le galuega o loo ia faia. Na te pamuina ia lava le vai i aso uma e faatumu ai se tane o le taavale auala nofoaafi, e tusa ma le 2,000 kalone (7,570 lita). O totonu o le fatu e i ai ni seti afuala se fa e matale ma mapuni faa 100,000 i le aso, e sili atu ma le faa 36 miliona i se tausaga, ma e le malepe lava. E leai se mea e fai e le tagata—pepa, palasitika, metala, po o se uamea—e mafai ona matale ma mapuni i ni taimi se tele faapena, i lena televave, e aunoa ma le malepe. O totoga uma i totonu o le tino ua mamanuina lelei ma e matuai ofoofogia lava i lona aoga.

Tou te iloa a e taumafai e aau i lalo o le vai e aunoa ma le manava, e le umi lava se taimi e mafai ona e faia ai. O le a le mea e tosoina ae oe i luga ina ia e manava? O le karaponi taiokesaita [carbon dioxide] e fuaina e ni mita laiti e lua e i le ua, ma la te auina atu le feau i luga i lou mafaufau e tai pei o fai atu, “Ua maualuga naua lou karaponi taiokesaita. Ia aveese loa lava.” Ona e aau ae lea i luga ma e manava loa i fofo, e aveese uma ai le karaponi taiokesaita.

Okā ni gafatia tulaga ese o loo i ai i lou tino! Ia

tausi faalelei lou tino. Aua nei faia se mea e faaleagaina ai le matagofie faalenatura o lenei foafoaga ofoofoga, ua tuuina mai e le Atua.

Taua o le Tagata Lava Ia

O le isi tulaga faatauaina a Tamaitai Tala-vou e sosoo ai o le taua o le tagata lava ia. O se soo faamaoni o Iesu Keriso o le a avea ma se atalii po o se afafine tuuto o le Atua—e sili atu le popole i le amiontonu nai lo le manatu faapito, e sili atu le naunau e faatino le agalelei nai lo le faatinoina o le fiapule, e sili atu le tautino ia amio sa'o nai lo le lauiloa.

Ua e iloa lou taua e le gata mai. Ioe, o tamaitai talavou taitoatasi i le Eklesia e tau-tino atu o le taua o le tagata lava ia o se tasi lea o ona tulaga faatauaina e sili ona faape-lepele i ai. Na te folafola atu, “Ua i ai so'u taua e faavavau ma sa'u misiona paia o le a ou taumafai e faataunu” (*Alualu i Luma o le Tagata Lava Ia* [tamaitusi, 2009], 29).





E faapena foi le faatatauga i alii talavou. O atalii ma afafine taitoatasi o le Atua e le gata mai lona ttau ona o lana misiona paia.

O le taua o le tagata lava ia e aofia ai foi le atinaega o lou faatuatua i le avea ai o se tagata lava ia. E leai se isi tagata e mafai ona atinaeina lou faatuatua mo oe. E mafai ona e moomoo e te maua le faatuatua o Peresitene Thomas S. Monson po o se isi tagata autu, ae e ao lava ona e atinaeina e oe lava. A e faia se measese, i le avea ai ma se tagata lava ia e te salamo i nei faafitalui ua tuanai. Ina ua papatisoina oe ma maua le meaalofa o le Agaga Paia, sa faia e oe lava e toatasi. O lea la, i le avea ai o se tagata lava ia, e te osi feagaiga. O nei sauniga o le faaoalataga o se tulaga e fai e le tagata lava ia.

O sauniga ma faamanuia ga silisili o le avea ma se tagata o le Ekalesia e sau i le malumalu. O iina tatou te maua ai sauniga o le faaeaga ma le faamauga i matua, taitoalua, ma tuaa. O sauniga uma o le faaeaga o se tulaga faaleaiga. Ua e iloa le eseeseaga lena? O sauniga o le *faaoalataga* e fai e le tagata lava ia; o sauniga o le *faaeaga* e sili atu i le toatasi le tagata e aafia ai.

Poto

O le isi tulaga faatauaina a Tamaitai Talavou e sosoo ai o le poto. I le Ekalesia, o le mauaina o se aoaoga ma le mauaina o le poto o ni tiutetauave faalelotu. Tatou te aoaoina o tatou mafaufau ina ia i ai se aso e mafai ai ona tatou tuuina atu auaunaga ttau i se isi tagata. O le aoaoina o le eseeseaga lea i le va o le moomoo maimau pe ana mafai ona e faia ni mea lelei ma le mafai ona e faia ni mea lelei.

E masani ona fesili mai tagata ia te a'u pe faapei le avea ma se fomai. Latou te fesili mai, "O le a le umi na e aoga ai?" Ia, sa o se taimi umi lava. Mai le taimi sa maua ai lo'u faailoga faafomai seia oo i le taimi na auina atu ai la'u pili muamua mo le auaunaga faapolofesa sa ou faia e 12½ tausaga. Sa o se taimi umi lava,

ae e fia ou tausaga i le isi 12½ tausaga mulimuli ane pe ana ou le faia lena mea? E tutusa lelei lava. O lea la e sili ai lou taumafai ia avea ma se tagata e mafai ona avea ai oe.

O la'u aoga faafomai na mafai ai ona ou faatinoina se taotoga o le fatu o Peresitene Spencer W. Kimball (1895–1985) i le 1972. O lea la aua nei e manatu faatauvaa i le poto. O le mea moni lava o le mamalu o le Atua o le atamai lea (tagai i le MF&F 93:36).

O Filifiliga ma le Tali Atu mo A'u Lava

O le isi tulaga faatauaina a Tamaitai Talavou e sosoo ai o filifiliga ma le tali atu mo a'u lava. O le isi lea faaupuina o le "faitalia e fai ai amioga lelei." O le faitalia e fai ai amioga lelei o se vaega o le olaga aua e finagalo le Tama Faalelagi mo i tatou uma taitoatasi e galulue mo i tatou lava ma ia avea ma ituaiga tagata tatou te mananao e avea ai i tatou.

O filifiliga ma le tali atu mo a'u lava e ta'u atu ai ia te oe o filifiliga uma lava e te faia, o oe lava e tali atu mo taunuuga o lena filifiliga. O lea la e tatau ai ona tatou faia filifiliga faatuatuaaina. Atonu e le afaina tele pe e te faia se fusiu lanumoana pe o se fusiu lanumumu po o se ofu lanu viole po o se ofu lanumeamata, ae o le mea e ttau pe o lau filifiliga e te atili latalata atu ai pe e te taumamao ai mai le Alii ma Lona ituaiga soifuaga. Ma aisea matou te fautua atu ai ma augani atu ai ina ia e mulimuli i le ala a le Alii? Aua o le ala lena i le fiafia.

Galuega Lelei

O le isi e sosoo ai o tulaga faatauaina a Tamaitai Talavou o galuega lelei. O lenei tulaga faatauaina ua mamanuina i le soifuaga o Iesu Keriso, o le e alofa i tagata. Ina ia faaalia Lona alofa mo tagata, sa Ia auauna atu ia i latou. A tatou alolofa i se tagata, tatou te faaalia lea i le faia o se mea lelei. O lea la, ia aoao e auauna atu: saili ni auaunaga e manaomia ona faia ma faatino loa. Ia faatei tagata i se galuega lelei latou te le'i fuafuaina.

Tatou te maua lena avanoa i le aiga, i le aoga, ma i le lotu.

Ou te manatua le taimi muamua sa ou alu ai i Aferika o se Pulega Aoao. O la'u soa sa ma malaga o Elder Russell C. Taylor. O taeao taitasi pe a ou ala ae, ou te tau atu ai ua uma ona ia faaiilaina o'u seevae. Na te le'i tau faaiilaina o'u seevae, ae o le auala lena sa ia fai mai ai, "ou te alofa ia te oe."

Amio Sa'o

O le isi tulaga faatauaina a Tamaitai Tala-vou o le amio sa'o. O le upu *amio sao* e sau mai le upu *integer*, o lona uiga "atoa" po o le "maoopopo." I tulaga faafomai tatou te talanoa e uiga i le faatulagaga o le amio sa'o o le fatu. O lea la, a faapea e faaletonu se mea—mo se faataitaiga, o se manua i le fatu—matou te faapea ua leai lona amio sa'o; ua le toe mafai ona ia faia le mea sa tatau ona ia faia. A faatatau i le tagata soifua, o le amio sa'o o lona uiga o oe e faalagolagomia—e mafai ona faamoemoe atu ia te oe.

I tusitusiga paia tatou te faitau ai e faapea sa alofagia e le Alii le uso o le Perofeta o Iosefa Samita o Ailama ona o le "faamaoni o lona loto" (MF&F 124:15). Sa le'i fetalai mai le Alii e uiga i le fausaga o lona fatu; sa fetalai mai o Ia e uiga i le agaga amio sa'o o Ailama.

Mama

O le tulaga faatauaina aupito fou a Tamaitai Talavou o le mama. O le *mama* o se upu matagofie. O le a le uiga ia te oe? O le *mama* o le "mama a'ia'i". Ae e i ai foi le isi uiga. Tou te manatua i le Feagaiga Fou, ina ua pai atu le fafine sa i ai le faafitauli o le punatoto i le tuupao o le ofu o le Faaola? Sa fetalai le Faaola, "Na pai mai lava se tasi ia te au: aua ua ou iloa ua alu atu le mana nai ia te a'u" (Luka 8:46). I lena tulaga o le, *mama* e ese mai lona uiga. I le gagana Eleni o le upu *dynamis*, o le faapogai lea tatou te maua mai ai upu o le *dynamo* ma le *dynamite*.

O lona uiga o le "mana." Matou te mananao i ituaiga uma ia o le mama mo outou alii ma tamaitai talavou faapelepele.

Ia Avea Outou ma Tagata E Mafai Ona Avea Ai Outou

O le poto e aumai ai le mana; o le mama e aumai ai le mana; o le alofa e aumai ai le mana. Matou te mananao ia outou maua le mana e avea ai outou ma ituaiga tagata ua finagalo le Alii e avea ai outou. O loo outou tuputupu ae, o loo outou suia, ma o loo pule outou i le ituaiga tagata tou te iu i ai.

Ou te le manatu e i ai se eseesega pe o oe o se faatau meafale, se fomai tipitipi, se loia, po o se tusiata mamanu o fare. Soo se galuega aoga, po o le a lava e fetau ma oe, e manaia lena. Ae o le mea moni e sili ona taua o le ituaiga tagata ua avea ai oe.

Fesili ifo ia te oe lava i fesili nei: O ia te a'u ea le amio sa'o? O o'u mama ea? O ia te a'u ea le alofa? O ia te a'u le agalelei? O nei uiga uma e le mafuatiaina. Ma a o e mafaufau ma ola i nei uiga tulaga faatauaina a Tamaitai Talavou, o le a fesoasoani ia te oe ia e avea ai ma tagata e mafai ona avea ai oe. ■

Mai se lauga na tuuina atu i le autalavou i Nairobi, Kenya, ia Novema 2011.



SA FAAPENA FOI LE PISI O LO'U FAIAOGA SEMINARE

Filipaina, e i ai aoga maualu-luga faasaienisi e malosi lo latou taulai atu i tulaga faakate-mia. O tamaiti i nei aoga e tele atu mataupu latou te aveina, tele atu le taimi latou te faaaluina i totonu o vasega, ma e tele atu a latou meaaoga. O le ituaiga o siosiomaga lea sa ou i ai ao avea au ma tamaitai talavou.

Sa ou lafoaia le tele o gaoi-oiga ina ua ou ulufale atu i le aoga maualuga ona sa ou iloaina o le a ou faaaluina le tele o le taimi e suesue ai. Sa toetoe lava ina a ou le alu i gaoioiga a le Ekalesia ma sa fai ma misi a'u lotu i Aso Sa ona o meafai a le aoga. Sa ou tauivi foi ma le auai atu i le seminare.

I se tasi Aso Toonai sa tau mai ai e lo matou faiaoga seminare ia

lona pisi i aso o aoga. E ui lava i ana fuafuaga faatulagaina, sa mafai lava ona ia faia meaaoga o le seminare ma a'o ana mau tau-lo-to i le potutusi. Sa ou filifili loa e fai lana lui ma a'u foi lui. Sa ou feaveaiina au kata o mau tau-lo-to i taimi uma ma faamanatu pea i taimi ou te avanoa ai. Sa ou tatalo mo le fesoasoani ia faapalenai suesuega mo le seminare ma le tele o mea e fai i le aoga. Sa ou tau-lo-toina mau ao o ou alu atu i le aoga. Sa ou ave ifo i fafo au kata a o matou talanoa ma a'u uo. I taimi o malologa pupuu ma malologa umi, sa fiafia au uo e fai au suega pupuu i kata o mau tau-lo-to. Ona amata foi lea ona aumai e nisi o i latou a latou tusitusiga paia ma talanoa e uiga i gaoioiga i a latou lotu. Sa ou lagonaina le suia o le siosiomaga na siomia ai a'u, ma sa avea le aoga ma se mea na māmā teisi ma lelei atu.

Sa mulimuli o'u uso laiti i la'u faataitaiga, ma o lenei ua selesele



e lo'u aiga ia faamanuiaga o tusitusiga paia i totonu o le matou aiga. O le aoaoina o fuaitau o au mau tau-lo-to sa o se gaoioiga faigofie lava, ae o le mea na sili atu le taua nai lo le tau-lo-toina o upu, sa ou aoaoina ai le eseesege e mafai ona fai e tusitusiga paia ia te a'u ma tagata e siomia au. Ua ou iloa po o a lava luitau po o tofotofoga tatou te feagai, o le a tatou maua i taimi uma le malosi ma le taitaiga i afioga a lo tatou Faaola agaalofa. ■

Maria Andaca, Metro Manila,
Filipaina


O LE GAGANA E SILI ONA LELEI

Talu ai tatou te faaaogaina le gutu lava lea e tasi tatou te tautatala ai, e tatalo ai, e faasoa atu ai a tatou molimau, ma faamanua ai le faamanu-ga paia, o lea e ao ai ona tatou faaeteete ai ia tausisia le mama ma le le pon o a tatou upu. O le ala tatou te tautatala ai e tau atu ai ni mea se tele e uiga i le ituaiga tagata e i ai i tatou ma le ituaiga olaga o tatou ola ai. Fai mai le Apostolo o Paulo, "Aua nei alu atu se upu leaga ai o outou gutu, nao le upu lelei e ati ae ai i mea e aoga, e tupu ai le lelei i e faalogologo i ai" (Efeso 4:29). E le fiafia lo tatou Tama Faalelagi pe a tatou ta'u fua Lona suafa.

O le faafeagai o upu masoa o le tatalo. Pe a tatou tatalo, tatou te faaaoga le gagana e sili ona lelei tatou te mafaia. A o tatou talanoa atu i lo tatou Tama oi le Lagi, o le e alofa ia i tatou, e taua ia i tatou ona tatou faia o lea i le mama a'ia'i ma le faamaulalo.

O lenei faiga, o le a taialaina ai i tatou ma mafai ona tatou iloa faamanu-iaga e le mavae o le talalelei i o tatou olaga.

Jared Rodriguez, Maryland, ISA



FAIA O SE UO FOU

Sa matou saofafai i se laulau e aai faatasi ma a'u uo ae ou matauina ai ua i ai se tamaititi fou e igoa ia Mikaele i le matou piliota o le malologa o le aoauli. Sa foliga mai na te le'i iloaina lelei se isi ae sa naunau e faia ni uo fou. Sa ia filifili e saofafai faatasi ma se vaega o tama e matutua atu, o e sa faafoliga e pei o ni ana uo mo sina taimi ae sa iu ane ina latou faia o ia ma mea ula. Sa faauau lava ona latou taufaalili ia te ia seja oo lava ina amata ona tagi o ia. Sa ou vaai atu o tupu lenei mea, ma sa matuai faalavelave mai lava ia

te a'u. Sa ou iloaina mulimuli ane o Mikaele e maua i le mai e tau faaletonu ai lona mafaufau.

Sa tonu loa o le a ou fesili atu ia Mikaele pe fia nofo faatasi ma i matou ma a'u uo. Sa fai mai o ia e leai, atonu ona o lona fefe ina nei toe ula atu tagata ia te ia. Sa tonu ia te ia e sili ai lona nofo na o ia.

O le isi aso na sosoo ai, sa ou alu atu ai ia te ia ma faailoa atu o ia i a'u uo. Sa mafai ona ou iloaina sa fafia o ia i lo'u le tuulafoaia o ia, ma sa amata ona matou talanoa. Sa ou iloaina o ia o se tagata e lelei tele i le taaloga o le ekisi[x]-ma le-lio[o]. E toetoe lava a le mafai ona faatoilaloia o ia. Sa ou iloaina foi e tulagaese lona atamai. Na te


iloaina uma lava peresitene o

le I.S. ma e mafai ona ia tauina atu tausaga sa avea ai i latou ma peresitene. E maoae tele o ia, ae sa le toatele ni tagata sa mananao e vaai i tua at o lona le atoatoa. O nisi o isi tamaiti aoga sa ula mai ia te au ona o le ma saofafai faatasi ma ia, ae ou te lei faatagaina na mea e faalavelave ia te a'u. Sa ou fafia ma te tafafao ma Mikaele.

O aso taitasi a o ma fetau mo le malologa, sa ou iloaina sa faasolo ina avea Mikaele ma se tagata fafia lava. E tulimatai o ia i malologa i aso uma, ma sa faapena foi a'u. O le mea sa ou faapea sa na o se faatinoga o le auauna atu o le mea moni o le amataga lea o se faauoga matagofie. ■

Saunia e Laura Potts, Illinois, ISA





Taliina o
Fesili e uiga

I LE ATA O LE
FAAOLATAGA

Saunia e
Michael R. Morris
Mekasini a le Ekalesia

Ole a se talitonuga o tagata Mamona e uiga i le faaipoipoga?" o le fesili mai lea ia te au o lau faiaoga Sipaniolo o le aoga maualuga.

Sa faliu uma mai tagata o lau vasega mai o latou nofoa, ma faalologo mo sau tali. Sa ou popole ma mafaufau pe na faapefea ona suia le talanoaga a le matou vasega mai ia Don Quixote ma Dulcinea i tafaoga faamasani ma le faaipoipoga.

E leai se isi tagata o le Eklesia i le vasega. O le a sau upu e tatau ona fai atu? O le a se tele o se faamatalaga e tatau ona ou tuuina atu? Faamata e ulagia au e tagata uma pe a ou talanoa atu e uiga i le faaipoipoga e faavavau?

"Matou te, a . . . , " sa ou memumematu, ma sa le mautonu lava se upu e fai atu.

I lena lava taimi, na laveai ai au e lau uo o Denise. "E ese le matagofie o manatu o tagata Mamona e uiga i le faaipoipoga," na ia fai mai ai. "Latou te talitonu o faaipoipoga e faataunuina i totonu o o latou malumalu e mafai ona tumau e faavavau."

"Oka se manaia," o le tali lea a le matou faiaoga. Na oo lava i tamaiti o le vasega na foliga fiafia mai.

Sa faaaauuina le vasega ae tuua au ou te mafaufau i ai pe aisea lava na ou afuafu tetele ai i se fesili na matuai faigofie lava ona taliina e sau uo le lotu.

Ao amata ona toatele tagata ua faalogo i le Eklesia, ua tele atu foi ia avanoa mo le Au

Paia o Aso e Gata Ai e tali ai ni fesili e uiga i le talalelei. I le aoga maualuga, sa ou iloa ai e le manaomia lo tatou tuuina atu o ni tali uumi, ma e le tatau ona tatou fefefe. E tautala lava ia aoaoga faavae matagofie ma le faigofie mo i latou lava.

O le isi taimi e fesili atu ai au uo e uiga i mea tatou te iloa e pei "o le ata o le faaolataga," mafaufau e faaaoga ia tali pupuu nei. Latou te aumaia ni faamatalaga auiliili e fia iloa e le toatele o tagata, ma e te le tau lagoinaina ai le manaomia o lou tusiina o se ata atoa o le ata o le faaolataga i se siata.

O Fea Na
Tatou O Mai Ai?

O i tatou o ni tagata faavavau. Ae tatou te lei fananau mai, sa tatou nonofo faatasi ma le Atua, le Tama o o tatou agaga. O tagata uma lava o loo i ai i le lalolagi o ni uso ma ni tuafafine ma ni tuagane moni lava mai le Tama o i le Lagi e tasi. I le muai olaga ae tatou te lei o mai i le lalolagi, sa tofu i tatou o ni tagata taitoatasai ma se natura ma se taunuuga paia. Sa tuuina mai e le Atua ia i tatou uma le meaalofa o le faitalia, po o le aia tatau e filifili ai mo i tatou lava, i le muai olaga faapea foi ma iinei i le lalolagi. Ona o Ia o le Tama o o tatou agaga, tatou te valaauiina o Ia o lo tatou Tama Faalelagi.

Aisea Ua Tatou
I Ai linei?

O le olaga faalelagoliagi o se vaega o le fuafuaga a le Atua mo lo tatou fiafia e faavavau. E aofia ai i lena fuafuaga se tino faaletino ma le aoao e filifili i le va o le lelei ma le leaga. Sa saunoa mai lo tatou perfeta soifua o, Peresitene Thomas S. Monson, faapea: "E tatau ona tatou maua le lotofaafetai ona ua foafoaina e le Mataisau poto se lalolagi ma tuu i ai i tatou iinei ma se ufmata o le lotogalo i lo tatou olaga sa i ai muamua, ina ia tatou oo i se taimi o tofotofoga, o se avanoa e faamaonia atu ai i tatou lava, ina ia mafai ona tatou agavaa mo mea uma ua saunia e le Atua mo i tatou ia maua" ("O Le Tausinioga o le Olaga," *Liahona*, Me 2012, 91).

O Fea Tatou
Te O I Ai Pe A
mavae vLenei
Olaga?

E faaaauau pea o tatou olaga pe a tatou feoti, ae peitai o o tatou olaga i le lumanai e fuafua i le ala o atou ola ai i le taimi nei. Afai o tatou ola ai i le talalelei, o le alofa tunoa o le Alii o Iesu Keriso ua mafai ai ona tatou salamo, faamagaloina, ma mama i luma o le Atua.

I le Tusi a Mamona ua tatou iloa ai, "o agaga o tagata uma, o le taimi lava tatou te o ese atu ai mai lenei tino faaletino, . . . pe sa latou lelei pe sa leaga, e ave atu i fanua i lena Atua na tuuina ia te i latou le ola.

"Ma ona oo lea, o agaga o i latou

o e ua amiontonu e talia i se nofoaga o le fiafia, lea ua taua o le parataiso, o se nofoaga e malolo ai, o se nofoaga o le filemu o le a latou malolo ai mai i o latou faalavelave uma ma mai le popole uma, ma le faanoanoa" (Alema 40:11-12).

Afai tatou te faaaogaina le Togiola, po o le taulaga, a Iesu Keriso, salamo i a tatou agasala, ma taumafai e ola e pei ona sa soifua ai o Ia, o le a faamamaina i tatou e Lana Togiola ma faatagaina i tatou e ola faatasi e faavavau ma le Tama Faalelagi.

O i latou o e lei filifili e mulimuli ia Keriso ma talia Lana talalelei o le a le mauaina na faamanuiaga (tagai Alema 40:13-14).

O Le a le
Matafaioi a
Iesu Keriso?

Na auina mai e lo tatou Tama Faalelagi Lona Alo, o Iesu Keriso, ina ia avea ma o tatou Faaola ma faasino mai ia i tatou le ala e ola ai e tusa ai ma le fuafuaga a le Atua. E mafai e le Togiola a le Faaola ona fufilueseina a tatou agasala ma faaagavaaina i tatou e toe foi atu i le afioaga o le Atua. Ina ua mavae le Faasatauroga o le Faaola, sa taoto Lona tino i totonu o le tuugamau mo aso e tolu siai toe foi mai Lona agaga. O se taunuuga o le manumalo o Iesu i le tuugamau (tagai Mamona 7:5), o le a tatou toetutu ai pe a mavae lo tatou oti ma ola e faavavau ai i ni tino atoatoa. ■



SAUNI E AOAO ATU

"Afai tou te ola i mataupu faavae o le talalelei [nai lo] na o le suesue i ai, o le tuufaatasiga faapitoa o le malamalamo o le a mafai ai ona e lagona le mafanafana ma le saunia e aoao atu mea ua e iloa e moni."

Elder M. Russell Ballard o le Korama a Apostolo e Toasefululu, i le Michael Otterson, "Taliina o Fesili e uiga i lo Tatou Faatuatuaga," *Liahona*, Aok. 2012, 78.



SOOTAGA
LESONA-ASOSA
.....
O Le Autu o Lenei Masina:
O Le Ata o
le Faaolataga

AUAI I LE TALANOAGA



I le faagasologa o Fepuari, o le a outou suesue i le ata o le faaolataga i a outou vasega o le Aoga Sa ma Tamaitai Talavou ma korama a le perisitua. O le Aoga Sa o le a faapitoa lava le taulai atu i le ala e mafai ai ona e *aoao atu* le ata o le faaolataga. Mafaufau e fatu se lisi o ni fesili faaopoopo a oe po o au uo e uiga i le ata o le faaolataga ma faasoa atu i lau faiaoga faapea ma isi talavou i lau uarota po o le paranesi. O le a mafai ona outou sailia faatasi ni auala e fesoasoani i le aoao atu o lenei aoaoga faavae i isi.

E Faapefea Ona Ou Taitaia se Fonotaga?

○ lena ua atoa lou 12 ma ua sitia atu mai le Peraimeri i Tamaitai Talavou po o le Perisitua Arona. O loo sologa lelei lava mea uma ma ua e fiafia i nisi o mea ua mafai ona e faia. Ua e iloaina ai, o lenei suiga e aumai ai foi ma ni

tiutetauve fou. O se tasi o na tiuteauave o se mea e te ono faafefefefe laitiiti ai o le, e ono talosagaina oe e taitai i fonotaga.

E faalagolago po o le a le fonotaga e te taitai ai (gaoioiga o le Mutuale, fonotaga i Aso Sa, fonotaga a au peresitene o korama po o vasega),

o mea e manaomia ma lisi o mataupu o fonotaga atonu e ono eseese laitiiti, ae o nisi nei o fautuaga masani ma taiala e tagai i ai a o e faataunuina lenei tiutetauve:


- Faaaoga se lisi o mataupu e faailoa ai mea o le a tutupu i le fonotaga. Fesili i ou taitai pe i ai se mamanu o le lisi o mataupu mo le fonotaga e te faatumuina.
- Filifili musika o le a valaaulia ai le Agaga.
- Faatulaga ni tatalo amata ma le faaiu.
- Fai tofitofiga a o le'i oo i le taimi o le fonotaga pe a mafai ai.
- Ia e vave alu ina ia mautinoa ua sauni uma mea uma.
- Faasilasila po o ai o le a tatalo, taitai pese, fai le aaooga, ma fai isi mea i le fonotaga.
- Ia e faaaloalo a o e taitai ma faataga le Agaga e taiala oe. Ia avea ma se faataitaiga lelei mo isi talavou e auai atu i le fonotaga.

O le iloa ona taitai se fonotaga atonu e ono taufaafefe i le taimi muamua, ae o le a faigofie a o e fai sooa, ma o le a fesoasoani e te maua ai nisi o tomai o le a e manaomia i le avea ai ma se taitai o le Ekalesia i le lumana. ■

FAATAITAIGA O LE LISI O MATAUPU O LE FONOTAGA

O le tele lava o fonotaga i le Ekalesia e mulimuli i se mamanu tai faapenei. O mea nei e tele lava ina aofia i lau lisi o mataupu o le fonotaga:

- Faafeiloaiga
- Viiga amata
- Tatalo amata
- Faasilasilaina o tagata asiasi
- Pisinisi ma faaaliga
- Lesona po o le gaoioiga
- Tatalo faaiu





Saunia e Elder Richard G. Scott

O Le Korama a Aposetolo e Toasefululua

*O sui o le Korama a Aposetolo e Toasefululua
o ni molimau faapitoa a Iesu Keriso.*

E mafai faapefea ona fesoasoani tusitusiga paia ia te a'u?

Ua silafia e lo tatou Tama oi le Lagi o le a tatou feagai ma luitau faigata. Ua Ia saunia ai ni meafaigaluega e fesoasoani ia i tatou ina ia tatou manuia ai. O se tasi o na meafaigaluega o tusitusiga paia.

O tusitusiga paia e tatalaina ai le ala o fesootaiga ma lo tatou Tama oi le Lagi ma Iesu Keriso.

O tusitusiga paia e mafai ona avea ma ni uo faamaoni ia i tatou. E avanoa lava i taimi uma tatou te manaomiaina ai.



Mai le "O Le Mana o Tusitusiga Paia," Liahona, Nov. 2011, 6–8.

O le mafaufau loloto i se mau e mafai ona avea ma se ki e matala ai faaaliga ma le taitaiga a le Agaga Paia.

O Mea e Sili ona Taua



Saunia e Charlotte Wood Wilson

E faavae i se tala moni

*"Ua ou iloaina o soifua lou Tama,
ma ia alofa ia te a'u. Le Agaga
e tau mai. Le Agaga e tau mai."*
(*"Ua Ou Iloa o Soifua Lo'u Tama,"*
Tusipese a Tamaiti, 8.)

Ole vasega lima sa o se tau-saga faigata lea ia te a'u. Sa i ai lava a'u uo masani mo le tele o tausaga aoga, ma sa ou faapea o le a matou faauo ai pea lava. Ae e le'i leva ona amata le vasega lima, ae amata ona faaaoga e a'u uo ia gagana leaga ma faia ni amioga sa ou iloaina e le fiafia i ai le Tama Faalelagi. Sa amata foi ona latou agaleaga atu i isi

tamaiti o le matou vasega ma fai tala e uiga i isi tagata.

Mulimuli ane, sa oo ina avea au ma se tasi o na tamaiti sa taufaalilili i ai a'u uo. Sa iu lava foi ina latou faaigoaina au i se igoa tauvalaau e le manaia o: Salote Laugutu Mafia, po o le "SLM" pe a faapupuu. Sa matuai ou tiga ai lava. Sa amata ona ou taumafai e aloaloese mai a'u uo i le aoga, ae sa faigata aua sa matou i ai lava i le vasega e tasi.

"Malo, suga!" na ou fai atu ai i se tasi o aso i le malologa, ma taumafai ia ou faauo atu ma foliga fiafia.

"Malo, SLM! Salote Laugutu Mafia!" o le latou valaau faatasi mai ma fai mai o latou foliga taufaalilili ia te a'u.

Sa ou tamoe ese, ma taumafai e taofiofi lo'u loimata. Sa ai na o au lau meaai ma faitau minute ou te alu ai i le fale.

"O le a le mea o tupu, lau pele?" o le fesili lea a Tina ina ua ia iloaina mai o'u alafau loimata ina ua tuua le aoga.

"O tamaiti ia sa masani ona avea ma a'u uo ua amata ona latou valauina au i se igoa le manaia. Ua ou le malamalamalama pe aisea latou te agaleaga mai ai ia te au." Sa amata ona ou toe tagi.

O Salote i le vasega lima . . .



“E le tatau i tamaiti na ona faia na ituaiga amioga. Ae o le mea moni e le afaina po o a manatu o tagata e uiga ia te oe. E te aulelei, ma e leai se mafuaaga e te faalogo ai fua i tala e fai mai e na tamaiti le alolofa.”


“Ae Tina,” o lau tala lea. “Ou te vaai i aso uma ia i latou. Ou *te* ano i o latou manatu e uiga ia te a’u. Ma e faalogo foi i ai isi tagata i a latou tala e fai e uiga ia te a’u. E faapefea ona ou le amanaiaina *tagata uma?*”

“Salote, na pau lava manatu e sili atu ona taua o ou lava manatu ma le Alii. Afai o loo e lagonaina le fafia ia te oe lava ma mea e te faia, ma afai e fafia le Tama Faalelagi i au *filifiliga*, ona le afaina lea o igoa e valaau ai oe e tagata po o a latou tala e fai e uiga ia te oe. O la’u tala mo’i lava.

A o ou alu atu i le aoga i nai isi vайасо na sosoo ai, sa talie mai lava a’u uo ia te a’u ma ula mai ia te a’u. Ae sa le’i umi ae ou iloaina e mafai lava ona ou fealuai solo ma le toafilemu i lo’u loto. Sa ou iloaina afai sa le afaina i le Tama Faalelagi o’u laugutu mafafia, e mafai foi la ona ou faapena.

Sa mafai ona ou aoga pea seiā oo i le faaiuga o le tausaga lima.

ma i le aso o lana faaipoipoga.




Sa iu ina ou faia ni uo fou o e sa le’i ula ia te a’u ma o e sa fesoasoani foi ia ou maua lagona lelei e uiga ia te a’u lava. Ae o le mea na aupito taua, sa ou aoaoina ai afai e fafia le Tama Faalelagi i le ituāiga tagata ua ou i ai, ou te le tau popole fua lava la i manatu o se isi lava tagata. ■

O Charlotte Wood Wilson e nofo i Oregon, ISA.



“E leai se vaaiga e sili atu ona matagofie nai lo o se tamaitai talavou e susulu i le malamalamo le Agaga, o le e to’ā ma lototete aua e mama o ia.”

Elaine S. Dalton, peresitene aoao o Tamaitai Talavou, “Remember Who You Are!” Liahona, Me 2010, 111.



O La Tatou Itulau




Liza P., 7 tausaga, Rusia

E fiafia Josheline ma Camila C., e 5 ma le 2 tausaga, mai Polivia, e o i le lotu e aoao ai e uiga i le Tama Faalelagi. E tope ona la sauni mo le lotu ma fesoasoani i o laua matua ia vave ona latou taunuu tonu atu iina. E fiafia i laua e tatalo, ma e fiafia foi i a laua vasega o le Peraimeri.



Ou te fiafia lava i le tala o le Tusi a Mamona e uiga ia Nifae—ae maise lava ia tala e uiga i le latou o ma lona aiga i le vao ma le taimi sa ia fauina ai se vaa.

Saúl T., 11 tausaga, Mekisiko



Tomas P., 5 tausaga, Atenitina



Sa i ai se taimi sa ma o ai ma lo'u uso i se pasi ma le fafine o le matou aiga i lona fale ma te tafafao ai mo se vaiaso. Sa tuuina mai e lo'u tama ia i maua se faamanuiga ae ma te lei o. E le'i leva, ae faapea atu se tamaloa sa i ai foi i luga o le pasi ua fia aluese. A o taumafai atu le fesoasoani o le avevasi i lea alii ma lana atopau, sa ta'u malie mai e se leo musumusu ia te a'u, "Ua gaoia le lua atopau." Sa ou tilotilo atu i fafo, ma vaaia ai e sa'o lava, ua aveese le ma atopau mai le pasi ma nanā i lalo o vao. Sa ou alaga atu ma fai atu o le ma atopau le la, ae le o se ato a le tamaloa. Sa ou iloa o le Agaga Paia lea sa talanoa mai ia te a'u, ma sa ou matuai faafetai ai lava.

Vaniala R., 10 tausaga, Madagascar

Faifeautalai, saunia e Emilia A., 11 tausaga, Finelani

MISSIONARY



Fidel N., 11 tausaga, Democratic Republic o Congo

“O A'u o se Mamona,
Ua Ou Iloa.
Ua Ou Ola Ai.
Ua Ou Alofa I Ai.”

Ann M. Dibb, fesoasoani
lua i le au peresitene aoao
o Tamaitai Talavou

Mai le konafesi aoao ia
Oketopa 2012



Sa Foafaina le Lalolagi mo Fanau a le Tama Faalelagi

A uola!” o le tala lea a Ana. “Vaai i fetu uma lava.” Sa tau fai tilotilo ae tagata o le aiga o Ana mai le afi o le tolauapiga. Sa foliga mai sa faitau miliona fetu sa i ai i le lagi pogisa.

“Mafaufau i ai,” o le tala lea a Tina, “o na fetu taitasi o foafoaga na a le Tama Faalelagi.”

“Tatou ta’u mai se mea e tasi e sili ona tatou fiafia i ai ua foafaina e le Tama Faalelagi mo i tatou,” o le fautua mai lea a Tama.

“Ou te iloa,” o le vave oso mai lea a Tanielu. “ou te fiafia i na galu tetele sa tatou vaai i ai i le sami i le tausaga ua tea.”

Sa le iloa e Ana se mea e filifili ai. Sa mafaufau o ia i le la mafanafana,

le masina susulu, ma fugalau manogi mananaia. Ona ia manatua ai lea o lona fiafia tele i soo se ituaiga o meaola vaivai ma taufulufula. “O meaola!” sa ia fai mai ai.

Sa amata ona tetete ia Ana, o lea sa faipulupulu ai o ia e Tama i se palanikeke. “Ina ua uma ona foafaina e le Tama Faalelagi ia nei mea matagofie uma mo Lana fanau, sa ia silasila ifo i ai ua lelei,” o le tala lea a Tama.

Sa lagona e Ana le mafanafana ma le fiafia. Sa ia toso ae le palanikeke e tau i lona auvae ma toe tilotilo ae i luga i fetu. “Faafetai lava, Tama Faalelagi,” o lana musumusu lea. ■

E mafai ona e faaaogaina le lesona ma le gaoioiga lenei e aoao atili ai e uiga i le autu o le Peraimeri i le masina lenei.

PESE MA LE MAU

- “E Alofa Lo’u Tama Faalelagi la Te A’u” (*Tusipese a Tamaiti*, 16–17)
- Mose 2:3–27

MANATU MO TAUTALAGA FAALEAIGA

- E mafai ona e tuuina atu i tagata taitoatasi o le aiga se taga pepa ma valaaulia le aiga e o i fafo e ao mai ni mea se tolu na foafaina e le Tama Faalelagi. Pe e mafai foi ona e tusia ni ata pe fai se lisi o foafoaga a le Tama Faalelagi. Ona talanoa lea pe faapefea ona faaalia i na ma isi foafoaga le alofa o le Tama Faalelagi ia i tatou.
- E mafai ona outou feauauai i le faiatauina leotele o fuaiupu o mau o loo i luga o fetu taitasi ma sue ia fetu e fetaui i ai.



O SE LAGI E TUMU I FAAMANUIAGA

Faafetaui ia mau o loo i luga ma se ata e faaalia ai se tasi o foafoaga a le Tama Faalelagi. Vali ia pea taitasi e tutusa o ata o fetu ma fetu o mau i le lanu e tasi.

Matagofie Mea Uma

Saunia e Marissa Widdison

Mekasini a le Ekalesia



Vaai faalemafaufau o loo e asi-
asi atu i Aferika. A o e vaavaai
atu i meaola taaloa e ala i lau
meavaaimamao, sa e vaaia se mea
o sau agai mai ia te oe. O se lulu
aeto! A o latalata mai, ua sii ae lou
lima e puipui ai oe lava. Ae nai
lo le osofaia o oe, sa tu malie ifo
le lulu i luga o lou lima, ma fai ni
nai leo laiti ma tilotilo atu ia te oe
mo sina taimi a o lei toe lele ese
atu. Na tupu moi lava lenei mea ia
Peresitene Boyd K. Packer, Peresi-
tene o le Korama a Apostolo
e Toasefululua. E fafia tele o ia i
meaola ae maise lava o manulele.

O se tasi o mea e faaalia ai e
Peresitene Packer lona fafia tele i
le natura e ala lea i le tusiata. Mai
lava i lona laitiiti, sa fafia ai o ia e
tusi, vali, ma vane. “O a’u matauga
uma lava ua faamaonia ai i lo’u
loto o loo i ai se Atua, o
le sa foaoaina ia mea
uma,” o le saunoaga lea
a Peresitene Packer. ■



*Sa tusia e Peresitene Packer ia meaola
nei ina ua 11 ona tausaga. Sa masani
ona aumai e lona tama i le fale ia ni
pepa faasili ia sa le faaaogaina e le fale
nusipepa i le lotoifale, ona faō loa lea o
Peresitene Packer e tusi ana ata. “Afai
o le tusi ata o se faama’i, ia e foliga mai
sa matuai ogaoga lo’u afaina ai,” o lana
saunoaga lea.*



*Pe tusa o le 10 tausaga o Peresitene
Packer sa ia faia ai le mea lenei mai
fatu laau o le paina sa ia maua mai i
se malaga tolauapi a le latou aiga.*



*A o avea ai ma se pailate i
le militeli, sa auina mai ai e
Peresitene Packer ana tusi
i lona aiga i ni teutusi sa ia
teuteuina i ona taimi avanoa.*



Sa ta ma valiina e Peresitene Packer ia manulele laupapa o loo i lalo a o laitiiti o ia, e faaaoga ai laupapa mai ni atigipusa tuai ma ni vali sa tuuina atu ia te ia e se tuaoi.



Ua tele ni manulele ua vaneina e Peresitene Packer i le aluga o tausaga.
Fai mai a ia, o le vaneina o ni mea e fesoasoani e malolo ai ma mafaufau
ai e uiga i mea e tatau ona ia lauga ai i ni ana tautalaga o loma.

Saunia e Jennifer Maddy

E faavae i se tala moni

“O outou le fanau ia outou faalogo i o outou matua i mea uma; aua o le mea malie lea i le Alii” (Kolose 3:20).

Sa faataupupula atu Etana i faavaa felanulanuai o taaloga vitio sa laina i luga o fata. Sa fai atu ona matua e mafai ona ia filifilia se taaloga se tasi mo se mealofo o le aso fanau, ma sa tele naua taaloga e filifili mai ai! Sa feosofai solo mata o Etana mai se taaloga miliga taavale i se taaloga o ni gaoi-oiga malie ma tulaga ese i se taaloga siva. Mulimuli ane, sa ia pikiina ai le taaloga miliga taavale ma avatu loa i lona tamā.

“Ua e maua le taaloga e te fafia i ai?” O le fesili lea a Tama.

“Pei uma ua ou manao i le taaloga miliga taavale,” o le tala lea a Etana.

“E foliga mai e manaia ma malie,” o le tala lea a Tama. “Sa i ai se faa-iloga o lona tulaga lelei?”

Sa fuli a'e e Etana le isi itu o le faavaa. Sa ia iloaina e na o ni taaloga e i ai ni faatulagaga patino e mafai ona ia taalo ai. O le taimi muamua na maua ai lana komepiuta, sa talanoa atu ai ona matua ia te ia e uiga i le taua o le mulimuli i tulafono a le aiga e uiga i faatulagaga o taaloga vitio. Sa iloa e Etana o le tele o taaloga sa i ai ni mea leaga, ma sa manao o ia e usiusitai.

Sa maua e Etana le faatulagaga i le faavaa ma faaali atu ia Tama. “Ua faatulagaina mo tagata uma,” o lana tala lea.

“Lelei tele,” o le tala lea a Tama. “Ta o loa e totogi. Manuia lou aso fanau, Etana!”

“Faafetai, Tama!” sa ataata Etana, ma fafia i le oo atu i le fale ma faaitai loa lana taaloga fou.

O ni nai aso na sosoo ane ai, sa alu ai Etana i le fale o lana uo

o Chase e taalo ai. E i ai faatasi i laua ma Chase i le vasega e tasi o le Peraimeri, ma e tele lava ina la taalo faatasi. Sa alu Etana ma ave lana taalogo vitio fou.

“Malo, Etana,” o le tala lea a Chase ina ua tatalaina le faitotoa. “Sau i totonu. E i ai la'u taaloga vitio fou e mafai ona ta taaaalo ai!”

“Faapena foi au!” o le tala lea a Etana, ma faalala atu lana taaloga.

Sa saofafai le aualii i luma o le komepiuta, ma sa momono i totonu e Chase lana taaloga. Sa oso mai le igoa i luga o le lau, ma sa faapena foi ma le faatulagaga. E lei minoi Etana. Sa o se faatulagaga sa le faatagaina o ia e taalo ai.

Sa feosoosofai ma le naunautai ia Chase i faatonuga autu e faaaoga ai

OLE TULAFONO O LE FAATULAGAGA

**O OU TULAGA FAATONUINA
FAALETALALELEI**

“O le a ou faiatou ma matamata i na o mea lava e fafia ai le Tama Faalealgi.”

lana laau faatonutonu ma amata loa le taaloga. Sa le'i iloa atu i le taimi lena e Etana se mea leaga. Sa ia kilikiina lana laau faatonutonu e faafealuai ai lana faailo i le taaloga. Sa maniaia, ae o le umi lava sa ia taalo ai, o le tele foi lena o lona lagonaina o le le toa lelei. Na te le'i vaaia lava se mea e leaga ai, ae sa manao o ia e mulimuli i le tulafono a lona aiga.

"Ei, Chase, e le faatagaina ona ou taalo i taaloga e i ai le faatulagaga lea," o le fai atu ai lea a Etana.

"Oi, e le afaina," o le tala lea a Chase. "E leai ni mea leaga e i ai i totonu."

E te mo'i? na fesili atu ai Etana.

"Ioe," na fai mai ai Chase. "E taaaalo ai lo'u aiga. Ou te iloa na sese ona tuu i ai le faatulagaga lea."

O le taimi foi lena, na falo mai ai le ulu o le tina o Chase i totonu o le potu. "Malo, alii," o lana tala lea. "O lelei mea uma?"

Sa faafaigata ona folo le faua o Etana. "Malo, Sister Murphy," o lana tala lea. "Pau lava le mea e le faatagaina a'u ona ou taalo i ni taaloga e i ai le faatulagaga lenei."

"Sa ou fai atu i ai e leai se mea leaga e i ai i totonu," o le tala lea a Chase.

Sa talo mai le lima o le tina o Chase. "Aua e te popole Etana," sa ia fai mai ai. "Ou te iloa o le tele o taaloga e i ai le faatulagaga lena e le lelei, ae ou te mautinoa o le a faataga oe e lou tina e te taalo i le

taaloga lenei." Sa ataata o ia ma alu ese atu ma le potu.

Sa faaaauau pea ona taalo Chase, sa tuu i lalo e Etana lana laau faatonutonu. "Chase, ae a pe a ta taaaalo i le taaloga miliga lea sa ou aumaia?" na fesili atu ai Etana.

Sa faamimigi tauau o Chase ma faaaauau pea ona pulatoa atu i le lau. "Leai, e sili ai lo'u taalo i le taaloga lea."

Sa tu malie ae ia Etana ma alu atu i le potu o Chase lea sa ia maua ai ni taavale tutuu meataalo ma taalo ai loa. Sa le malie tele e pei o lana taaloga vitio, ae sa maua e Etana le lagona lelei i le iloaina sa mulimuli o ia i le tulafono a lona aiga. ■

O Jennifer Maddy e nofo i Iuta, ISA.



Fausiaina Faatasi

Saunia e Michelle Tripp, Idaho, ISA

E faavae i se tala moni



VROOM. VROOM. VROOM. Sa tilotilo atu Asalei i fafo o lona faamalama. Sa ia vaaia ai se loli lanumoana. Sa ia vaaia ni faaputuga tetele o palapala. O loo fausia e tuaoi so latou fale fou.



“O a mea e maua mai ai faaputuga palapala?” o le fesili lea a Asalei.
“O ai e faia fale?”

“O loli e faia faaputuga palapala,” o le tala lea a Tina. “O tagata faufale
e faia fale.”



“Na fai mai lo’u faiaoga o Iesu sa faia mea uma,” o le tala lea a Asalei.
“Ioe,” o le tali lea a Tina. “Sa fai e Iesu mea uma latou te fauina ai ia fale.”



Sa tilotilo atu Asalei i le latou fanua. "E pei o laau, ma maa, ma palapala?" o le fesili lea a Asalei.


"Ioe," o le tali lea a Tina. "Sa fai foi e Iesu o tatou tino. E mafai e o tatou tino ona fau ni mea."



Sa fafia Asalei. Sa fesoasoani Iesu i ona tuaoi ina ia mafai ona latou fausia se fale. Sa ia iloaina e mafai foi ona Ia fesoasoani ia te ia e fai ni mea. ■

O SE LALOLAGI MATAGOFIE

Ua aoaoina e Asalei e faapea o le Tama Faalelagi ma Iesu Keriso sa faia mea uma. Vaai i lenei nofoaga matagofie ua Laua foafotaina. Vaai pe mafai ona e maua ma li'o i le ata ia ata o loo i le pito i lalo o le itulau.



TALA FOU O LE EKALESIA

Asiasi i le news.lds.org mo se faaopoopoga o tala fou ma mea e tutupu i le Ekalesia.

Ua Uunaia e le Ekalesia Tagata o le Au Paia i le Lalolagi Atoa ina ia Auauna atu i le Lotoifale

Saunia e Heather Whittle Wrigley

Talafou o le Ekalesia ma Mea Na Tutupu

I le tausaga ua tuanai pe a, sa tuu ai e le Matagaluega o le Uelefea a le Ekalesia se faamamafa fou i tagata o le au paia i le salafa o le lalolagi e tuuina atu fesoasoani i o latou lava nuu.

Ua fautuina e le Tautua Fesoasoani mo Tagata o le LDS.org, “O a manaoga po o luitau tou te vaai pe faalogo i ai? . . . Afai tou te silafia se manaoga i o outou nuu ae le o mafai ona maua se polokalama faavae e taulima ai lena

Na tuufaatasia e le au paia i Chile le faitau afe o pusa vailaau ma mea e faamama ai, ina ua maea se mafui tele na faatamaia ai lo latou atunu i le 2010.



© PULETAOFIA ELIEIRI

manaoga, ia taulamua i le sailia o se tali” (i le LDS.org, kiliki i le **Resources, Welfare, Humanitarian Service**).

O le tali a Lynn Samsel, faatonusili o faalavelave faafuasei mo le Ekalesia, na ia ta’ua ai ni mea e aoga ai le tali atu i fesoasoaniga mo tagata i le tulaga faale-lotoifale: “E vave atu, e laitiiti ni faafitauli i ofisa o tiute, e mafai ai e le Ekalesia ona faatau oloa a le atunu lava ia ua masani ai tagata, e lagolagona ai le tamaoaiga i le lotoifale, ma e fesoasoani e atiina ae ai sootaga.”

I le 2011, o fetuatuana’i faaupufai o faiganuu na faitau afe ai tagata i le tele o atunu Arapi ua leai ni mea e nonofo ai. Nai lo le tuufaatasia i Sate Leki o pusa o vailaau ma mea e faamama ai ma auina atu i Sasae Tutotonu, sa tuuina atu e le Ekalesia ni tupe i au peresitene o eria i le lotoifale. O tagata e 50 o le ekalesia e nonofo i Ioritana, na mafai ona galulue vaavaalua ma isi faalapotopota e tuufaatasia ma tufatufa pusa e 40,000 o vailaau ma mea e faamama ai atoa ai ma afifi o meaai, i le na o le lima o aso.

I le lalolagi atoa, e mafai e tagata taitoatas i le au paia ona amatalia a latou lava galuega faatino auauna atu. I isi tulaga, e mafai e le parnesi, uarota, itu, po o le siteki ona

faatulaga ni avanoa mo tagata o le au paia ma isi e auauna atu ai.

O toomaga faale-lotoifale, na faamatala ai e Gustavo Estrada o le Matagaluga a le Uelefea, e tele lava ina sili atu ona foia ai nai lo ni tali e tau mafaufauina i le mamao e fia afe maila.

Ina ua mavae le mafuike ma le galulolo i le aso 11 o Mati, 2011, lea na faatafunaina ai Iapani, sa faanatinati ona tali atu le Ekalesia. Sa latou auina atu tupe i taitai i le lotoifale, o i latou ia na faatauina meaai ma isi mea na manao-mia, i totonu o le atunu. O tagata o le au paia i Iapani e lei afaina i le mafuike, sa latou faapotopotoina mea na faatauina, i ni pusa e tusa ai ma manaoga patino o i latou na aafia i le faalavelave.

“A o o atu tagata o le au paia ma auauna atu i o latou nuu, e mafai ona latou fausia sootaga ma o latou tuaoi ma fiafia ai i le faatuatuaga e atiina ae ai mai le galulue faatasi i se faafitauli ua laugatasia ai,” o le saunoaga lea a Sharon Eubank, faatonusili o le tautua fesoasoani a le Ekalesia.

I le 2012, i se taumafaiga e faaitiitia le saoasaoa o tamaiti e maliliu i atunu tauatiā’e, na auina atu ai e volenitia AAG i Kana ni feau feaveai se 1.5 miliona i o latou tagata Kana, e faailoa atu ai ia i latou se galuega faatino o le faiga o tui puipui mo tagata, e se paaga a le Ekalesia.

“[O le] a i ai se faafitauli i le lumana, ua i ai se faavae e toe galulue soosoo tauau ai,” na saunoa ai Sister Eubank. “O le auauna atu faatasi e fausia ai le malamalamia ma atiina ae vave ai le usoga moni faa-Kerisiano nai lo se isi lava mea e mafai ona ou mafaufau i ai.” ■

Ua Taulai atu Apostetolo i le Faatuatua i le Alii o Iesu Keriso i le taimi o Asiasiga i Filipaina

Saunia e le komiti o talafou a le Eria o Filipaina

Na asiasi e Elder David A. Bednar ma Elder Quentin L. Cook o le Korama a Apostetolo e Toasefululua, faatasi ai ma isi taitai o le Ekalesia ia le Eria a Filipaina mai le aso 24 o Aokuso seia oo atu i le 2 o Setema, 2012.

I konafesi faaleautaitai perisitua, faigalotu a talavou nofofua matutua, konafesi faalesiteki, ma fonotaga a misiona, na aoao atu ai e le Usoga ia mataupu faavae ma uunaia le Au Paia e faamalolosia lo latou faatuatua ia Iesu Keriso.

I Laguna, na tali ai e Elder Bednar ia fesili a talavou nofofua matutua i le taimi o se fonotaga faapitoa. Na ia faamalamalama atu, “Na faaaoga e le Faaola ia fesili e fai ma se tasi o Ana meafaigaluega autu faafaaiaoga. Afai tatou te taumafai e fai ni fesili musuia ma aoga pe a tatou manatunatu loloto ma tatalo, e mafai e i tatou ona gauai atu i se faagasologa e aoao ai, lea e mafai ai ona tatou maua musumusuga ma maua a tatou lava tali mai le Agaga Paia.”

I le Aso Sa i le faletapuai, o faleapitaga, ma isi potu o le Fale Autu o le Siteki a Legazpi, na matua le ofi i tagata o le au paia a o aoao atu Elder Cook, “Aua nei faatagaina lo outou masalo-salo e faalavelave i lo outou faatuatua.”

Na ia faamamafaina le taua o tane ma ava o ni paaga tutusa i le faaipoipoga a'o ia aoao atu mai le “O Le Aiga: O Se Folafolaga i le Lalolagi” (*Liahona* ma le *Ensign*, Nov. 2010, 129).

Na faafeiloaia e Elder Cook ia tagata o le au paia ina ua maea le sauniga.

ATA NA PUENIA E KAYE BAY



E lima itula na malaga ai tagata ma faifeautalai o Iloilo, i le Motu o Panay, i vaa ma pasi ina ia auai i sauniga na tuuina atu ai e Elder Bednar ia aoaoga i le faamalolosia o lo latou faatuatua ia Iesu Keriso ma fesoasoani i isi e o mai ia Keriso.

“Ua matou i ai iinei e aoao atu le talalelei a Iesu Keriso, ae e tatau lava ona tatou manatua o le faiaoga moni o le Agaga Paia,” o le aotelega lea a Sister Manguil, o se faifeautalai faamisiona o loo galue ai i le Misiona a Filipaina Iloilo.

I Cagayan de Oro na ta'u atu ai e Elder Cook i talavou matutua o le lotoifale, “Ua manaomia lava lo outou amiotonu, ma e manaomia foi ia malosi atu lenei atunuu. O le a i ai se aafiaga, o se tau-nuuga o le malosiaga o le Ekalesia i Filipaina o le a faamanuiaina ai tagata i le Atu Asia.”

Na ia fautuaina tagata o le ekalesia e taulai atu i mea e sili ona taua, ia faatoilalo le masalosalo, faaaoga le faatuatua, ma faaipoipo i le malumalu.

“O le taimi na aumai ai aoaoga o mataupu faavae ma mafaufauga faatusi paia na latou faa-soa mai, sa [matual] taua,” o le saunoaga lea a le peresitene o le Siteki a Iligan Filipaina o Carlo V. Crisanto. “E moni lava o mataupu faavae ia matou te manaomia i le taimi nei. . . . E ui i valaauga uma o i ai, e sili lava ona taua le valaauga i le aiga.”

Na faaiu le asiasi a Apostetolo i Filipaina i la latou fonotaga ma senate ma latou auai ai i se faafiafiaga faaleaganuu na faatinoina e le autalavou. ■

**E 10 aso ia
Aokuso ma
Setema, na
asiasi a i e
Elder David A.
Bednar ma
Elder Quentin L.
Cook o le
Korama a le
Toasefululua
le Atu Filipaina
atoa e feiloai ai
i taitai, au paia,
ma faifeautalai.**

Ua i ai Nei le Tusi a Mamona i Lao

E silia ma le 4,500 tagata o le Ekalesia i Lao, i Taialani, ma ua i ai nei foi nai vaega toalaiti i le lunaite Setete ma Kanata ua maua le Tusi a Mamona atoa i Lao.

Ua maua le faaliliuga fou i le gagana i tusi faavaa vaivai, mai fale-tusi autu o le Ekalesia i le lotoifale ma le initonet i le store.lds.org (aitema nu. 35607331) ma le LDS.org.

Ua Fesoasoani le Potutusi o Aoaoga Faaleautaitai i Tagata o le Ekalesia i Valaauga Fou

Ua silia ma le tausaga talu ona faalauiola mai le, Leadershiplibrary.lds.org ma o le a faaauau pea ona avea ma se punaoa taua mo tagata o le ekalesia—pe tusa ma le 100 vitio o loo i ai i gagana e 11 ua tuuina mai ai le fesoasoani e faatatau i le

tele o valaauga eseese i le Ekalesia.

O loo aofia ai i vitio faamatalaga e lei tusia u uarota ma paranesi moni i atunu eseese. A faailoa mai e Au Peresitene o Eria tulaga manaomia mo aoaoga, ona faaopoopo lea o anomea fou i le potutusi i kuata taitasi.

"O le faamoemoega o le [Potutusi mo Aoaoga Faaleautaitai] e fesoasoani ai i taitai i le lotoifale e aaooina, aoao atu, ma faaaoga mataupu faavae ma aiaiga faavae mai le tusitaulima," na saunoa ai Elder Russell M. Nelson o le Korama a Apostolo e Toasefululu.

Ua Faatuina e Taitai se Siteki Lona Lua i Rusia, ma le Lona Valu i Italia

I le aso 9 o Setema, 2012, o le aso na atoa i ai le 88 o Elder Russell M. Nelson o le Korama

a Apostolo e Toasefululu, na faatuina ai le Siteki a St. Petersburg Rusia—siteki lona lua lea i Rusia.

E fitu aso mulimuli ane ai, sa vaeluaina ai e Elder Ronald A. Rasband o le Au Peresitene o Fitugaafulu le Siteki a Milan Italia e faavae ai le Siteki fou a Milan Italia Sasa. Na toe faaigoaina le Siteki a Italia i le Siteki a Milan Italia Sisifo.

Na Asiasi atu Taitai o le Ekalesia i Ao o Malo i Kalaotia ma Posenia

Na feiloai atu Elder Ronald A. Rasband o le Au Peresitene o Fitugaafulu ma Elder Kent F. Richards, FesoasoaniLua i le Au Peresitene Eria o le Eria a Europa, i ao o le malo o Kalaotia ma Posenia ma Herzegovina i le masina o Setema 2012.

I Kalaotia, na feiloai atu ai Elder Rasband ia Peresitene Ivo Josipović ma tautino atu ai le naunautaiga faifai pea a le Ekalesia e faamalolosia le aiga.

I le aso 12 o Setema, na feiloai ai Elder Rasband ma Željko Komšić, o se tasi o le au peresitene soofaatasi e toatolu o Posenia ma Herzegovina, i se tasi o uluai fonotaga na faia i le va o se taitai o le Ekalesia ma se ao o le malo mai Posenia.

Na faamatala e Peresitene Komšić ia faiganuu eseese faalelotu o loo i ai i totonu o Posenia, ma sa taliaina le Ekalesia e avea o se sui o lena faiganuu. Sa faamalamalama e Elder Rasband e faapea o le aiga o se faamuamua mauluga lea i le Ekalesia, ma ua nofo sauni ona tagata i le lagolagoina o lea faamoemoega fai faatasi i Posenia ma Herzegovina.



PULETAORIA ELEI RI



Suesue, Manatunatu Loloto, ma Faaaoga

O le *Liahona* e faamalosia ai lo'u agaga ma la'u molimau o upumoni o le talalelei. E patino lava, e puipuia ai au mai mailei a Satani e ala i le fesoasoani mai ia te au e liliu atu i mea e taua moni. O masina taitasi e i ai se savali e foliga mai e tusia faapitoa lava mo au. Ou te iloa o le finagalo o le Tama ia tatou suesue ma manatunatu loloto i savali o masina taitasi, ma faaaoga i o tatou olaga i aso faisoo.

Pamela Ananta Barbosa da Silva, Brazil

O Se Ala o le Malamalama

O tusitusiga paia o se oa e le mafaatauina. Ae ou te mafaufau foi o le *Liahona* o se oa. O loo i ai se malamalama tele e susulu mai i ona itulau. E maua mai ai avanoa e faasa'o ai o tatou sese, ma faaatoatoaina i tatou lava e ala i ona savali, e faapei foi o tusitusiga paia. I itulau taitasi, o loo i ai se aoaoga taua, e i ai se avanoa, e i ai foi se ala o le malamalama.

Manuel de Araújo Fernandes,
Mozambique

O lenei lomiga e aofia ai tusiga ma gaoioiga e mafai ona faaaoga mo afiafi faaleaiga. O nai faataitaiga nei.

"O Le Avea ma Soo i Taimi Uma, i Mea Uma, ma i Nofoaga Uma," itulau 22: Fuafua e valaaulia lou aiga e faatumu le "aaifiaga o le avea ma se soo" o loo talanoaina i le tusiga lenei. Mo se vaiaso se tasi, suesue ma le agaga tatalo se aoaoga patino a lesu Keriso po o se tala e uiga i ai. I le isi afiafi faaleaiga, e mafai e tagata o le aiga ona lipoti mai i o latou aafiaga ma malamalamaaga.

"Moli . . . Meapueata . . . Faatino!", itulau 48: A uma ona faitau le tusiga lenei, ia talanoaina ma lo outou aiga le taua o le filifilia o faasalalauga lelei. Mafaufau e valaaulia tagata o le aiga e faasoa mai se faataitaiga se tasi e fiafia i ai, o faasalalauga lelei ma pe na faapefea

ona fesoasoani ia i latou. Atonu e te manao e faaali se ata o lesu Keriso ao outou talanoaina pe faapefea ona filifilia ia faasalalauga e lelei ona tatou mata-mata ai, pe faalogologo i ai pe a faapea o tatou i ai ma le Alii. (O loo i ai nisi manatu faafaiaoga mo lenei autu e maua i le itulau 9.)

"Aumaia o le Peraimeri i le Fale," itulau 64: Fuafua e savalivali o se aiga e vaai pe fia ni mea e mafai ona outou vaai i ai, sa foafoaina e le Tama Faalelagi. Atonu e mananao tagata o le aiga e ao mai ni mea, tusi ni ata, pe pue foi ni ata o mea e sili ona fiafia i ai. E mafai ona faaui i le usuina o le "E Alofa Lo'u Tama Faalelagi ia te Au" (*Tusipepe a Tamaiti*, 16–).

O La'u Afiafi Faaleaiga Faafaifeautalai

I le avea ai o se tagata faatoa liliu mai i le Eklesia, ou te fia manao ai lava e fesoasoani i faifeautalai i la'u uarota. E tele ina ou vaai, e ui ina faalēmanuia le faalogologo o tagata sailiili i lesona, ae e fiafia lava e auai i afiafi faaleaiga.

I se tasi taimi na ou valaaulia ai faifeautalai faamisiona ma se aiga atoa e le lolotu i la'u afiafi faaleaiga. A o lei taunu mai i latou, sa ou anapogi ma tatalo ia i ai le Agaga ma ia tatalaina o latou loto i le talalelei. Sa matou matamata i le vitio faafaifeautalai e uiga i le fesoasoani i le alualu i luma o le aiga ma atiina ae le faatuatuaina. Ina ua maea, sa faasoa o matou lagona e uiga i le vitio. Sa matua malosi lava le Agaga.

O le taimi nei ua naunau ai lenei aiga lelei e aoao atili e uiga i le talalelei i lo latou feiloi ai lea ma faifeautalai. Ua valaaulia i tatou uma e fesoasoani i le galuega faafafeautalai, ma ua ou vaai i le afiafi faaleaiga, o se auala aoga lea e faasoa atu ai i isi le olioli o le i ai o le talalelei i lo'u olaga.

Maria de los Angeles Vilca Zeballos, Peru

MANATUAINA O IA I LE SAPATI

Saunia e Michael R. Morris

Mekasini a le Ekalesia

Sa lelei lava le aluga o le matou lesona o le Aoga Sa e uiga i le tausia o le aso Sapati ia paia—seia oo ina ta'ua e se tasi le televise.

A o faaali mai e tagata o latou manatu e uiga i le pe talafeagai le matamataina o le televise i le Aso Sa, sa faapea ona le maluelue ai taofi o isi tagata o le vasega. E le'i umi ae amata ona tiga lagona o nisi tagata o le vasega. O le Agaga, lea sa i ai muamua i le matou talanoaga, sa suia moni lava i se feteenaiga.

O le matauina o le faateteleina o le fevaevaeai, sa talosagaina ai Kenneth Payne, o se tasi o le au peresitene o le matou siteki e fai sana saunoaga. Sa tulai o ia ma amata ona ta'u mai ia i matou e uiga i lona atalii o Brian, o le sa faamisiona i le Misiona a Iapani Tokyo i Matu. Ina ua faafeiloai e Peresitene Payne ma lona aiga ia Brian i le malaevaalele ina ua taliu mai o ia mai lana misiona ia Mati 2003, sa faasea o ia i le malō ma le tiga o lona avvae. I totonu o ni nai vaioso, sa maua ai Brian i le gasegase o se ituaiga kanesa e ta'u o le non-Hodgkin's lymphoma.

O se masina mulimuli ane sa ia amatalia ai se faasologa o togafitiga e faaaoga ai kemikolo ona sosoo ai lea ma togafitiga e faaaoga ai le leisa. Fai mai Peresitene Payne sa fuafuaina e fomai e fai se taotoga i le aso 22 o Setema e sui ai anoivi, ae na ona mavae lava o le aso



Afai o gaoioiga i le Aso Sa e taofia ai i tatou mai le manatuaina o le Faaola ma le auauna atu i le Sapati e faapei ona ono auauna atu ai o Ia, ia atonu e tatau ona tatou toe mafaufau i a tatou filifiliga.

muamua o lena masina, “ae amata loa ona oo le ma'i o Brian i se tulaga tuga.”

Sa faataotolia o ia i le falemai i le vaiaso lona lua o Setema. E oo atu i le taimi lena, ona o le natura ogoga o le kanesa, na tonu ai i fomai ua fai si tuai tele mo se taotoga e sui ai anoivi. Sa aumai e le aiga ia Brian mai le falemai i le fale i le aso 21 o Setema. Na maliu o ia i le isi aso na sosoo ai.


“O le aso 22 o Setema o se aso faapitoa lea mo i matou ma lo'u aiga,” o le tala lea a Peresitene Payne. “O le aso lena matou te faifamalie ai ma mafaufau ia Brian, i ana saofaga i lo matou aiga, ma lona tuuina atu o tausaga mulimuli e lua o lona olaga i le Alii ma i tagata Iapani, o e sa ia alofaina. Matou te misia lava o ia, ma o lena aso matou te tomanatu ai i lona olaga ma faamamalu mea matou te manatua e uiga ia te ia.”

Fai mai Peresitene Payne, mo i tatou uma lava, o le Aso Sa o le aso lena tatou te faifamalie ai ma mafaufau ai.

“E faavanoa o tatou taimi e o atu ai i a tatou sauniga lotu, aai ma feinu i le faamanatuga, faanoanoa ona o a tatou agasala, ma mafaufau loloto i le puapuagatia o le Faaola mo i tatou,” o lana saunoaga lea. “Tatou te auauna atu, tatou te alolofa atu, ma tatou te taumafai ia aua nei faalavelaveina i tatou e ni gaoioiga e faapea ona taofia ai i tatou mai le tapuai atu ia te Ia.”

Fai mai Peresitene Payne afai o gaoioiga i le Aso Sa e ogatasi ma le agaga, e mafai ona tatou maua lagona sa'o a o tatou faia ia gaoioiga. Ae afai e taofia ai i tatou mai le manatuaina o le Faaola ma le auauna atu i le Sapati e faapei ona ono auauna atu ai o Ia, ia atonu e tatau ona tatou toe mafaufau i a tatou filifiliga.

Ona ia alala loa lea i lalo ma e le'i toe gagana lava o ia. Sa le manaomia ona ia toe saunoa. Sa toe foi mai le Agaga i le potuaoga, ma sa matou faalologo uma lava. ■



ATA NA TUSA E ROBERT T. BARRETT

POLIKA IAGA

Sa taitaia e **Polika Iaga** le **au paonia** mai Navu, Ilinoi, i le Vanu o Sate Leki. A o avea o ia ma Peresitene o le Ekalesia, sa tautua ai foi o ia o se kovana o le Teritori a Iuta. O le **Pa o le Aeto** na faailogaina ai le faitotoa i lona fanua. Sa faaaoga e Polika Iaga lona **tootoo** e faailoga ai le tulaga o le a fausia ai le **Malumalu o Sate Leki**. Sa avea o ia ma Peresitene o le Ekalesia mo le 30 tau-saga, o ni [tausaga] sa sili atu ona umi nai lo se isi lava perofeta o aso e gata ai.



▀ valaau atu le Liahona i Au Paia
o Aso e Gata Ai i le salafa o le
lalolagi ina ia fai saofaga mai
i se "aaifiaga o le avea ma se soo." Sa
talosagaina i latou e suesue i se aoaoga
patino po o se tala e uiga ia Iesu Keriso
mo se vaiaso ona lipoti mai lea pe na faa-
pefea ona uunaia e a latou suesuega le
auala na latou ola ai. Tagai i le itulau 22
mo se lipoti mai sui e toaono lea na auai
i le faatinoina. Sa latou faamatalaina
mea na latou aoaoina ma le auala na
suia ai le ala ua latou mulimuli ai
nei i le Faaola.